

中國方志叢書·塞北地方·第二十五號

據清·韓志超等修·楊篤纂  
清·同治十二年刊本  
影印

察哈爾省

# 西寧縣新志



成文出版社印行

2095095



\*10098491\*

中華民國五十七年三月壹一版

# 西寧縣新志

定價：新台幣 三二〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號  
電話：九二二〇一〇號

印刷者：**正大印製廠**

三重市長生街二號之一

版權所有

內政部登記證內版臺業字第一一四七號



# 中國方志叢書導言

## 論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇一）有六經皆史的說法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事的史。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中慨說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情。國事蹉跎，職是之由。」這樣看來，我國累存的史料確是不少，可惜史學研究上還待重行檢討哩！

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利弊，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綬珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的循環律陷阱，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。四歷史研究者須有哲學的氣質，參用科學的方法，獲取藝術的成果。(五)對史實的特殊相若不加以解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。爲了適應時代需要，樹立清晰而有系統的概念，我們把選印本方志叢書的範疇，暫定爲鄉、縣、府、郡、行政區的地方史，及各種叙一物一事的專志等（如瀘水志、廬山志）。

明清以來，方志成爲地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓賓史上的李馬奔 (Limahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6) 專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有趣的史料。又如何炳棣曾利用方志研究中國的早熟稻種。

(7) 元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8) 地方賦役的負擔，也可從方志比較輕重。

(9) 往日的的水陸交通、驛站距離，也可查知考證。

(10) 鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11) 章學誠永清縣志對縣衙組織和差役的待遇，也是今日不易找到的資料。

(12) 往昔教育制度的社學、義學、書院、學田、科舉應考生的旅費等，也可從方志查考。

(13) 風俗、節日、寺院、壇觀、碑碣、古墓，在方志中均有豐富的記載可資考證。

(14) 少數民族如苗、獠的風俗，方志記載也很可靠。

(15) 歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢哀康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

中華民國五十六年六月二十五日何光謨謹識於成文出版社

獨出齊

同治庚酉七月  
宏州書院校集

史家以志爲難志以地理爲難州縣志者地理之書自宋以來體例漸備其紀述之法視乎史其考訂之難亦視乎史之志西甯鄙在代北古未有志之者康熙中縣令何芬始創爲之後令張充國又增輯之其書第詳時事於考古爲疎於地理尤疎如自漢迄晉僅舉一陽原而以屬之上谷廣甯自北魏迄隋唐僅舉一安塞而以屬之涿郡武州以金襄陰與宏州異治以元宏州與順聖同屬鑿空謬妄大都類是余嘗欲本府志正之未暇也會以事去楊君秋湄山右名孝廉也時主講書院毅然以編纂自任而章邱韓鶴雲平羅張漢橋兩明府先後攝宰力贊成書比余再至草稿適就近復重加刪易手自繕治釐爲十卷題

曰新志余讀之而歎其取材之博用心之勤也夫信古者必稽載籍徵今者必詳案牘二者不備雖才如遷固無由措筆縣中士大夫家鮮祕藏文書掌故自乾隆前又皆失存則卽踵續舊志百餘年間已患不易而況舉數千年事旁搜遠紹本末條貫成一邑之鉅觀乎哉今核其全書或直述古籍或刪潤舊文或別抒己見凡建革之始末形勢之變遷風化之芳臭名賢之著作一代之政令典章一鄉之義烈貞操分篇別目考論今古莫不詳略得宜去取精審卓然具有史裁而於地理尤其平昔精力所萃篇中若辨桑乾爲代郡故治辨安陽非定安舊縣謂橫野不在蔚州謂安塞不在順聖同爲昌平而北魏之郡縣與兩



漢之縣各異同爲桑乾而兩漢之縣與魏之郡隋之鎮又各異  
皆足以訂史文疏略正諸書謬誤余昔讀府志已歎爲精詳及  
觀是書又爽然自失則信乎地理之難言謂西甯之至是而始  
有志焉可也聞君籤藏甚富披閱有得輒加疏記或作書徧訪  
通人往復辨論暇則周行四境與故老相咨詢遇深山古碣必  
手拓以歸其精勤如此自序猶以不能鎔鑄古今成一家言爲  
憾雖文義拘牽使然又益以見君之好學深思而不自侈足矣  
余自丙寅莅官斯土先後居縣計及五載迂疏無能有爲是志  
之作乃得假手以觀其成不可謂非幸也然因其所以志之難  
愈思所以治之不易余之幸余之愧也後有君子覽古今形勢

之異同究人民政治之得失因時損益乘勢利導有以新厥邑者亦將在是則又秋湄之微意所存余未嘗不怵怵其動於心也書諸簡端卽以自勵云爾同治癸酉七月旣望知縣寅康序於西甯官舍之愛日軒

西甯新志

監修

運同銜前署西甯縣知縣 韓志超

運同銜調署西甯縣知縣 張爲章

知州銜現任西甯縣知縣 寅康

即補州現署西甯縣知縣 王蘭芬

纂輯

甲子舉人宏州書院院長 楊篤

校閱

西甯縣教諭甲辰科舉人 范先敘

參訂

西甯縣典史候選縣丞 王德培

採訪

歲

貢

生 王儁麟

附

貢

生 崔謙

同知銜現任內閣中書辛酉科拔貢 李增光

附

貢

生 田澍

廩

生 陳秀森

分校

揀選知縣 辛亥科舉人 邢聯慶

廩

生 李業詣

前任井陘縣教諭丁酉科拔貢 李凌垣

監

生 張蘭

議

敘

八

品

銜 朱寶徵

廩

生 王錫

附

生 張暉

附

生 趙繹

分發江蘇候補縣丞附貢 李鍾華

廩

生 陳秀嵐

附

生 王釗



西甯新志

卷首

縣境全圖

卷之一

紀

恩志

地理志

星度志

附災  
祥

卷之二

建置志

城池  
市集

祠祀  
橋梁

廨宇  
坊表

驛遞

疆域志

附關隘  
村堡

卷之三

山川志

古蹟志

附碑幢  
宅墓

卷之四

賦役志

學校志

附書院  
義學

兵防志

卷之五

職官志

附宦  
蹟



選舉志

進士  
薦辟

舉人  
武科

貢生  
仕宦

卷之六

人物志

卷之七

人物志

附寓  
賢

卷之八

列女志

卷之九

風土志

附物  
產

武事志

卷之十


藝文志


雜志

易境全圖

易境全圖

卷一







每方十里標識城用□村堡用○有義倉用□有墩汛用△其  
山水橋梁道路悉依輿圖舊式水非經流者不登村名不見於  
里冊及見於冊而不滿十戶者俱不登惟虎溝河與鄰境接壤  
之村不在此例正疆域也

五言古詩

卷三











可育所志

副五









西甯新志卷之一

紀

恩志

國家惠養黎元深仁厚澤洋溢中外西甯爲畿內縣推恩自近  
凡慶遇所及初政所行雖非一邑所敢私蹈詠之矣至於水  
旱有愆罔不先厯

聖慮或優賜振恤或寬除租賦惟恐一隅之弗安一夫之失所謹  
備志以見重熙累洽之盛邊民之日臻殷阜者非偶然也

康熙十九年二月二十六日

上諭戶部朕聞宣府等處歲植大稷吾民乏食鬻賣妻子以自求

活夫人孰不愛其室家哉至欲延一朝之命割其所親憐惻莫甚其遣爾部郎中明格禮馳驛速往會同地方官賑濟急拯艱厄以紓朕懷

二十年四月免東西二城本年地丁錢糧

五月初十日

上諭戶部比年以來宣府大同疊罹饑饉而邊外蒙古亦復凶荒故發宣大存貯米石盡用賑濟朕思邊境糧儲所關最要古者九年六年之蓄蓋合侯甸藩畿通爲之計豈僅公廩之充盈已也養人足食道重變通可發京倉米二十萬石前運宣大備用其運米用就近地驛站車夫不致糜費爾部核議具奏



是年巡撫于成龍會同部  
差葉倫來振濟駐東城

二十一年免東西二城水衝沙壓地畝錢糧

二十八年九月十八日奉

上諭蠲免本年未經徵完及二十九年上半年錢糧

明年巡撫于成龍  
來振濟駐東城

三十四年

上諭戶部宣化府屬地土瘠薄秋禾被災今年除已完納外未完  
納者俱免徵其三十五年錢糧仍照順天等四府通行蠲免

雍正七年九月十五日

上諭內閣上年直隸通省收成豐稔惟宣化府屬之宣化懷來保

安三處交界之地廣約四十里長約百里獨愆雨澤頗覺亢旱  
今據巡農御史舒喜奏稱京畿一百四十州縣築場納稼百穀  
咸登各府州縣收成冊報八分九分十分不等老幼悉皆得所  
共慶有收惟宣化府西甯蔚縣三處今年六月閏七月間有冰  
雹之傷禾稼稍損等語朕思天人感應之理纖毫不爽連年以  
來直隸通省雨澤應時西成豐稔而宣化府屬之數州縣地方  
兩年之內有亢旱冰雹之災此必地方官民政治有缺風俗不  
淳是以

上天顯示儆戒欲其警醒悔悟翻然悛改於將來也卽此益見

上天仁愛之心官斯土者宜如之何敬謹修省以免過愆著徧行曉

諭勸導令所屬百姓消亢戾澆漓之風敦和睦忠厚之行共爲  
良善以迓

天庥而此數州之紳衿士庶尤當深感

上天垂象示儆之恩各捫心自問若有幾微匪僻乖戾之念卽猛加  
省改並交相勸勉俾比閭族黨興仁講義共成親遜良善之俗  
則以和召和雨暘時若之應

天必錫之以福矣

八年七月二十八日奉

上諭據巡察順天永平宣化給事中海明奏稱宣化府之西甯蔚  
州懷安等處夏秋缺雨禾稼歉收西甯縣被災六分至九分不

等民人艱窘欲往口外就食總兵官李如柏則稱應聽其出口不必阻攔口北道王棠則稱已於近口州縣設法留養不令遠去現今督臣來文令動用常平社倉之穀二千餘石以濟民食似不敷用等語西甯等處歉收情形該督並未詳悉奏聞今覽海明所奏知該地方官員辦理安插之處俱未妥協若照例交於該督等則保定道路迂遠轉致稽遲著派出副都統韓光基給事中羅鳳彩前往西甯等處悉心查勘將乏食窮民加意撫綏無令遷徙失所其作何散賑平糶之處卽會同口北道動用地方倉穀一面辦理一面奏聞若有應用銀兩之處卽於張家口同知衙門存庫銀兩動支給發

乾隆七年蠲免上回村諸堡錢糧

八年蠲免大鹽場東方城諸堡錢糧

九年石寶莊小莊要家莊諸村災傷分別蠲賑

十年蠲免本年錢糧

十一年免屯糧改折十分之三地丁銀兩全行蠲免灰泉莊諸村免剩屯糧十分之七復行蠲免

十二年蠲免李家窰諸村錢糧

十三年蠲免一百一十村錢糧

十五年蠲免本年錢糧分別賑恤

二十四年蠲免六十八村錢糧發倉賑濟

五十二年七月奉

上諭先行賞給貧民七八兩月口糧其冬發銀米普賑共用米八千七百餘石銀一萬九百餘兩

五十三年正月

上諭直隸宣化府屬各州縣雨澤愆期田禾被旱成災節經降旨令該督分別賑濟毋使一夫失所第念今春正賑已畢青黃不接之時民食不無拮据著加恩將保安宣化萬全西甯懷來蔚州七州縣成災七分以上之極次貧民概行加賑一箇月並將本年應徵地糧暨節年應征新舊錢糧倉穀緩至秋後徵收以舒民力其被災六分以下及勘不成災地畝仍著該督密看情

形酌備口糧以資接濟該督務須督飭所屬實力經理俾災黎均霑愷澤以副朕敷惠畿甸用普春祺至意

嘉慶六年豁免牛蹠莊十五村水衝沙壓地畝錢糧

二十二年蠲免五十村錢糧

道光十六年蠲免本年錢糧





地理志

縣以安陽爲最古。自戰國逮元魏八百年相承。而其名顧數見於他郡。桑乾。昌平。兩漢以後。代稱不拘。尤易舛謬。遼金於唐。則見聞較近矣。而安邊安塞。又何以別。今徵載籍以揆事。義準山川以定地望。訂誤析疑。不合者。尠。夫方聞之士。或囿於一隅。而述古者。動多附會。無徵不信。能不爲河間之實事求是乎。

周并州代國地

周禮職方氏并州川。嘔夷。鄭注嘔夷。祁夷。與出平舒。漢書師古注同。案祁夷水。今壺流河。發源山西廣靈縣。經蔚州北流。

入縣境地理志曰祁夷水北至桑乾入治漢書注誤治今桑

乾河水經謂之濕水也

兩鎮三關志代湯所封同姓子爵案路史有貨無代府志駁

之是也逸周書王會解伊尹作獻令正北十二國有代翟史記趙世家子晰告趙簡子主君之子將克二國於翟

皆子姓正義曰謂代及知氏則尹氏之說亦似可據管子齊載金錢之代谷求狐白皮

代王聞之去其農處山林求狐代立國不知何時當春秋初

己僭王則亦古矣後為趙襄子所并寰宇記代姜姓之國未知所本

戰國屬趙為代安陽

史記趙世家主父封長子章為代安陽君水經注濕水東逕

東安陽縣故城北趙惠文王三年封長子章為代安陽君此

卽章封邑案章爲武靈王子酈注因史記書於惠文年中而誤也東安陽在縣西河南諸村以水道考之應卽曲長城也漢代郡桑乾陽原東安陽三縣地代郡治桑乾

漢書地理志代郡秦置屬幽州 縣十八 桑乾莽曰安德道人

莽曰道仁地理風俗記去參合五十里案當在今山西陽高縣南當城據水經注當高柳西

都尉治一統志馬城東部都尉治十三州志高柳東百在陽高縣西北四十里案當在今懷安縣柴溝堡北

班氏莽曰班副大同延陵據水經注當在今山西天鎮縣新平堡犴氏莽曰犴聚

十三州志在高柳南百三十里案當在今天鎮桑乾河南且如中部都尉治大同平邑

十三州志在天鎮案當在今大同縣東統陽原東安陽莽曰參合

水經注在敦水南案敦水今白平舒莽曰平葆在莽曰登河在陽高縣南二十五里平舒今山西廣靈縣代厭狄

亭應劭曰故代國今蔚州

靈邱

廣昌

莽曰廣屏鹵城

莽曰魯盾通志在繁峙縣東

案地理志於縣注都尉治不注太守治而縣名先書者必為

郡治以續漢書郡國志對校確然無疑桑乾為今西甯地故

代郡治也因備書所領縣注今名以資考證有謂代郡治代

者誤也嘗為之辨

言地理者皆知蔚州為故代明蔚人尹耕作代國代郡二考世多稱之楊篤曰尹氏

謂代國都代以漢文以前凡言代王代相皆在蔚近是謂代郡治代自趙秦及兩漢凡言代郡代守尉皆在蔚則非也蔚

代縣也故代國也秦漢未嘗為郡漢志凡縣名先書者必郡所治地理志代郡領縣十八首桑乾次道人代縣最後是西

漢之郡治桑乾不治代郡國志代郡領縣十一首高柳次桑乾代縣為殿是東漢之郡治高柳不治代水經注曰高柳在

代中故代郡治秦始皇虜趙王遷以為郡王莽所謂厭狄也是秦之郡亦治高柳不治代惟謂莽改高柳為厭狄似西漢

亦治高柳者與班志不合班志代郡注莽曰厭狄高柳但注東郡都尉治漢邊郡設都尉典兵有分縣得比郡高柳與同

郡之馬城且如皆都尉治非太守治而王莽所改之厭狄乃一郡之統名非一縣之專名不得相混吾更以范史證之本紀建武六年代郡太守劉興擊盧芳將賈覽於高柳戰沒別高柳於代郡其不爲太守治甚明耿弇傳言更始徵代郡太守趙永弇父况爲上谷太守勸永詣光武及永北還而代令張騰據城反弇弟舒擊破之永乃得復郡上谷治沮陽在今懷來縣南代郡治桑乾在今西甯縣東相距三百里故能中道爲梗若其時代郡治代則張騰之叛當云據郡不當云據城若其時代郡已治高柳則其地爲今山西陽高縣其去上谷四百餘里其去代縣二百餘里揆以事義均不甚合故嘗斷自景武以來至東漢光武代郡皆治桑乾其後則治高柳以盧芳之亂邊民內徙建武二十六年始復入郡二十七年以代郡屬幽州東觀漢記言城郭邱墟埽地更爲而郡治之非舊可推而知也自中元以來至曹魏黃初代郡皆治高柳其後始治代以靈獻之際烏桓鮮卑叛服不常黃初七年鮮卑遂入居高柳終魏世不聞更復而晉書地理志代郡僅四縣先書代其郡治之再徙又可推而知也若元魏治平城爲今大同唐治雁門爲今代州皆非兩漢之舊自漢高以雲中雁門定襄代郡五十三縣統名爲代以封兄仲其後中

地理

都清河皆號代國而代之名愈混應劭於代郡代縣皆注故代國特為分別其實代郡治代僅石趙慕容為可據而遂不考史家通例水經諸書遽謂上自趙秦下及兩漢凡言代郡代守尉皆在蔚不亦疎乎志地理以疆域為斷考疆域以年限為斷吾怪夫今之志大同者合雲中雁門定襄代郡新興五郡為一又怪夫尹氏志兩鎮三關語焉不詳而於其鄉里尚茫然也

作代郡辨

水經注濕水

自班氏來

東逕北平邑縣故城南東逕猗氏縣故城

北又東逕道人縣故城南又東逕陽原縣故城南北俗謂之北邠州城濕水又東流陽水注之水出縣東北大澤中北俗謂之大拔迴水水自源東南流注於濕水又東逕東安陽縣故城北趙惠文王三年封長子章為代安陽君此即章封邑地理風俗記曰五原有西安陽故此加東也濕水東逕昌平

縣。温水注之。水出南墳下。三源俱導。合而南流。東北當作東南。

濕水。濕水又東。逕昌平縣故城北。昔牽招為魏鮮卑校尉屯

此。濕水又東北。逕桑乾縣故城西。又屈逕其城北。魏土地記

曰。代城北九十里有桑乾城。今縣東八十里。壺流河西。城西渡桑乾水。去

城十里有温湯。療疾有驗。今縣東七十里。澡洗塘。水又東流。祁夷水注

之。

東漢代郡桑乾東安陽二縣地。

續漢書郡國志。建武二十七年七月。代郡屬幽州陽原縣省。

郡治高柳。

晉代郡代安陽二縣地。

後魏地形志安陽二漢曰東安陽屬代郡晉屬是晉代郡有  
安陽也而晉地理志代郡僅代廣昌平舒當城四縣府志據  
之以西甯爲代縣地案晉書成於唐人出魏書後當兼從魏  
書

後魏屬代都爲畿內地後置昌平郡萬年昌平二縣東魏復爲  
安陽縣屬高柳郡

案元魏制凡數變道武定都平城爲代都置司州安陽在畿  
內食貨志所云天興初定京邑東至代郡是也孝文遷都洛  
陽改司州爲恆州別置燕州時爲昌平縣地形志所云太和  
中分恆州東部置燕州領昌平郡魏志作平昌今依水經注改縣二萬年



昌平是也。萬年魏志作萬言。今依隋書地理志改。孝昌之亂，恆代以北並為邱

墟。時燕州徙治幽州軍都。今昌平州。魏志作宣都者，刻本誤也。永熙中，復僑立

安陽縣，屬高柳郡。地形志所云寄治肆州秀容郡城是也。秀容

今山西忻州。案僑置之邑雖不可據，然必先有是地，而後乃立是名。意太和中分置昌平郡時，今縣西南諸村仍屬恆州。故亂後徙治各從所部也。

水經注：濕水東逕昌平縣，溫水注之。案溫水出縣西北二里

海子堰，左會黃羊坡水，南流逕縣城。又一泉自城西南注之

舊志通謂之澣河，其水經冬不凍。三源俱導，與酈注悉合。則

今縣城去北魏昌平故址不遠。在桑乾河北二十里，其渡河

東南。魏時有故城，酈注證為漢昌平故城。以上谷之舊縣，入

代郡之域中因元魏郡縣之名而誤也故曰下舊聞考昌平

山水記皆言漢故縣在今昌平州證以後漢書寇恂耿弇傳

及魏征南將軍劉靖碑其非西甯無疑乃方輿紀要誤據隋

志以今州為魏郡隋書地理志涿郡昌平舊東燕州府志復

堅執酈注以魏郡為漢縣而後漢昌平已屬廣陽郡其說必

不可通遂謂今之西甯能越蔚州諸地而屬京師縮地求合

愈失愈遠矣

隋靈邱縣地屬雁門郡

隋書地理志靈邱後魏置靈邱郡後周置蔚州又立大昌縣

開皇初郡廢縣併入焉大業初州廢案此則合今之蔚州西

甯靈邱廣靈爲一縣地。然舊唐書以安邊爲隋縣而志不載。蓋不久卽廢。隋書兼志五代文有詳略也。

唐蔚州橫野軍安邊縣屬河東道。

唐書地理志蔚州東北有橫野軍。乾元元年徙天成軍合之。而廢橫野軍。又云蔚州貞觀五年治靈邱。開元初徙治安邊。舊書云安邊。隋縣。新書云開元十二年置治橫野軍。是開元中州與軍縣同治一地。其文互詳。惟新書言至德二載州復故治。似還治靈邱者。舊書則云乾元元年置蔚州爲不合。案舊書是也。乾元元年置蔚州與廢橫野軍同時。是蔚州於此年始治。今州安邊縣亦隨之而徙。故郡及縣皆更名興唐而

舊縣遂為天成軍地。元和郡縣志：雲州東至清塞軍一百二十里，又東至天成軍六十里，則確為今之天鎮。與西甯相距七十里，故兩軍可合為一也。若通典謂橫野軍在蔚州東北百四十里，元和志謂在州東北百三十里，乃今靈邱至今蔚州之路，州已再徙，兩書仍沿其舊，遂多牴牾，以致方輿紀要從遼史係之順聖西城。又據宋白說謂在蔚南。續通典：橫野軍初置在飛狐，後移蔚州。府志從唐書係之蔚州，又泥杜佑說謂在深井。案深井在蔚州東北，而相距百七十里，亦不合，去靈邱三百里矣。今案雲中志言蔚州北八十里，天城南七十里，有大古城門，世代莫考，其地在今縣東八里之方城堡，嘗斷為橫野軍安邊縣地，以唐天文志所測極度

證之故當是也。

遼西京道宏州博甯軍刺史永甯順聖二縣地。

遼史地理志東魏置北靈邱郡唐初地陷突厥開元中置橫野軍安邊縣天寶亂廢爲襄陰村初軍曰永甯統縣二永甯順聖順聖本魏安塞軍五代兵廢高勳鎮幽州分永甯縣置初隸奉聖州。

案宏州在魏末自爲昌平及安陽地遼史旣以蔚州之定安當安陽舍數百年相承之故縣從一時權宜之僑郡誤順聖故城在今縣東城東八里去壺流河入桑乾處十二里河西爲漢桑乾縣故代郡治也河東爲北魏萬年縣故昌平郡治

也無所謂安塞魏地制亦不立軍名

僅西河有什星軍疑縣字之譌

又據志

有白道泉白登山白道泉以之名者衆矣白登山在陽高縣南桑乾河之北為彼時宏州西境而志以河南之火燒嶺當之謂之火山云有火井殆未讀水經注全文也皆誤矣

金西京路宏州刺史襄陰順聖二縣

金史地理志宏州下刺史國初為保甯軍縣二襄陰倚本名永甯大定七年改順聖本安塞軍故地遼應歷中置鎮二陽門大羅陽門貞祐二年七月升為縣初領礬山龍門明昌二年礬山改屬德興府三年龍門改屬宣德州

案陽門在天鎮縣東以陽門山得名也大羅無考以順聖為

安塞軍故地。誤同遼史。不言魏。蓋疑之也。考唐書兵志。安塞爲范陽道十六軍之一。地理志。幽州西南有安塞軍。則不在山後八軍內。與順聖無涉。方鎮表。永泰元年。渭北鄜坊別置都團練使。增領安塞軍。則今陝西延安屬縣。尤與順聖無涉。遼史言魏安塞。至五代兵廢。明誤以唐爲魏。不然。元魏邊縣。至隋唐無不省改。何獨一軍。戍歷四百餘年。猶相承耶。通鑑乾甯四年。李克用攻安塞軍。注云。在蔚州東。媯州西。蔚州志據之。謂克用所攻。卽州之定安故縣。宣鎮志又據遼史以爲卽順聖之東城。案舊五代史。唐本紀。言乾甯元年。安塞軍戍將劉仁恭。攜族歸克用。劉仁恭傳。則謂仁恭爲蔚州戍將。是

其地固當在蔚。本紀克用以四年八月。大舉伐仁恭。九月戊寅。師次蔚州。辛巳。攻安塞。大敗於木瓜澗。是其地去蔚又非一日程。一統志木瓜澗在廣昌東南四十里。可證也。則以屬蔚州東七十里之定安已非。而乃以順聖東城當之。言地理者轉相依從。此考古之疎也。

元大同路宏州及順甯府順聖縣。

元史地理志唐為清塞軍。

案元和志清塞軍在雲州東百二十里則今陽高縣治也遼置

宏州金仍之舊領襄陰順聖二縣。至元元年割順聖隸順甯

府。省蔚州為仙靈縣屬焉。其年復改為蔚州。後并省襄陰。

明宣府左衛地。後置順聖川東西二城。



明史地理志宣府左衛有順聖川北有東西二城東城元爲順聖縣西城元爲宏州洪武中俱廢天順四年修築二城又云保安右衛永樂十五年置於順聖川十七年徙治西沙城舊志謂天順四年從武強伯楊能之請築東西城成化二十年置分守參將以二城屬南路據此則本宣府左衛地旋爲保安右衛衛徙復爲宣府地其後始別爲南路而直隸於都指揮使司明史特從其初係於宣府左衛也

國朝初仍明制後改設西甯縣

畿輔通志康熙三十二年置縣以東城併入屬宣化府

世留業二六

久ノ一

ナ四

星度志

附災祥

星土之文古矣而不為一邑言勦說無當我

朝改憲授時惟準北極中星以推晝夜長短節氣早遲其分野  
占驗已久斥弗論故初欲不志天文然橫野測景始求里差  
馬牧躔精北及代郡又數典者所必及也爰最舉大略冠以  
晷度附以災祥期於辨封域存故實而止不述事應猶前志  
也

京師北極高三十九度五十五分 西甯高四十度七分偏西

二度十五分

極度表

梅氏算書

北極高一度則地差二百五

十里而寒暑密移晝夜之長短各異續文獻通考  
地圓之說以古八寸之尺而言南行二百五十里而北極低一  
度北行二百五十里而北極高一度全周三百六十度為九萬

里若以今十寸之尺而論則二百里而差一度地全周為七萬  
 二千里也明史志東西偏度以京師子午線為中而按各地所  
 偏之度凡節氣之早晚日食之先後胥視此會典凡偏  
 東一度節氣遲時之四分偏西一度節氣早時之四分

唐書天文志開元中僧一行造大衍歷詔遣太史測晷天下

蔚州橫野軍夏至二尺二寸九分冬至一丈五尺八寸九分

春秋分六尺四寸四分陽城極高三十四度十分度之四

以今六十分為一度計之 武陵極高二十九度半差陽城五  
 高三十四度二十四分

度三分橫野軍極高四十度差陽城五度三分凡南北之差

十度半其徑三千六百八十八里九十步自陽城至武陵千

八百二十六里七十六步自陽城至橫野千八百六十一里

二百四十步夏至晷差尺五寸三分自陽城至武陵差七寸

三分。陽城夏至晷一尺四寸八分。武陵七寸七分。自陽城至橫野差八寸。冬至晷

差五尺三寸六分。自陽城至武陵差二尺一寸八分。陽城冬至

二尺七寸一分。武陵丈五寸三分。自陽城至橫野差三尺一寸八分。率夏至

與南方差少。冬至與北方差多。大率五百二十六里有奇。晷差二寸餘。三百五十一里八十步。而極差一度。

案黃赤距緯古多今少。測量儀器古疎今密。然亦不大相懸。惟志所云南北之差。依原文算之。實未合。如武陵極高二十九度半。則差陽城爲四度五十四分。而云五度三分。橫野極高四十度。則差陽城爲五度三十六分。而亦云五度三分。似當時祇渾舉成數。若以今測計之。登封極高三十四度二十

八分四十秒

古陽城在今河南登封縣東南三十里之郟城唐為告成縣有測景臺

西甯高四

十度七分較唐測僅贏二分有奇其道路亦略相符然則西

甯為橫野軍地無疑而諸書謂在蔚州東北及蔚州城者胥

誤也

燕地尾箕分野也西有上谷代郡雁門

漢書地理志

東井輿鬼秦雍州代郡入東井二十八度

晉書天文志

玉衡者斗九星也第八星主幽州以五寅日候之庚寅為代郡

上谷

後漢書天文志注

列國十六星代二星在秦南

明史天文志今測一星

大梁析木以負北海胃昴畢大梁也胃得馬牧之氣與冀之北

土同占初胃四度中昴六度終畢九度自魏郡濁漳以北得全

趙之分又北踰衆山盡代郡云云唐書天文志

河東道代蔚武新爲大梁分唐書地理志

案幽州分野散見各書者夥矣擇其爲代郡者錄之其晉書入東井之文容齋隨筆已言其謬漢唐所主互異府志亦爲辨析茲但列古說存而不論

### 災祥

漢元封三年夏代郡旱史記本紀

晉泰元七年幽州蝗延袤千里符堅遣散騎常侍劉蘭爲持節

使者發幽并等州百姓討之晉書載記時秦主分代爲二部自河以東屬劉庫仁

隋大業四年燕代緣邊諸郡旱時發卒百餘萬築長城百姓失

業道殫相望隋書五行志

唐太和四年八月雲代蔚三州山谷間石化為麩人取食之舊唐

紀書本

後唐天成二年蔚州刺史周令武奏雁門以北東西數千里斗

粟不過十錢舊五代史本紀

元至元二年宏州雹元史本紀

明天順八年五月五日大風飄屋瓦拔木 成化六年夏六月

大水七年春饑十九年春三月地震二十一年秋大有年 宏

治二年夏麥大熟八年夏大旱饑九年六月庚辰南口墩驟雨



火發龍起刀鞘內

見明史五行志案南口墩時屬順聖川東城

十八年二月地震

正德十五年九月地震十六年三月大饑人相食嘉靖三年

四月地震十年六月地震十五年七月蝗

五行志是年十月庚寅萬全都司各衛所

地震十六年七月蝗十九年三月大旱二十四年正月地震二十

七年秋有年二十九年三月十九日大風拔木黃沙蔽空晝昏

晦不見至夜分少止三十三年春二月饑六月大水壞屋廬滄

禾稼人畜多壓溺死者三十四年三月大饑人相食三十七年

八月大雨雪三十八年八月大雨雹隆慶二年四月晝晦大

雨雹萬曆二年秋大雨水傷禾民饑八年疫九年四月地震

三次有聲十年秋螟十一年春疫十三年秋大水十四年大旱

荒二十九年夏隕霜三十四年秋大有年三十七年旱三十八年大疫四十三年十一月地震有聲如雷四十六年九月地震天啟六年六月地大震聲如雷崇禎元年夏旱秋隕霜殺禾二年大饑人相食十二年四月雪十三年夏大旱饑十六年春疫夏大旱秋又大疫

案舊志所載有明一代災祥皆本之宣鎮志其中不盡為東西二城然無從考核姑備錄之而斷自天順始

國朝順治元年九月大疫九年多夜猴續宣鎮志西南二路產黃鼠自此甚少蓋夜猴

能擒黃鼠也十年冬大雨雪四十日人物多凍死十四年九月地震

十六年秋大有年十七年正月地震秋大有年十八年九月地

震冬無雪

康熙元年三月四日地震五月大雨雹三年春地震七年三月

至五月大旱七月大雨水七日城垣屋廬多浸塌十年三月不

雨至五月麥多枯蚜蚘生十五年秋大有年明年復大有秋石

粟銀四錢十八年夏大旱十九年三月至六月大旱七月雨雹

二十年夏大雨雹秋旱疫二十六年七月隕霜二十九年五月

雨雹無麥疫三十年春旱四十四年六月蝗縣令何芬禱神撲

職分幽明守土之責維均長民之心攸同神奉上帝命鑒臨一

方縣令膺天子命長吏一邑分則對品對職理宜一德一心

歲時春秋遵循王制率領士民潔爾羊豕肅爾豆籩必致祝曰

風雨不愆螟螣不作神實聽之今者禾易長畝苗者既秀秀者

將實引領而望秋枵腹以待哺乃忽有飛蝗入我境土男哭於

野女號於室縣令奔走於道路食不下咽臥不安席神其有目

視於無形。神其有耳。聽於無聲。心禱口祈。神乃若罔聞。知聽彼災蝗。翳雲蔽日。縣令德薄罪深。撲逐不盡。惟此時也。神應上告蒼天。下援黔首。或以黃風。或以白雨。或以疾雷。或以毒霧。驅此惡物入於山谷。不亦可乎。今仗神力。並告災蝗。縣令有罪。民實何殃。莠民當譴。豈無純良。縣令敢引罪自省。小民祁寒。縣令重裘。蝗應入境也耶。小民藜藿。縣令膏粱。蝗應入境也耶。小民牽車服賈。縣令肩輿乘馬。蝗應入境也耶。不然。下車以來。畏此簡書。懲忿窒慾。惕心檢躬。未嘗有一念一事干天地之和。觸鬼神之怒者。萬民有口。神其鑒察。如或不居。害心違理。陰干天譴。患及一身。禍及一家。今此下民。奈之何。罹此鞠凶乎。蝗食苗根。傷我踵筋。蝗食苗葉。吮我膏血。蝗食苗心。戕我腹心。蝗食苗節。剝我肢節。苗生則民生。縣令與之俱生。苗死則民死。縣令與之俱死。縣令與蝗勢不兩立。刻不能待。相期雞鳴蚤起。乘爾露翅。不能高舉。五尺之遠。排立一人。橫空周而不開。一面三千之衆。各持長杆棘帚。爾止則撲。爾躍則趨。爾食則殺。爾飛則驅。務必殄滅爾族。無俾遺種於茲邑而後已焉。城隍山川社稷諸神。諸祇尙其戮力同心。默以相我。縣令曠官。明有王章。神如尸位。幽有天條。秋報伊邇。神其宴然。長保血食於茲方也。耶。知必不然。敢告。案府志及舊志。皆不言是年蝗。蓋不爲災也。何賢令此文頗爲邑人傳誦。特錄之。

雍正七年六月雨雹八年夏大旱

乾隆七年至十三年旱雹疊災十五年大旱民饑二十四年七月隕霜傷稼三千七百餘頃五十二年旱大饑

嘉慶六年六月大雨連旬壞民田廬十二年六月雨雹十五年七月雨雹二十二年秋旱

道光十六年七月大蝗知縣竇士達倡捐銀八千一百餘兩接

濟飢民

自捐銀五百兩縣人朱寶徵王爲仁各四百兩王應詢馬玉衡王維藩王選郝杰苗存蔚劉承業楊世惠馬璋

姚登俊時際和苗存璞李杰全以級張有猷張佩榮孫有德李賢儒苗存性楊存升蔚兆麟于之幹趙永盛李尙德各二百兩

十七年七月雨雹十八年秋大有年

咸豐七年秋旱八年秋大有年

同治元年七月疫六年五月丁巳大王山雨雪泉水冰十年七月丙辰大雨至八月壬戌止壞民廬舍甚衆龍鬪於南山之香溝

西甯新志卷之一終

西甯新志卷之二

建置志

城池 市集

祠祀 橋梁

廨宇 坊表

驛遞

國家陋明舊制邊衛悉更爲縣規模燦備與內郡相衡縣人得預衣冠文物之盛者踰二百載前代未之有也夫廢興之際運會攸關鄉都之中令典所寄古者興作必書紀時政也重民力也宜備詳之庶守土者兢兢於踐職之匪易而治人事神之道於是乎觀

城池

縣治本宏州舊城遼統和中建金元因之明洪武初廢天順四年修復每面長一里十三步高二丈五尺上設更舖十四舊爲

門三東曰定遠西曰鎮遠南曰朝陽各有樓及月城北城別爲  
 鎮朔樓成化二十一年始穿門築北關城周二里八十步南屬  
 於城東西各贏於城者三十七步南關城本舊址周一里二百  
 八十步北屬於城東西各縮於城者二十七步其東西月城外  
 別爲牆直北與關城齊謂之東關西關亦舊址也今甄基猶存甄文有印官  
訖二字者不知何解亦不知何時造也形如臥牛故相傳爲宏州臥牛城嘉靖二  
 十四年重修萬曆二年始葺以甃而南北關土城如故關各設  
 東西便門南關正南有門常封塞舊志曰避火災也杭州程鍾登城樓詩  
何處南雲白徐登城上樓穹廬天蓋野涼月晚涵秋幕府餘軍壘功名變土邱人生真夢寐遊子亦安求

案龍門寺金正隆三年石幢有南關石工名華嚴寺元至正



十五年石幢、有西關路家院名、惟北關始設於明、其略見於  
真武廟正德十一年碑記、皆有時代可考者、故並及之、城北  
枕高原、東阻沙溝、西環泮水、南限河灣、既踞形勝之區、復羅  
重關之險、名爲臥牛、殆非虛傳、而自萬厯增修後、且三百年、  
垣堞半頽、樓櫓久圯、前令之謀興築者、非一日矣、卒以功浩  
費鉅、無能爲力、雖守在海外、今日之北門鎖鑰、無恃彈丸、然  
班固有言、規事建議、不圖萬世之利、而媮一時之安者、未可  
以經遠也、當事者盍留意諸、

東城縣東六十里、天順四年築、萬厯四年甄發、明禮部尙書倪  
謙有順聖川新城記、宣府西南百七十里、有川曰順聖、水泉流潤、厥土惟壤、厥草惟絛、地宜畜牧、自國初

以來以邊兵之強實資馬力爰擇斯地廣爲畜牧剏城堡建室廬爲處凡一十有七厥惟舊矣厯歲滋久廢弛蕩然肆皇上光復寶祚之三年爲天順乙卯修舉馬政遣工部主事孟淮至宣府經理其事時鎮守太監王受鎮朔將軍總兵官武強伯楊能恭承上命偕詣是川考求遺址議以川之東西相去百有餘里地界遼隔遇警何以保障且舊堡湫隘無水亦難久居宜於川中別築大城爲便詔報曰可遂相與格遵睿旨度鮮原觀流泉興築新城悉心規畫命萬全都指揮使李顯鳩其工守備蔚州都指揮僉事趙瑜保安州指揮僉事焦玘督其役於是陶甃庀材雲委山積版鋪蝟興並手偕作惟二公軫念人力數往撫慰用是士咸感勵役不勞而工不待督凡爲城每面相距以步計者三百六十城之崇以尺計者三十有二址之廣爲尺二十有五其顛爲尺殺於址者八隍之深以尺計者十廣爲尺三十有五城爲門三南曰永盛東曰錦雲西曰寶順爲樓十有二楹城之中爲室廬五百楹他如神祠倉庫與夫董牧廳事靡不完繕經始於天順庚辰三月七日而五月十一日乃訖工僉謂宜塚石勒文以垂示久遠顧以屬謙辭不獲命乃言曰易有之王公設險以守其國書曰惟事事乃其有備有備無患國家以宣府地鄰漠北而兵馬爲邊藩大務於以興仆起廢修復舊典甚盛舉也太監以典御廐內臣武強以元勳世胄英明勇略爲鎮守

總戎於斯。乃克協心恭命。度土地之宜。畫長久之策。高城深池。以設其險。斂兵歸牧。以有其備。外無所虞。內有所恃。馬盛兵強。疆圉嚴輯。由是以戰則克。以守則固。尚何外侮之足患哉。則夫爲國屏翰。以永億萬年無疆之休。於斯見也。古者作靈臺闕宮。皆形諸詠歌。以著厥美。矧邊城之重者哉。謙不敏。旣紀其成績。復繫以詩。其詩曰。朔方之墟。爲古冀幽。維茲宣府。雄殿北陬。迺宿重兵。迺簡智勇。咨爾武強。元戎是總。亦有中貴。來自禁庭。宣德布威。邊塵肅清。牧馬有川。是曰順聖。震驚之餘。廢弛惟聲。天子曰嘻。宜復舊規。爰命冬官。汝往視之。惟我二公。相度地勢。時敵孔棘。遠莫能庇。以詢諸衆。衆謀僉同。匪舊可仍。盍新厥墉。列疏以聞。帝曰俞哉。迺作崇墉。當川之隈。登登馮馮。迺築迺削。樓櫓旣宏。室廬斯拓。於以圍牧。馬息以蕃。於以域武士。嬉以安。天子神聖。廟謨徂顧。桓桓二公。匡國之步。不日告成。永固邊垣。守在四夷。天子萬年。

揣骨曠堡。縣南二十五里。周一百八十丈。內設敵樓。高五重。與西莊樓相犄角。明崇禎初建。

方城堡。縣東八里。周二百四十丈。壕深一丈。門二。見天鎮縣志。

今堡分爲東西中界沙溝非如昔矣

地爲唐安邊縣故址雲中志所云天城南七十里有

大古城門者也爲天鎮入蔚州通途故彼志採入古蹟又列諸關隘

案縣屬東城外大堡衆矣惟揣骨曠及東方城各有社倉又

一爲市集一爲古縣特附載之

祠祀

社稷壇在西門外

神祇壇在西門外

先農壇在東門外雍正四年建

厲壇在東門外

關帝廟在縣署西明宏治七年建有苑馬寺少卿王敏碑記康

熙十七年重修。乾隆二十二年又修。

文昌祠在學宮東。乾隆三十一年建。舊祠在城東北隅。明萬曆二十九年建。有鄭光臺碑記。今廢。又城東上有閣。亦舊祀。

城隍廟在城西南。明成化中建。正德嘉靖年相繼修。乾隆二十年增修道光十九年又修。一在東城。亦明成化中建。

龍神廟在海子堰。乾隆二十三年知縣高重倫建。春秋祀此。餘不備載。

劉猛將軍廟在東門外里許。歲祀。八蜡於此。

火神廟在西街。明崇禎十一年建。康熙五十九年重修。南城樓舊爲祝融宮。今圯。

馬神廟在北街。明天啟三年建。

旗纛廟在舊文昌祠之西今圯

武成王廟在北關西城樓亦舊祀今圯

東嶽廟在東月城

北嶽廟在東城西門外一在南山觀音寨

水國廟在南關

溫泉神祠在澡洗塘

藥王廟在東街順治十六年建同治六年僧徹相重修舊志載

城中有三皇崇壽宮今亡

名宦祠在學宮左

祀明南路通判屈可賢藺民孚今擬增祀漢代郡太守共友蘇竟北魏昌平郡太守元羅

侯房謨元宏州知州潘澤國朝南路通判陳天棟注天柄知縣何芬高重倫

鄉賢祠在學宮右

祀明李齊松 國朝李浚 李濬 李灝 今擬增祀漢范升 北魏賀泥 朱瑞 金魏子平 王元節

楊伯通 李純甫 魏璠 元楊惟中 崔彧 魏初

忠義孝弟祠在典史署西

祀金王元節 劉震亨 王元德 王國綱 魏璠 元崔彧 明劉伏玘 李齊樾 國

朝蘇大傑 李瀛 陳憲 今擬改祀王元節 魏璠 崔彧 於鄉賢而請以明王竊 國朝李恒煥 李鳳鳴 諸人從祀

節孝祠亦在典史署西署舊儒學也 乾隆中改建廟學二祠俱

未及移祀 道光中圯 同治八年 典史王德培 同士民重修十年

署知縣韓志超 採訪節婦九十二人 詳請旌表 始設祀位 祀明節婦

李齊樾妻史氏 國朝李齊桐妻田氏 等三十七人 及現旌節婦已故者

附寺觀玉皇閣

一在北城門上 本鎮朔樓 明成化中改建 一在東城北街 明萬曆二十七年建 咸豐初燬於火

同治八年重建 雄傑甲一邑 梁柱產芝十餘莖 大如盤 真武廟 一在北關 明正德十一年建 有元通直大師李公墓

建置

石幢存廟中一在東城、呂祖宮在東大道觀在北關明嘉靖壬戌建、清虛觀在東

南關一在東城、大覺寺在城西北隅元泰定七年建明萬曆二十

建詳山川、大覺寺在城西北隅元泰定七年建明萬曆二十

慶石、永安寺在南關外金建明正德五年修順治

幢二、永安寺在南關外金建明正德五年修順治

明正德中千戶金海於其地得地藏寺在南街明萬曆

金橫山羅漢院石幢因建寺、地藏寺在南街明萬曆

在西門外明嘉靖三十六年建順治三年重修、觀音殿一在城

有徐化溥碑記同治九年僧如意增建藏經樓、觀音殿一在城

在南、華嚴寺在東方城堡俗傳為唐寺無考據元大德四年大

巍然為一方巨觀有金興善寺在東城明聖感寺在獨山堡今

泰和元至正石幢各一、興善寺在東城明聖感寺在獨山堡今

萬固、永福寺在東坡、青龍寺在東六、萬緣寺在小渡口明

橋碑、永福寺在東坡、青龍寺在東六、萬緣寺在小渡口明

在龍門山、金盤崖寺在盤崖金泰和七年修、竹林寺一名千佛

天會八年建、盤崖寺在盤崖金泰和七年修、竹林寺一名千佛

山明萬曆四、朝陽寺在樺、紫雲寺在玉峯山明靈境寺在月神

年建詳山川、朝陽寺在樺、紫雲寺在玉峯山明靈境寺在月神



靖中修道光  
 咸豐間屢修聖水寺在襄山中碧霞宮在西門外明嘉靖三十年建乾隆中增修  
 聖母廟在城東三官廟在西月城明嘉靖十三年建道光四年修三賢廟在三圪塔橋道光六年重  
 晉王廟在箭口山明隆慶六年修財神廟在北街嘉慶十一年建

解字

縣署在東門內北街明分守藩司行署也萬曆二十年南路通判自東城移駐之康熙三十二年改知縣署其外門庭堂廬悉故制堂後廳五楹西有書房又有南院得樹軒故址在焉軒額無存古榆大十餘圍猶婆婆也其北為愛日軒背負城垣亦有榆數株宴集賓客恒在此內宅當廳後西與軒鄰廳之東舊有書房土屋尤湫隘乾隆十六年知縣路縣圍修嘉慶十八年知

縣高薰業修道光中知縣薛濂楊贊襄相繼修

儒學署在東門內乾隆八年建初文廟在城東北隅康熙中設學就察院西爲學署其後卽東大寺改建文廟始廟學同地門北向前爲明倫堂屋後則市也

典史署在北街西舊學署也乾隆初自縣署西移駐院中榆一株猶數百年物旁有圍亭同治十年典史王德培重修

東城千總署在城西北守備舊署也

西城把總署在東門大街本南路參將署順治十年改守備雍正五年改都司皆駐此

縣庫在縣署大堂西

永豐倉舊名宏州倉在南街康熙中知縣何芬增建廩十四座房七十間乾隆中屢修道光二十二年重修

東城倉舊名馬坊倉廩十座房四十二間乾隆中屢修道光二十六年重修

案二倉歲以儲屯米者其常平倉在北街即明備荒倉久圯倉穀原額一萬八千石實存一萬三千石分貯之

本城義倉在縣署西房三間存穀一千一百六十九石

東城義倉在城西北嶽廟房三間存穀七百石

揣骨疇義倉在堡北房三間存穀九百三十九石

東方城堡義倉在堡內房三間存穀八百三十石

浮圖講義倉在堡內房三間存穀若干石從揣骨曠倉中分貯

陰陽學

醫學

僧會司

道會司俱在本城

申明亭在東街

漏澤園縣城西門外地五畝北門外地三畝東門外地二畝

畝方城堡地三畝白馬營地二畝白家泉地五畝浮圖講席

箕曠地五畝雙樹堡地三畝開陽堡地五畝浮圖講地

四畝泥泉堡地三畝馬脊堡地二畝大溝棧地五畝

辛堡地二畝大灣臺地三畝九馬坊地五畝六馬坊地

三畝八馬坊地七畝七馬坊地四畝東城西門外地七畝

畝五馬坊地三畝三馬坊地二畝北馬脊地三畝

養濟院在東門外康熙二十八年南路通判汪天柄建

留養局三處乾隆二十一年建本城瓦房三間東城土房二間 揣骨瞳土房二間 生息

本銀二百六十兩

附廢署巡按察院一在北街明宏治八年御史茅欽建一在東城之馬坊倉東明天順四年太監李良建今

並廢為分守藩司明嘉靖三十六年副使朱天倬建今為縣署在東城者明宏治四年建嘉靖丁巳改建

分司在縣署西今為義學其北即典史舊署 參將府明宏治八年參將高昇建今為把總署其箭道西堂及題

名碑一在縣城明宏治二十三年建一 西路通判署在東城南街土地祠側今析為民居

在東城南街土地祠側今析為民居

驛遞

東城遞北至深井堡七十里南至白草窰六十里康熙三十二

年置額設遞馬二匹馬夫一名原額馬四匹馬夫二名雍正八年奉文裁歲支草折銀一十二兩九錢零豆五十石四斗麩一十四石四斗工食銀十兩八錢月米三石六斗

西城遞東至東城遞六十里康熙三十二年置額設遞馬二匹

馬夫一名原額同東城歲支草折豆麩工食銀米並同

舖司九處本縣城舖東六馬坊舖八馬坊舖東城舖三馬坊舖以上五處在本縣境內深井堡舖水

泉兒舖分水溝舖西乾莊每舖兵二名額設舖兵一十八舖以上四舖在宣化縣境內

名歲共支工食銀四十三兩二錢

### 市集

每月逢雙日在縣城以四日八日為盛東城三日一集揣骨曠

則一四七日也在堡外。

廟會四月中旬西關碧霞宮最盛百貨並集北關以九月在真武廟東城以六月在關帝廟亦以中旬為期皆六日而罷。

### 橋梁

渡口橋在縣東九十里小渡口即桑乾橋也明正德中僧真中募造巡按王時中建今石橋久圯其地當宣蔚通衢每歲霜降後架木為梁明年冰泮徹之以渡口兩村居民任其事。

萬固橋在縣南二十里桑乾河上明宏治五年百戶金全建苑

馬寺卿王敏有記今橋圯碑存獨山堡

文畧云西城有莊曰余璣為東西南北通衢河

浩渺洪深濟者甚苦先嘗建木橋於是橋西年久圯不可以濟萬全致仕百戶金全暨男海謀諸善士武文斌各出資為倡且

正字通 卷之二

勸導尚義者助之。庀材傭工。濬河之深一尋。植巨木為椿。椿之上石為兩旁隄者。九架以木。木之上礮石數層。灌以灰汁。橋凡八空。縱三十仞。橫三仞。有奇。創於宏治五年五月。成於次年九月云云。

利涉橋在縣東五里三賢廟東。道光七年署知縣孟封建。馬坊橋在縣東四十里八馬坊。通東城。

### 坊表

四相國坊在縣市中央。北為金參知政事魏子平。南為金參知政事尚書右丞楊伯通。東為元中書令楊惟中。西為元平章政事御史中丞崔彧。同治十一年。即隆化昭武承恩清朔四坊舊址改建。

六登桂籍坊在東城。為金進士魏子平。魏笏。魏琦。魏玠。魏璠。魏



玉六人立。

雙長柏臺坊在東城爲元平章政事御史中丞崔彧及同時南  
行臺御史中丞魏初立與桂籍坊本明演武甯川二坊今改建  
欽褒大義坊在東城明崇禎中生員王窩楊登守城有功勅建  
苗氏九世同居坊在三馬坊嘉慶十九年建

李齊桐妻田氏節孝坊在西街

生員李恒葉妻張氏節孝坊在揣骨瞳

田計妻陳氏節孝坊在牛蹄莊

武舉李恒燧妻季氏節孝坊在揣骨瞳

庠生朱瓌妻慕氏節孝坊在浮圖講

廩生薛永宗妻王氏節孝坊在雙樹堡

贈千總朱康功妻張氏節孝坊在浮圖溝

歲貢李琦妻張氏節孝坊在鄧家莊

張邦成妻薛氏節孝坊在白家泉

疆域志 附關隘  
村堡

縣三面錯晉疆西最近又平行多村聚明以前互為屬而今則分省桑乾東過順聖界宣蔚而趨於羣山之會明以前各為治而今則一縣其全境未為有蹙於古而論者或不能無去險就夷鞭長莫及之慮故正其經界斯土田人民之治可稽也達其道路斯山林川澤之阻可知也不盡為地利言而言地利者亦莫之先焉

縣治東八十五里至宣化縣界由二馬坊達深井至宣化府治二百里西十五里

至山西天鎮縣界由柳樹窰達陽高東井集至大同府治一百六十里南四十里至山西

廣靈縣界由三岔寨山路至廣靈縣治一百里北十五里至山西天鎮縣界由劉完莊

取小盤道山路至東南八十里至蔚州界由暖店子取五岔嶺  
 天鎮縣治七十里山路至蔚州治九十里  
 里至省城五百八十里由小關村  
 達蔚州西河營至州治一百六十里西南五十里至山西廣靈  
 縣界由東峪取橋兒澗山路東北九十里至懷安縣界由牛坊  
 鎮左所溝山路至懷安縣治一百里由三西北二十里至山  
 馬坊達懷安縣丁甯嶺至縣治一百四十里由三西北二十里至山  
 西天鎮界由一堵泉達天鎮縣趙家溝至縣治東西廣一百里  
 八十里至陽高縣治一百一十里

南北袤五十五里

關隘

鼇魚口在縣東北四十五里

水峪口在縣東北七十里

明余子俊預備邊患議順聖東城有三隘曰丁甯口鼇魚口

水峪口每口直須一墩便可常安案丁甯口今屬懷安水峪  
鰲魚二口皆僻徑劣通騎今道懷安罕有行者

一吐泉在縣西北二十里

牛坊溝在縣東北三十里

明劉孔允南路形勢論本路無邊垣可據雖稱腹裏然西城  
有一吐泉東城有牛坊溝與水峪深井之南口寨石壑子羅  
家窰六處乃二城之要害案深井三處今並屬宣化

礮兒嶺在縣東南四十五里

舊志遼金設礮故名其南五里卽五汛嶺舊設巡檢今廢

東小關在縣東南八十里

明尹耕九宮私記襄山東盡處界以滋水為東小關其西盡

處又有西小關雲中志襄山在蔚州北八十里西接應州西

之東也尹氏特據蔚州而榆林關復峙其中皆北出通路戰

國策牛贊所謂城竟封之曰無窮之門即此此武靈王語案壺流

河古祁夷水非滋水襄山盡處悉平原東去十里臨崖崖下

為河所經流其小關當原上曰前關屬蔚州曰後關屬西甯

寶車騎通行之途也

村堡

舊分六里曰左里本城及城曰右里城西曰安里西河南謂之

西三里曰前里東城以曰蔚里東河南曰司里東城以東及濱

西諸村曰蔚里諸村曰司里壺流河諸村

謂之東三里地勢交錯難齊今以城為中從保甲冊分為四路  
 東路自西方城堡至二馬坊宣化縣界又至紅崖兒蔚州界共  
 一百一十村

西方城堡

里八

東方城堡

里八

東白馬營

里十五

西白馬營

里十五

西六馬坊

里二十

西三分溝

里二十

馮家窰

里十五

雙廟堡

里二十

連目村

里十二

寬沙河

里十

康家莊

里五

常家莊

里二十

井兒溝

里三十

胡家臺

里二十

周家窰

里二十

草廠溝

里二十

九馬坊

里二十

上八角

里二十

下八角

里二十

窰子溝

里三十

八馬坊

里四十

麻地溝 四十里

西新莊 四十里

五里溝 四十里

東三分溝 四十里

周紳地 四十里

亂溝子 四十里

七馬坊 五十里

東六馬坊 五十里

灰窰兒 六十里

東城 六十里

王家窰 三十里

香草溝 三十里

金叵羅 四十里

龍馬莊 四十里

朱家窰 四十里

壺盧澗 四十里

上八莊 四十里

下八莊 四十里

八角砦 三十里

丁家堡 三十里

城道窰 三十里

開陽堡 三十里

浮圖溝 三十里

泥泉堡 四十里

槽村堡 四十里

平頂村 四十里

保神觀 五十里

保新莊 五十里

馬家窰 五十里

榆條溝 五十里



岳家莊 五十里

席箕灘 五十里

老榆溝 八十里

煙洞莊 七十里

老君營 五十里

馬圈堡 五十里

東馬圈 六十里

焦家莊 六十里

宋家莊 六十里

慕家窰 六十里

澗口 六十里

石盆莊 六十里

娘子城 四十里

七里坡 三十里

小鄭家窰 四十里

沙河窰 四十里

集賢莊 四十里

五馬坊 六十里

舍人莊 六十里

果圈兒 六十里

羊圈窰 六十里

東小莊 六十里

西小莊 六十里

三馬坊 七十里

西窰頭 七十里

東窰頭 七十里

澡洗塘 七十里

大灣臺 八十里

牛圈兒 七十里

魚兒灣 六十里

大渡口 里八十

小渡口 里五十

二馬坊 里八十

正河臺 里八十

東水地 里六十

西水地 里五十

辛堡 里六十

東沙溝 里七十

朝陽堡 里八十

大溝棱 里七十

王林莊 里七十

涼水溝 里八十

棘針屯 里七十

南辛莊 里八十

辛底莊 里八十

徐新莊 里八十

小關村 里八十

許家營 里八十

破寨兒 里五十

芑子溝 里五十

祁家莊 里五十

南沙窰 里八十

西沙窰 里八十

龍鳳坡 里八十

南馬圈 里九十

北馬圈 里九十

旦嶺兒 里九十

西沙莊 里八十

紅崖兒 里五十

西路自西辛莊至一柳營山西天鎮縣界共十五村、

西辛莊里八

柳樹窰里十

要家莊里十

上回村里二十

下回村里二十

小莊里二十

牛蹄莊里二十

大鹽場里二十

下辛莊里十五

下滋堡里十五

東坦坡里十五

王貞莊里二十

張順莊里二十

圪塔頭里二十

一柳營里十五

南路自水泉村至鄭家窰山西廣靈縣界共三十二村、

水泉村里三

狼洞溝里八

正河梁里五

東目連里八

西目連里八

南良莊里十二

東大德莊里十五

西大德莊里十五

廣豐莊里二十

大白嘴 二十里

小白嘴 二十里

辛其莊 二十里

嘴兒梁 二十里

西窰莊

小東溝

揣骨疃 二十里

三泉堡 二十里

董家莊 三十里

鄧家莊 二十里

獨山堡 三十里

曲長城 三十里

席箕疃 三十里

雙樹堡 三十里

東白家泉 三十里

西白家泉 三十里

雙塔堡 三十里

西馬圈 二十里

小新堡 二十里

永安莊 三十里

耘業莊 三十里

季家窰 三十里

高家窰 四十里

北路自黃羊坡至劉完莊山西天鎮縣界又至新莊子懷安縣界共三十一村

黃羊坡里三

朱家莊里八

喬良水里十

豐盛莊里十三

范家窰里十五

灰泉堡里十五

一吐泉里二十

紅寺兒里八

石寶莊里十

祁紅莊里十

劉完莊里十五

李家窰里十五

豹峪莊里十八

響水溝里二十

呂家窰里二十

棘針溝里三十

牛坊溝里三十

葦子水里四十

紅沙崖里五十

鼇魚口里四十

劉家梁里五十

千家營里六十

潘家山里六十

豬窩山里五十

土地眼里六十

沈家莊里五十

高達梁里六十

水峪口里七十

大蟒溝里八十

大莊科里八十

百有斤示

卷之二

疆域

一

西甯新志卷之二十一  
新莊子  
八十里

新莊子  
八十里

西甯新志卷之二終

西甯新志卷之三

山川志

水利  
附見

桑乾襄陰古以名縣固形勝哉而概以山童水潦目之可乎  
余嘗西登莫含之壁南眺代谷北臨神泉循濕流而東至石  
山口其間莽灌者百餘里搜奇所至往往溢於舊聞之外夫  
防禦之阻昔人皆能言之一邱一壑時或未暇因備述所歷  
者著於篇或亦桑酈之遺意也嗤爲無關典要則固其宜

縣境山以桑乾河分南北河北山皆源於白登而東至陽門水  
經注曰託台谷水上承神泉於葦壁北東逕陽門山南葦壁今  
天鎮灰窰溝託台谷今懷安水溝口河之上源也其山自灰窰

清以南皆岡巒迤邐至五架山而斜入縣境是爲西城之山自  
灰窰溝以東皆巖嶂層峻歷熊耳山而折入縣境是爲東城之  
山。

其在縣西北十五里者曰徽泉山徽泉水出焉西流入虎溝無  
草木多奇石。

縣北爲狼尾山其形墮脩而下垂支出於羣山之外舊志曰縣  
治落脈處距城五里世傳令某者惡其名改爲八龍山建龍祠  
以厭之今譌爲八稜實卽白龍山之支峰也。

白龍山在縣北十里當阿有白龍祠不知所始山分數支而下  
其蜿蜒而趨於左者曰龍蟠其右有峰突前首與狼尾相顧曰



跑馬。每天陰欲雨，爲雲所羈。若怒馬騰蹕，時出時沒。縣人詫爲異觀也。

小盤山。在縣東北十五里。兩崖夾峙，凡十八折而上。道通天鐘。崖石皆五色，爛如纈錦。其陽有石寶莊。兩鎮三關志曰：石寶山在順聖西城出碼礮。今城北諸山西自徽泉，東至小盤，皆產之。山蓋其通稱。

席帽山。在小盤山東。其巔方平若截，山自此多無峰。如屏圍者十餘里，以達於牛坊溝。東北與懷安界。

鼇魚山。在縣東北四十五里。山甚危峻，下臨深澗。舊志曰：有大石如鼇，俗呼鎮水魚。狂水至此卽息，蓋息壤之類也。又東有小

孤山去東城八里。

大王山在東城北十里遼統和中嘗幸之以有清虛觀亦名觀

山山半鑿崖為洞曰瑤屋翼以扶欄嵌空橫木橋登者眩目相

傳為仙蹟迤北石徑盤曲夾道悉瓠桃攬檀行里許至中觀又

二里至上觀聖泉水出焉涓流石竇間細如釵股而汲不能竭

旁有元泰定二年石刻云禱雨有驗芍藥兩叢猶明時植花紫

色絕大長松亭亭亦數百年物也。明楊巍同王僉事遊清虛觀詩其一徑轉孤峰上霞明仙

苑邊瑤華開幾世丹竈閉多年洞古雲長合堂虛日獨懸登臨有王烈共詠紫芝篇其二逸思駕天風飄飄出半空山川雲日

裏樓閣有無中洞隱千年鹿潭飛萬里鴻塵埃人易老吾欲訪崆峒其三金扇凌倒景玉女儼層臺地靜人同鶴峰奇錦作苔

亂雲行處起清吹坐中來仙駕杳不至誰將寶籙開其四山鳥晚猶吟窮幽此日心危途愁作客勝境欲抽簪紫澗松風滿瑤

臺花霧深歸來應  
夢到縹緲翠雲岑

觀山東十里有孤峰突出曰柳猷寒四面青石陡立望若城堞  
其上平坦土人云昔年屯戍處也石有圓鑿蓋以樹旗幟者又  
東爲水峪口

青元山在水峪中西南去縣八十里地當觀山之背千峰環向  
若揖若拱南望倒刺代圍連山隱隱桑乾壺流細才盈帶有竹  
林寺寺中銅像以千計故老云山舊有銅阬當時鼓鑄得數十  
萬斤今封矣巨鞴二猶存

大蟒山在縣東北八十里山半有蟒迹斜互數里無草木石色  
皆焦黑舊志曰古有蟒毒人也其山又東十里入懷安境而與

宣化之南口界

桑乾河南之山為襄山。雲中志曰：襄山在蔚州北八十里，西接

應州也。山循桑乾而行，至大同東南百里之神堂山，為宏州舊

境。元宏州種田提舉司李仲璋墓在焉。南距渾源之恒山八十里，尚書太傅舜登宏山

奏兩伯之樂。宏山即恒山，漢人諱恒，故改宏。遼宏州之名蓋由此。如北魏以代都為恒州也。又東二十里曰

六棱山。舊志謂之溜雲山。兩鎮三關志云：廣靈之六棱源於應

州之龍首是也。又東為火燒嶺。舊志謂之遙火山。又東為黑龍

洞。舊志謂之滴水崖。今皆在天鎮。又東曰龍澗山，與縣之青雲

山界。北至縣城三十五里，而東南距神堂山四十里而遠。

青雲山。舊志所云鷲峰嶺也。西有古寺，塔高十餘丈，又名塔山。

山形瘦削石峰攢刺如劍戟森立青插霄漢其下泉水三源並  
導隆冬不凍而夏倍清冽寺僧引以灌畦田高於水能逆流以  
入亦奇惟出谷卽湫耳谷口踣巨碑二長幾二尋文下覆不知

何代也

元魯貞題塔山詩天低雲有影日午塔無陰極目三秋  
望登高萬里心明楊均遊塔山寺詩建塔層崖上盤

紆到鬱蒼野花開石徑清磬出禪房鹿野干  
村秀桑乾一帶黃登高閒俯仰今古正茫茫

馬頭山在青雲山東舊志曰名因形似

金趙秉文馬頭詩天外  
亂山圍曠野水邊孤塔

背層城馬頭才抹桑乾路愁見行人問去程又馬頭山清居  
院詩每逢佳處輒安跽及到清居半日慳曉壁撼鐘雲離石夜  
泉洗鉢月搖山人生能作幾時客林下曾無  
一箇閒不信試看題壁字明朝多是馬頭還

盤崖山在縣西南四十里由武原峪入鳥道崎嶇山半路忽轉  
青崖斗闕截立如削鐵環崖石徑砥平寬二三尺下臨絕澗水

石礪騰有聲倚壁蟠曲而行數里方盡旁有石室四五所古名聚聖岩有金泰和元至正二碑岩外孤峯雲舉西上爲盤崖寺古披雲觀遺址也元人碑云遼末楊氏女者於此鍊真尸解去

有楊姑洞在寺南玉華峰下

邑人亢朝宸楊姑洞詩世傳楊氏姑白日飛昇去靈修石窟棲齋素

松柏茹丹竈俯甘泉藥鑪煮山藟我來訪仙蹤雲深不知處

天門山在盤崖南五里其巔中豁若石闕然磴道絕險須攀木末縋身而進登之可瞰陽和塞

黃巖在天門之陽俗稱黃崖棧巖高極目其上穿石孔架木爲亭旁懸暗梯障以樓盡七梯始至亭去巖頂猶五丈許也其下有洞泉乳細滴以石盆盛之不溢不涸

玉峰山在黃巖東南距縣五十里明嘉靖中僧真江就崖窟覆以檐宇號三懸洞洞南對石柱峰高五六丈屹然立亦巨觀也又南一里有龍趺石爲古紫雲寺遺趾

弇風山亦天門之支峰在縣西南三十五里有風穴過者慄然其下爲東峪道通廣靈當峪口又有竈歪頭山

獨山當襄山之中在縣南三十里元遺山寄曹子玉詩所云襄山回首倍依依也舊志謂金襄陰縣以山得名然襄陰爲村已始於唐山之名宜更古矣循山口而入爲觀音寨道險駢不通又六里有雙龍山疑卽志所謂立龍臥龍者山巖幽邃崖腹中空其上多竅穴如巨蚌覆殼如露蜂墜房當空處有佛殿梯而

上殿後一洞深黑，秉燭曲行數十武，忽豁爽，則有穴，旁通於崖也。雲窗石几，高橫天半，曰清風洞，又曰聖水寺。

由獨山溯澗直上，折而東，有雙峰，斬峙，溪流出其下，曰龍門山。山中疊巘重巖，橫互二里，金天會中建有龍門寺，寺東懸崖穹敞，上承谷口，內環亭宇九楹，每大雨瀑布四垂，不減黃華谷水簾也。其北爲晉王山，有晉王李克用祠，碑稱其嘗遊獵於此。

玉屏山，明一統志云，西接襄山，金李純甫自號玉屏山主，王若虛寄以詩曰：紫芝果可充饑腹，從子玉屏巖石間。

又東爲樺山，其下澗水環流，曰樺澗，多怪石峭峰，上有三泖寨，道通蔚廣，循澗西上，得朝陽洞，洞絕邃，土人云，西與獨山通，未



有窮其際者。

礪兒嶺在縣東南四十五里。舊志曰：嶺極峻，登其巔則羣山皆俯矣。相傳遼時設礪故名，疑非。蓋前明舊戍耳。西北有苞香溝。志謂產藁本香草，去縣三十里。又東爲大龍口。

榆林山在大龍口東，其山鬱盤而秀峙，互十餘里，歷馬鞍山漸平衍，有榆林關，出蔚故道也。西北距縣五十里。

駱駝嶺在縣東南六十里，襄山之幹，盡於榆林，迤東岡阜，其餘支也。

靖頭山在縣東南七十里。

隨山今名月神山，在縣東南九十里，山不甚峻，而岡巒迴合，巒

環如月，上有靈境寺，寺側井泉絕甘，水經注曰：祁夷水西有隨山也。

桑乾河源出馬邑雷山之陽，東北行三百七十里，至天鎮之小

鹽場，東流入縣界。

五里至白家泉北，十五里至曲長城北，五里至張順莊南，北去縣城二十里，又五里至揣

骨疇北，十里至周家窰南，十里至浮圖講北，十里至八馬坊南，二十里至東水地南，北去東城五里，又十里至朝陽堡北，十里

至小渡口北，壺流河自南來注之。

隸縣境凡百里，東北至宣化之打魚灣出界。

縣南北諸水悉會之，習稱順聖川。宣鎮志曰：川中有龍池，永樂

中嘗產龍，桑乾之支流也，非所詳矣。

魏象樞渡桑乾，同徐雲門作長河自西來，萬頃白如

練，俯仰百尺樓，大塊之一綫。邑人蘇夢武，秋日桑乾懷古，獨立桑乾上，天空縱目長，浪翻秋日白，山帶古時黃，豈有銅駝恨，

能無禾黍傷陽原，繁盛地，雁陣但回翔。牛蹄莊自陽高之西，堰頭開渠，經東堰頭、小石莊，及天鎮之大

右莊大同之康石莊渠長三十里引水溉田四十頃大鹽場自  
小石莊開渠引水溉田十頃渠長二十里圪塔頭自康石莊開  
渠溉田十頃渠二道廣豐莊自圪塔頭開渠溉田三十頃渠三  
道小莊舊有上中下三渠自小石莊西引水溉田百頃惜今廢

案順聖川即桑乾川也漢魏無以桑乾名水者所言桑乾皆

縣也其水漢志謂之治武五子傳作台省文也水經謂之濕說文謂之

灑自元魏居平城號其都曰索干三國志任城王彰傳注後稱桑乾酈

道元乃有因水立郡之說謂桑乾泉即涿涓水索干涿涓蓋

北部語其轉音皆為桑乾而遂與漢之縣名混然北魏書於

水則曰灑水於馬邑則曰灑源川於魏郡則曰桑乾於漢故

縣則曰桑乾川仍自分明其通謂之桑乾河自唐始其并謂

河出桑乾山自明人記始而今人遂不知其本為縣名矣桑

欽水經曰濕水出雁門陰館縣東北過代郡桑乾縣南桑乾今西甯地古曰桑乾川以漢縣得名也今日順聖川以遼縣得名也明地理志言川延袤二百餘里則通大同言之而漢之桑乾東安陽陽原道人猗氏平邑六縣皆在內兵志又言川百三十里則舉東西二城言之而今天鎮陽高之南川亦在內而明志又言川下流合於桑乾宣鎮志以川爲桑乾支流而縣中自桑乾外實別無川足以當之則不惟昧於古抑並疎於今矣

虎溝河源天鎮李芳山至縣西北一吐泉村入界泉水注焉南逕一柳營有虎眼泉出溝中可溉田園西南流過小莊又南

入桑乾溝界縣西出山盤曲三十餘里夏秋雨甚彌望浩瀚若旱則其泉涓流才通俗稱乾河或曰卽古陽原縣之陽水也上

村引其泉灌園下同村近亦開渠小莊有大渠一道夏秋水漲溉田數十頃勝於泉水

龍泉在縣西二里海子堰魏地形志昌平縣有龍泉卽此水經

注謂之溫水也說詳地理乾隆中縣令高重倫疏大之砌以石周圍

畝許其水經冬不凍泉穴數十處皆珠湧而出游魚曲穿青藻

間與珠光上下蕩漾清澈可數也上有龍祠祠南有龍泉書院

泉自源南流與黃羊水會水出黃羊坡溫水三源之北源也萬

柳毳毳曲行樹隙中與龍泉並達於城西波洞林簇照人襟袖

俱綠舊有染樓今圯又曲逕南郭與比連泉合泉有二穴是為

南源舊志通謂之澗河也東過水泉村方城水北來注之又東

南繞目連村至辛其莊入桑乾程鍾染樓詩染樓樓上柳初新嫩綠平田一望勻山勢如環開

大漠溪流為帶抱前鄰無端鳥語能呼客欲盡花枝尙向人最是尋芳遲暮感豈知四月始成春蔣仁昌城西春遊寂歷邊

城春花鳥不相顧風日各無聊暗逐城西去城西藥珠宮接引遊人步趨途三里許掩映松柏樹列坐開小閣旁通土城路登

高一以眺莊堡森然布比戶聞雞犬積雪明畦圃石碾響奔泉林塘冒野霽柳綠時就新山青日濯故乃知郊原外吳然愜所

遇醉飽歸歟行止紛異趣啜茗對春風悠然日未暮幽奇恣佳遊信脚不嫌誤古人山水間勝情兼勝具

城外引以灌園甚廣並有水磴數處黃羊坡水泉兒日連村辛其莊皆有渠堰溉田或數畝至數十畝率畸零不能以頃計

五里河出縣東三賢廟北南流過廟橋入龍泉

響水出縣東北二十里響水溝南逕其村村外多園圃楸柰成

林水曲繞之流五里入沙澗狀

汶河在縣東四十里有二源繞八馬坊而南合流入桑乾其西有橋跨溝高可三仞橋半去醕水處別穿巨孔若重閣然

鼇魚水出鼇魚山南流十餘里至山口泐村人當其泐處築堰日糝以土令水常渾始堪汲不則立竭又潛行四五里重出為

三源東南逕七馬坊諸村循虎頭梁合流入桑乾七馬坊及東六馬坊西水

地堡俱資灌溉

觀谷水出觀山東谷流數里泐脈絡散漫再發為數支一出灰窰村南流逕東城西土人謂之西河一出城東北隅左合一泉繞城而南與西河會城中別有二源亦分注之又南至東水地

堡合流入桑乾東城及水地堡灌溉甚廣

温泉今名澡洗塘。魏土地記所云去桑乾城十里有温湯。療疾有驗者也。泉出平壤深丈餘。珠湧泡沸。噴溢於外。氣隆隆若蒸。旁覆小亭。磬石為池。以供浴。稍南別一源。暗流有男女浴室二。療疾者皆在焉。亭之東為温泉神祠。祠中榜曰浴志。于清端公所題也。其水東南行四里入桑乾。明葉盛順聖温泉詩一派靈

滔滔直接天河水。誰繼張騫泛斗牛。林盛東城温泉東。秋迤邐泉出泛郊原。氣上如雲出池常不火。温飛鴉宿遠樹。落日隱前村。浴罷憐然去悠悠。一劍存。

水峪河出懷安黃土嶺南入縣境。逕青元山山谷中。冰悉會之。峪道盤阻。行者間十一渡。至峪口。湫東南出於三馬坊。復潛行至大渡口。再出其流甚巨。可溉田。南入桑乾。



琉璃井在三馬坊東去縣七十五里古有開元寺今廢惟存一石曰去寺基十餘武有泉清冽以巨石剗空鑿之圍徑二丈名琉璃八角井金趙閒開元寺詩所云瓶深添碧鬢者或當在此而俗傳爲五代時劉漢李后汲水處明宣大總督陳新甲有碑紀之新甲人無足取而文尤猥鄙存之適爲寒泉之汙也其西二里別一泉絕深在一祠中村人於祠外鑿石爲狻猊形引其流自口吐出謂之獅子泉

王靈池在白家泉堡西遼地理志宏州有白道泉疑卽此也其水汲引澤溪匯爲一池蒲葦叢生周迴六七畝北流入桑乾池上有黃龍祠禱雨多驗

白家泉引以灌田

箕泉在席箕曠北入桑乾。

洗馬溝水出雙龍山東舊有村臨水源今廢水循溝而北左會龍門水行十餘里湫須大濠乃通北流出襄山口過曲長城又西北入桑乾。

曲泉在曲長城有二源俱流至村北潄爲澤可灌蔬圃每初冬始凍北風乍烈村人決其波盡歸於城西田至春冰解耕澤澤矣田數十頃高於水者數尺或竟丈皆能激之使逆流以入謂之倒回水然非冬不能非城西亦不能也。

車廠水出樺山西峪北流逕三泉堡至揣骨曠入桑乾。

濯纓泉在三泉堡流半里湫舊志曰邑人李創基所鑿泉高丈

許、旁植千柳、灌田百畝、復有臺水環之、其水皆經冬不凍、

大溝河、出縣東南八十里、大溝中、北流至辛堡、入桑乾、水經注  
所云谷水出昌平故城南者、準其地望、當在此、而陵谷變遷、其  
水不復東注祁夷矣、

壺流河、本名瓠觚河、元和郡縣志是明史作葫盧葫俗字、古祁夷水也、源出山西

廣靈縣西三十里莎泉、廣靈縣志如此水經注則謂莎泉入滹水、元和郡志河上槽

狹、下流闊、有似瓠觚也、東過蔚州、由袁家竈折而北流、至縣東

南九十里之紅崖入界、十二里至西沙莊、東五里至小渡口、西

入桑乾、紅崖兒祁家莊南沙窰西沙莊南北馬眷諸村並引以溉田

案縣中水利、如西城之龍泉、東城之觀谷水、皆稱巨流、而或

限於溝徑或濱於沮洳所溉率畸零園圃不能盡其用傍山諸村其泉則湫其土則沙惟仰山中濁潦歲一二灌始得土膏可殖極其成熟亦不過於原田等此皆不足言利桑乾一川經流兩山之間南北相距遠者四十里近者二十里其中平壤得十之七宜足以資灌輸矣然山遠則沙平土疏河身習於遷徙故縣南多荒灘山近則田高水下人力窮於疏濬故縣東多峻崖西南牛蹄莊舊產鹽鹺嘗先開渠附近諸村繼之而斥鹵之性受水多則彌望皆白禾稼或因之不茂又取水必於他省村各爲壕壕多無壩往往旱方需溉而上流已爲人截雨方憂澇而鄰國爲壑其勢又不免於決潰較其

利害實未能變荒瘠爲膏腴，固人力之不齊，亦地勢使之然哉。特以一渠一堰，終勝於無。小有旱荒，或賴以濟，故於境內諸川，涓流必載，注水利於下，俾後之人得以循迹講求，乘時利導，亦未始不可爲蹄涔之先也。



古蹟志

附碑幢  
宅墓

舊志不別志古蹟而散著於地理諸篇最當獨怪其考訂過疎耳余據正史自兩漢迄金元沿革多所辨證其故事陳迹十增其九概難附見乃類輯其略成是志要以雅馴而不戾古籍者爲可信惜乎名賢邱隴盡夷芻牧憑弔所及固不能無憾於有明也

代安陽故城在縣西南三十里曲長城

漢桑乾故城在縣東南八十里朝陽堡東

方輿紀要以爲漢代郡治是也而誤入之大同謂在府東百五十里案其地爲壺流河入桑乾處水經注言之甚詳去大

同當二百四十里也。又案隋開皇中，郭衍爲朔州總管，築桑乾鎮。大業十三年，王智辨討劉武周於此。通鑑注：謂桑乾漢縣，後魏爲郡，周廢，隋以爲鎮，亦誤也。桑乾郡在今山西山陰應州界。水經注所謂大魏因水以立郡者，其地又名下館。魏書：崔元伯傳：徙青齊士望數百家於桑乾。慕容白曜傳：言徙二城民望於下館，而隋書陳孝意傳亦云：劉武周反，孝意與王智辨討之，戰於下館城。是隋之鎮與魏之郡本爲一地。因漢雁門郡治陰館縣，故有上館下館之名。若桑乾縣則爲漢代郡治，相去三百餘里，不得以名稱相混。蓋自裴松之注三國志，沈約撰宋書，以南人談北事，已非所詳。

裴注任城王傳云：桑乾漢縣，今



北魏居之，號爲索干之都。宋書謂北魏居代郡桑乾縣之平城。惟北魏書最分明於桑乾郡，則曰恒州桑乾郡統於州也。於桑乾故縣，則曰代郡桑乾縣統於郡也。

漢陽原廢縣在縣西

一統志在西甯縣，又係之天鎮。案今縣西十里，卽天鎮界。水經注所謂陽水者，源東北流注東南，其故道已不可考。故統志遂兩係之也。

北魏昌平郡故城在縣東九十里

水經注：祁夷水東流至一故城，西去代城五十里。又逕昌平郡。魏太和中置，西南去故城六十里，則當在今小渡口東南。

為西甯宣化境去蔚州得百一十里也

北魏昌平縣故城今縣治

唐安邊縣故城在縣東八里方城堡有大古城門明時猶存

遼宏州博甯軍故治

金襄陰縣故治與宏州同城即遼之永甯也並今縣治

遼順聖廢縣在縣東六十八里城垣俱存周四里門三金及元皆治此去東城八里

溫泉宮在縣東七十五里魏書高祖本紀太和二年春帝幸代之湯泉三年太皇太后帝幸代郡溫泉問民疾苦鰥寡者以宮女妻之今泉側有祠或以為溫泉宮也

案魏紀書溫泉宮者一在廣甯今宣化之鐵底湯也一在靈邱今渾源之湯頭灣也在靈邱西北水經注謂之暄谷府志以靈邱代郡爲一地非然以屢幸之地而有宮亦其宜也姑仍之

隨山女郎祠在縣東南九十里水經注祁夷水西有隨山上有女郎祠方俗所祀地今爲靈境寺碑云唐建蓋亦古矣

橫野軍測景處在方城堡南大唐新語僧一行造黃道游儀分遣太史官馳驛測量日影以二至二分午時量日影遠近蔚州橫野軍北極高四十度冬至影長一丈五尺八分春秋二分長六尺六寸二分夏至長二尺二寸九分所言分寸與唐天文志不合故補錄於此

鷲峰古塔在縣西南青雲山鷲峰寺上塔高三重輒磬咸豐

初修塔。啟輒得石記。有貞元字。知爲唐時造也。五代李襲吉爲晉王與梁太祖書。馬邑兒童皆爲銳將。鷲峰宮闕咸作京坻。其寺之莊麗可想。今山有遺礎。圍徑八尺。土人指爲石鼓。天鎮志曰。與盤崖寺石雞齊鳴。非所詳也。

崖木亭。卽黃崖棧。北去盤崖五里。宣鎮志。遼人建亭其側。架木爲之。歷久不朽。

龍泉祠。在海子堰。元知宏州潘澤。因歲旱詣郭西泉。投文祝雨。其夜有光如星。騰泉。明日大雨。乃立祠泉上。見姚牧菴文集。今祠當卽其遺址。

宏州衣錦院。元百官志。大使主之。

宏州瑪瑙局。元史百官志至元十五年立提舉司領大都宏州兩處造作盤崖寺碑有瑪瑙局院長戴玉局副郭昞諸名。

宏州訥克實局。

語解訥克實錦絨也。舊作納失失今改。

元史百官志大使主之。至

元十六年與葶麻林併為一局三十一一年以兩局相去百餘里。

非便復為二局。

馬坊。府志曰縣堡有頭馬坊至九馬坊名蓋古牧場也。明史兵

志宣德初復置九馬坊於保安州。因明初保安右衛曾治順聖

川而誤衛為州。

朱彝尊七馬坊詩積潦黃蒿外連岡黑霧中轉愁人馬滑真覺道途窮陶穴遺深井坡陀沒故

宮離程渺天末九月斷征鴻

### 碑幢

遼天慶石幢在城中大覺寺。天慶五年十月沙門法葑建幢有二。皆高三尺。徑尺餘。方隅八面。刻梵書陀羅尼。或曰。卽契丹字也。天慶五年爲遼天祚帝之十一年。而碑稱寺創於元泰定中。則幢乃移自他所者。非寺故物。

金橫山羅漢院石幢在南關外千佛寺。明正德乙卯。百戶金海得之田中。就地建寺棲焉。石中斷。僅存其上首。文可辨者。有宏州永甯縣橫山村羅漢院。及雲該禪師字。其一隅刻天會八年。歲次庚戌二月。旁書地獄真言筆法道美。蓋本塔銘。地爲羅漢院。雲該師葬處。非卽院遺址。金宏州永甯。卽今縣治。龍門寺幢有宏州南關楊委名。關之設舊矣。出郭未半里。不當有橫山村。

也

金龍門寺石幢正隆三年五月僧某爲其師行欽建書不工而沙門善稟文頗清麗惜多殘闕石四隅刻女真書二十餘字今存寺中

金王元德墓誌在城中聖母廟廟鄰舊學康熙中邑進士趙爾楷得石於農家昇置之道光中教諭張鏐移入今學後復爲廟僧取去石方廣二尺許字爲其子鉉書雲內州錄事判官呂貞幹撰文

金聚聖岩碑在盤崖寺石瑩如鏡俗稱透玲碑泰和七年立文爲蔚州觀察判官許節撰宏州劉徽猷書字方整學顏平原刻

手絕佳碑陰有公牒文押襄陰縣印方僅寸五六分也

寶真菴碑頭在方城堡華嚴寺篆宏州十方寶真菴記八字其碑已亡不知何人書當亦金源物也寶從古文宝菴書作庵案黃山谷言今俗庵字篆書所無當據後漢書作菴然菴亦不見於說文故篆刻家多借菴字爲之楊用修謂當依石鼓文作菴近積古齋漢龍虎銅節釋文辨菴卽諒陰之陰以爾雅陪閭字皆菴之古文此篆從俗疎矣而筆法秀婉可亞党竹溪知金人之習此藝者多也寺中又有泰和四年肅公禪師塔柱周圍皆佛號正書亦端莊可觀

宅墓



北魏儒林先生常爽故居在海子堰西魏書爽置館温水之右教授門徒七百餘人京師學業翕然復興時號儒林先生

案注通鑑者多不知温水所在由未明昌平未立縣之前其地本在魏京邑內爲今大同地也其水凡三源流及二十里固難確指所居而海子堰實爲中源自當近之然則龍泉書院或卽其遺址歟

金屏山居士李純甫故宅在揣骨瞳玉屏山下一在壺流河西漁陽高信卿嘗作壺溪詩贈屏山屏山集中所云皤兄勸我吸却壺盧溪也屏山籍襄陰去壺流甚遠或是其別業所居有瓢菴高永壺溪詩我觀壺溪水未可以蠡測大若溪上翁有口吸不得壺中別是一洞天溪上翁卽壺中仙畢竟人間無著處

杖頭挑取屏山去。李純甫瓢菴詩書生祇合飽黃齋。大嚼屠門計似癡。壁上七絃元自雅。囊中五字更須奇。橫陳已覺如嚼蠟。皆醉何妨獨啜醪。此味欲談舌本強。如人飲水只渠知。

金徵君曹珏故居在城東北隅舊文廟地。金元好問曹徵君墓表。歲丙午秋九月曹

徵君子玉以疾終於襄陰之寓舍。春秋七十有四。嗚呼哀哉。世豈復有敦龐耆艾之士如君者乎。始余在京師。登君鄉先生禮部閑閑公之門。公每論人物及君。必極口稱道。謂今人少見其比。其後見君於方城。介於太原王右司仲澤。乃定交焉。長余十七歲。余以兄事之。壬辰之兵。君流寓宏州。癸卯冬。余自新興將之燕中。乃枉道過之。死生契闊。始一見顏色。握手而語。恍如隔世。不覺流涕之覆面也。又五年。余閒居鄉里。與君相望六百里而近耳。妾人有傳余下世者。君聞之。寢食俱廢。至問之。卜筮及就日者。王希道推余祿命。以自開釋。已而知其妄也。又為之喜見顏間。居未幾。聞君九月之訃。余為位而哭。且為文以哀之。孤子汝弼。徒步至雲州。求余銘先人墓。不及見而去。君之孫孝待於鎮州者。又三數月矣。追念平生之言。乃泣而銘之。君諱珏。姓曹氏。子玉。其字世為。磁州滏陽人。曾大父圓。大父莘。父璿。皆潛德弗耀。君生數月而孤。養於祖母史氏。少長教之讀書。學性穎

悟有成人之量及就選舉卽有聲場屋間以兩廷試移籍入太  
學時輩翕然推重之君資稟厚重接物誠實世俗機械舉不知  
有之居方城二十年教授爲業僅有中人之產長子國器力於  
幹蠱故君得優游自便賓客過門厚相接納爲具豐潔不類寒  
士家不獨公卿達官愛敬之至於軍府悍卒閭巷細民望君袞  
衣皤腹言笑和雅亦皆忻忻焉嘗再娶未幾婦卒其父哀悼成  
疾君往候之問之所親云公初不病痛女稼未幾而徒捐奩具  
耳君盡其所得者值百金并兩女使悉歸之方城人有倉猝避  
吏留篋而去者君勸家人毋敢竊視事定其人復來發篋驗之  
貯金滿中而封識宛然如手未嘗觸者君之廉類如此正大末  
南京大司農楊公叔玉丞康公伯祿薦君及猗氏韓曼卿武陟  
宋予之武清張仲升汴梁高振之大名王大用等六人文章德  
行乞加官使以厲風俗事聞徵聘有期會兵動而罷里中郭提  
控者喪亂中聚老幼數千守一砦自保人有誣郭嘯聚爲亂者  
州將捕繫之將至不測時立州治大乘山君就爲申理之郭以  
無罪而君幾爲道梗不得還避兵之民無所逃死君擇貧病之  
尤者留養之賴以全活者甚衆羣不逞乘亂欲以兵相加父老  
有曉之者云而曹蠶暴若此獨不愧曹先生父子耶居襄陰又  
十年依尙書李仲臣仲臣爲之起廟學以師席奉君州人化君  
之德文風爲之一變君既老自號囂囂老人有卷瀾集三卷藏

於家君凡六娶曰陳氏徐氏張氏陳氏顧氏前君卒曰姑氏今無恙子男二人曰國器字大用陳出也端愿而信有君之風不幸歿於京師之兵士論惜之汝弼顧出孫一人即孝也曾孫二人幼未名女孫一人尚幼銘曰仁信而篤誠寬博而和平以儒行概之衆善具并何負於人而不能百齡豈無百齡孰愈君之名城郭千年貞石有銘曰是惟曹子之墓尚可以為鄉人之榮又宏州贈曹丈子玉詩邱園舊憶尋幽仄裘褐今聞識姓名故國衣冠有遺老歲寒松柏見交情寄書千里空頭白握手一杯俱眼明來往襄陰從此始刺將歌笑慰生平懷安道中寄懷曹徵君詩楮水歡遊事已非襄山回首倍依依義熙留在陶元亮華表來歸丁令威袖裏短書懷老筆夢中蟠腹見袞衣祝君飽喫殘年飯會有隣牆白板扉追懷曹徵君詩生死論交不易忘一回言別淚千行空勞結伴歸蓮社無復題詩寄草堂楚國先賢宜有傳粵阡羈鬼謾思鄉因君錯怨天公了且道今誰昌晚節

金參知政事魏子平墓在縣東八十里

金甄官署令魏德元墓亦在縣東元姚燧有墓碣銘燧還吳中過廣陵日

今嘉議大夫行臺御史中丞初請曰吾祖靖肅公願言以吾曾祖甄官署令卽死所藏亂離失其處他日必虛爲邱先塋石載其事無使吾先人魂游徜徉無所於歸而一善之或遺也子義爲銘隨又遣其少子可亨拏舟廣陵五千里追之襄陽不及返而及之鄂授其考所輯家塾記曰掇是事銘嗚呼確哉遠而勞焉迺本之曰魏氏繇唐相知古子林刺朔州子孫居桑乾桑乾爲今宏之順聖遼有延恕者生中奉大夫守成中奉生通奉大夫餘慶通奉生兜答館使子貞兜答實生甄官署令君諱允元改德元字信之甄官生進士特賜及第笏特賜生思廉卽記家塾者思廉生初初生翰林修撰必復可系者是九世其大於金繇兜答弟資德大夫參知政事柱國鉅鹿郡開國公子平相世宗致治隆平祖考中奉通奉再世官皆以公貴贈兜答及子隴右令景元甄官與逸其諱者一人再世官皆以公貴蔭君始監順聖酒改宏州酒使鄧州權使抽稅設防有方與宜平不增斂姦無走匿額有羸籌民不苛之入副堂廚庫又爲使改文繡翰林兩署令同知易州入令裁縫署改令甄官署以卒年六十三官止廣威將軍夫人高氏七男笏琉瑜琦玠璠玉琦大中大夫行部侍郎玠朝列大夫延安司獄璠翰林修撰今諡靖肅公與特賜皆以明經進士官琉懷遠大將軍耀州庫使瑜監豐利酒皆蔭官玉進士未祿卒二女一歸同知荊州節度使秦德美一

歸其鄉右姓孫氏君究心本富計田疇第舍牛馬雜樹直可爲錢千者五萬歲入粟爲石者三萬歲抽五十二爲七子求師取友須令節休旬大集衣冠令枚誦所業覈其進惰已則雁序立前侍飲前脩聲輝耳目漸涵化淪其心繇是成德達材多萃其門章宗甚嬖李妃夫人視妃母王姑也數召通籍禁中不可後從獵易州君方除道橋諸水復召曰吾思與若舅弟語久矣終不能一致今行之所在是而夫子倅是便且時也無終避見之深夫人以君出不敢專行俾子瑜請之亦不可曰是家膏也親將汗人人有爲不善者不畏取戾府縣惟憚君知兵興下令急甚敢有舍奴婢亡命不告者罪及其鄰人猶利其備輕私役之覺則殺以滅迹或致大獄君時鄉居聞有出入非常者召問得情嚴其錮防書致其主歸之約示薄威以懲其再無殘其生終不語其主以獲之誰舍所也比卒免家僮久故者民之作詩與斯世訣沐浴衣冠揆日而逝君之孝友天得非學其使堂廚以鉅鹿公子叔元未仕曰大臣子故屯其膏澤不見及耶三求推所居官縣官以故事無有不可又恤其無子以靖肅後之靖肅又無子願言後初則甄官子孫世世圖報鉅鹿者何如也其家塾自序曰由吾季曾鉅鹿輔政茲降修仁潔義可謂曰久仕之之達者列品而九不過中中天齋爲報將待夫後之人耶最初之仕外僉提刑司事爲副爲使入爲鑿察御史治書侍御史御

史中丞司清議者猶大有期曰將不已是於今嗚呼自序君其知子哉矧必復於靖肅公克世其官可大可久與亨學行疑疑可述銘曰反覆觀先民吁可哀積充報衛身期後來門令容駟馬堂三槐必貴於天者如取懷惟中奉亦然祥用獄至鉅鹿再傳既鈞軸官不私其子甄官承承三遜其季叩莫磨又仁厥乏祀修撰繩官以祀比言祀則大以今修撰孫後者再小宗既顯蕃大宗賴藏偶失故所魂依依招之從先墓來如歸膺臚桑乾原終天地孰華其碣太史燧

案碣銘則甄官墓已失而招魂附於先塋其與鉅鹿公同地可知故並載之而甄官子七人五第進士抑何盛也今朝陽堡東爲古桑乾縣其南五六里荒冢纍然旁堆瓦礫或卽魏氏世墓所在而爲居民所耕存者或如片席或僅尺步蓋文獻無徵久矣爲之黯然

金南京路提刑使王元德墓在縣南墓誌石存

略曰公諱元德字子善宏州襄

陰人也。大父俊先。自大理司直致仕。父諫。天會間擢第。卒於武定軍節度副使。母氏遼駙馬都尉范陽盧侯之女孫也。生二子。元忠居長。公其次也。公生而岐嶷。志學之歲。業進士。卓然有成。人風天德中。試上京。登第。授懷柔縣主簿。改濟州運司度支判官。大定初。知泰州。長春縣。時經窩斡之亂。戶口百無二三。公招集撫育。比及代。流民盡歸。充翼州酒務使。歷井陘縣令。入補尚書令。使除東京留守判官。加朝散大夫。嘗試鹽使。丁太夫人憂。服除。拜利涉軍節度副。兼濟州管内觀察副使。公以舊治之地。素恩結於民。既入境。老扶幼攜。相率拜迎於路。踰月。復被召為右司都事。有囚毆殺人者。公以為誤。執奏欲薄其罪。世宗曰。朕知故以鐵傷人。卿言誤。何公頓首謝。上復曰。卿論多寬。如古人耳。宜從。卿減死。公之活人。皆此類也。拜祁州刺史。將下除書。世宗謂人曰。王元德極勞心。宜與一上郡。故授之以祁。次年秋。潦郡河泛。溢城不沒者數板。公朝服立城上。焚香祝曰。吏政不善。天降之災。民何罪焉。願以身塞河。指顧間。東南風濤聲震。圯堤而去。他郡有中外兄弟。以條桑之月。同詣守之。夜盜至。弟誤斫其兄。盜已逝矣。遺布衣竹籃。兄垂死。語弟曰。吾與富人。丙有隙。投尸若地。必有獲。弟如其計。訟於官。前後已移數政。莫得情。及獄於祁。召翁母問之。具言盜所遺物。方決獄。疑一郡稱為神明。未滿秩。擢拜大理卿。世宗升遐。借以正奉大夫工部尚書充國。



信使如宋報哀昔之使者有射弓游燕之禮公曰是行也不侔於前使豈可講此乎并無名禮物皆以辭却識者是之明昌元年改授同知南京留守開封尹秋七月二十三日以疾卒於官年六十一先是授南京路提刑使兼勸農採訪事命至之日已不幸矣先娶夫人路氏繼以咸平蕭總管之女俱贈太原郡君今夫人馬氏男二人長曰鉉有學術應進士舉少曰鏗守部譯史女二適人後皆卒孫二人鉉輦柩自梁達燕歸葬於宏執友人馬百元所狀泣涕告曰先君捐館奄棄諸孤下以今年十月二十八日於襄陰縣桑溪北原之祖塋合葬先夫人墓未有以誌其壙者知先君行事無如子之詳敢以銘文辱余有世契義難以辭卽序而銘曰銘不錄

### 金左司郎中李純甫墓

案渾源雷源所撰墓誌歸潛志言刻石猶存其文今已無傳而屏山卒於汴時元兵方分道南下未敢定其後必歸葬故里也惟中州集載其子全字稚川今在鎮陽當卽遺山癸巳

上耶律丞相書所舉渾源李全也似金亡時其子已北歸矣故仍府志載入

金監察御史王國綱墓

宣鎮志云在宏州今無考志又有金提舉章公墓佚其名今亦不詳所在

元右丞相鎮海墓在縣北十里白龍山許有壬有神道碑銘天

宋金之不能君其民也篤生大有為之君以君之我太祖聖武皇帝順天應人龍起朔方豪傑雲從四傑而下儔功輩出若丞相鎮海蓋較著者也五世孫僉河北河南道肅政廉訪司赫斯狀其故請曰丞相奮庸天造名具祕史世莫得聞子孫席世少文封謚稽稽諸麗牲有石而無銘封謚在官銘不在子孫乎敢再拜請愚昔長史館與修功臣傳家報疏列至有炳炳在人子孫不能具一言一事者竊嘗譙其後而悲其先也僉憲殖華學穎出羣從思宏世德嘉其能後故不讓而筆之丞相名鎮海即

稱海系出怯烈氏或曰本田氏至朔方始氏怯烈曰實怯烈族  
時同名者三因主屯田故加田以別之有勇略善騎射從征屢  
有功歲丙寅長百夫從宗王百官於班竹兀那黑河同盟恭上  
太祖成吉思皇帝尊號倚注日密晝不釋鞍夜不解帶爲扎魯  
花赤征太陽國賜御馬一破曲出國王國魯國賜珠旗金虎符  
銀印爲閭里必總屬官金符十人銀符五十人征塔塔爾欽察  
唐兀只溫回回契丹女直皆有功承命闢兀里羊歡地爲屯田  
且城之因公名其地曰鎮海又曰稱海俾公守焉局所俘萬  
口居作後以其半不能寒者移宏州孫塔塔察襲監宏州及其  
局風宜春稜屑供天庖若諸樹藝爲設提舉以司之亦以公子  
孫世其職時諸番略定遂南牧至撫州與金將忽察忽思戰流  
矢中右脅給其衆謂不傷裏瘡復戰竟拔其城賜白金俾爲後  
證既拔燕都命公登大悲閣環射四矢所至市舍悉以賜之尋  
受顧命奉太宗登極收天下符節獨公聽留復以貴戚金符官  
隸麾下拜中書丞相偕塔察兒雪別友取汴京河南河中裕均  
蔡得九龍旗乘輿椅蓋悉以賜公中原既定錫恩州三百戶爲  
實封世食其賦爲置官守始立中書省尙左公爲左丞相繼尙  
右改右丞相乙未八月二十一日薨於家上悼惜不已賜金幣  
治喪命百官致祭葬宏州北阜立祠其上憲宗嘗拊髀歎曰使  
吾得鎮海江淮何憂惜其亾矣世祖登極又以公舊部及降虜

千人為貴赤命公之孫莊家為千戶曾孫也里卜花為百戶世  
 所謂十七投下者此其一也在干戈中每以進賢為急河西得  
 亦思兒赤匠官得崔後其子皆為名臣陰陽得田仕至大司徒  
 得儒十三人後皆知名夫人滅兒吉真太祖所賜嬪妃也初克  
 蔡俘得金公主某亦賜公子男一十二人曰要束木為扎魯  
 花赤佩金符扎魯花赤之曾孫脫火赤貴龍赤千戶元孫保保  
 襲中衛千戶曰李古思從世皇有功雲南為濟南益都宣慰使  
 曰闊里吉思僉憲高祖也孫若干人曰八十八僉河東道廉訪  
 司事按攤不花淮西廉訪副使曾孫脫烈靖州路扎魯花赤僉  
 憲大父也子孫繁衍碑不具載世有恒言飲水黑河最為勲舊  
 公實與焉國史曰脫必赤顏至祕也非有功不紀公名在焉錫  
 戶樹官傳之子孫祖宗來可屈指焉公則二焉即是觀之豐功  
 盛烈雖家乘紀述容有逸略而其嚮然大者不可掩也銘曰雲  
 雷經綸屯將作解元氣鼓動大塊斯噫豐隆屏翳相為後先亨  
 之毒之以基我元於赫代工開天伊始同盟黑河有如白水轍  
 環扈征何堅不摧戰功日多我實有之珠旗揚揚金符煌煌從  
 官如雲君賜以彰天荒既營有城翼翼樹藝告成百工以集鄒  
 律同春奏食靡艱俾爾子姓世尸其官鏃鋒雖利吾忘吾脅恬  
 然不傷嬰鋒躐血拔燕論功旌以殊禮四矢所至悉公之邸帝  
 曰汝賢其長中書汴蔡底平金社遂虛朕功頒賞賜戶三百世

掌食采有官永額不懲首離優游考終九重震悼賻賜祭豐宏  
惟桐鄉庸昭崇報有穹其封有恤其廟祕史紀名永終不墜願  
是刻文益示揚厲

元中書令楊惟中墓今失所在郝經有神道碑銘皇朝誕膺天

經武海外既一再傳始究內治用楊公為相與天下休息公乃  
恢張規模維繫綱紀誅鋤兇渠愛養黎獻整領衣冠收藏典籍  
斯民得以迓續遺命吾道賴以不亡天下復見中國之治繫公  
之力焉公諱惟中字彥誠宏州人曾祖某皇祖某皇考某皆用  
武貴金末以孤童子事太宗自知讀書有膽略太宗器之弱冠  
奮命使西域三十餘國宣暢威靈敷布條要俾皆籍戶屬吏數  
年歸乃有大用意廓出太子伐宋命公於軍前行中書省克宋  
棗陽光化等軍光隨郢復等州及襄陽德安府得名士數十人  
收集伊洛諸書載送燕都立周子廟建太極書院俾師儒趙復  
等講授公遂知性理學慨然欲以道濟天下耶律楚材罷遂以  
公為中書令領省事太宗崩太后稱制公以一相負任天下谷  
幽皇帝即位平陽道斷事官斜徹橫恣不法詔公宣慰公按誅  
之出一府繩擗莫不健其決金亡恒山公武仙潰於鄧州其餘  
黨散入太原真定間據大明川用金國開興年號衆至數萬出

沒劫掠數千里。詔會諸道兵討之。不克。公仗節開諭降其渠帥。其黨悉平。憲宗皇帝卽位。今上以太弟鎮金蓮川。開府承制。奏拜公爲河南道經略使。初滅金。以監河橋萬戶劉福爲河南道總管。盡有金源故地。福貪鄙殘酷。害虐遺民二十餘年。公至。召福聽約束。福畏公稱疾不至。公命設大梃於坐。復召之。使謂福曰。爾不奉詔者。吾以軍法從事。福以數千人執梃擁衛。下車見公。公卽握大梃擊踏之。方起。又連擊之。福匍匐魄而去。數日。福死。百姓鼓舞稱快。河南大治。遷陝右四川宣撫大使。以諸軍帥橫侈病民。郭千戶者尤甚。殺人之夫而奪其妻。其子告公。公蔽之以徇。關中肅然。公語人曰。吾非好殺。國家綱紀不立。致此輩賊虐良民。無所控告。不去不仁。何以爲仁乎。歲己未。今上總統東師。奏公爲江淮京湖南北等路宣撫大使。俾建行臺。以先啟行。宣布恩信。蒙古漢軍諸帥並聽節制。師還。冬。十有二月某日。薨於蔡州。春秋五十有五。公相三君。厯事四朝。出入柄用者三十年。天下畏其勇而懷其仁。夫人某氏。一子某。方爲諸生。受學以經。公之同僚上介請文其事。經曰。昔王儉碑褚淵張說碑姚崇同僚故也。矧公之德於斯民。有功於中國。甚厚幸哉。可無書乎。序而銘之。銘曰。赤氣竟天。北屬斗尾。殺伐用張。真人是啟。太祖取之。太宗治之。帳前異人去。殺有時。崑崙虞泉。仗節而往。飲馬河源。指揮酋長。滔滔江漢。伊洛淵源。北面降虜。遂傳中原。試

可不達爰立作相始用漢人斯民有望化樞載轉雷雨一新日出冰天萬象皆春乃宏三綱乃舉八柄噓枯爲生活我遺命天資嫉惡誅去三凶精金百鍊莫當其鋒斯文不喪衣冠是賴又以太極天地不壞伊余何人一旦佐公布宣王靈附鳳攀龍振旅凱旋際會千載年未中壽遽至於此德能及人施必在子刻詩貞珉以昭信史於萬千年公乃不死

元御史中丞崔或墓在縣東四十五里墓前翁仲石獸猶存

案元史載或爲宏州人宣鎮志以爲順聖人志作於明中葉去元未遠當必有據或爾時墓碑尙存也而詢諸故老鮮能舉是塋爲誰氏者今斷爲中丞墓以地屬順聖金元兩代順聖達官惟或及魏氏魏氏世墓據姚牧菴文則在桑乾河南也

明千戶劉伏玘墓在東水地堡

李氏世墓明贈承德郎李珏鄉賢東川通判李齊松桂府長史  
李齊櫬

國朝鄉賢新河訓導李浚鄉賢大同中路通判李濬鄉賢李灝  
俱在揣骨曠

廣東碣石衛總兵劉國興墓在岳家莊

文水縣知縣趙爾楷墓在范家窰

西甯新志卷之三終



西甯新志卷之四

賦役志

賦法明以前莫詳矣。明則屯田也。然旋興旋廢。其始藉團種以濟軍。其後至重科以病農。迄乎季年。法日以敝。我

朝酌中定制。經畫久遠。自丁糧攤歸地畝。而民便。自屯米半為折色。而民益便。損益之宜。良在乎因時哉。稽賦役全書。凡版籍之數。出納之經。條舉今昔。釐然具備。得並志之。而斷自併東西二城為縣始。

編戶一萬三千二十九口。六萬七千七百九十二。本城併關廂四千八百一

十戶二萬五千三百二十四口。東鄉四千一百九十一戶。二萬一千九百一十二口。西鄉一千一百五十二口。南鄉二

千一百八十五戶一萬一千四百八十四口北鄉八百四十二戶四千七十口按年稽實冊報其應

徵行差人丁銀於雍正元年全數攤入地畝

原額地八千三百四十六頃八十五畝四分各銀糧不等共徵

折色銀三千八百三十三兩六錢六分二釐共徵本色糧一萬

一千八百九十四石四斗八升五合六勺案全書載順治元年西城原額地五千一

百十三頃九十八畝二分徵銀四千四百六十四兩七錢一分

八釐徵糧九千六百十六石二升六合六勺東城原額地五千

七百五頃十一畝四分徵銀二千九百五十八兩九錢一分徵

糧九千五百六十九石二斗五升六合一勺其名有屯團地畝

公務餘地操賞稻糧之殊為有明田賦之舊以今額核之其為

田溢於今者僅五之一而為賦幾及倍蓋並沙磧斥鹵不毛之

地皆括之以足屯額者經我朝數十年節次開除又益以新

墾者幾三千頃設縣後乃僅存此數則當時之苦賠豪占可知

其重科苛斂又可知崇禎中懷隆道李仙風屯田議曰查先年

開屯率於順聖川一帶此地原牧馬草場被敵兵蹂躪馬往口

南始築城堡耕種然牧場起自永樂而洪武初年亦係衛所屯種之數歲可收糧四十餘萬石足官軍一年支用專設屯田副使經理如葉文莊時亦始屯此地而後及各路補官牛置農器給子粒皆摘發軍人往為之耕賣其租以買馬徵其糶以飼牛公務驛傳之外尚有易銀以備公用宏治時尙書李敏奏葉盛各路團種誠為良規而近年余子俊將給種軍人掣回操守牛具變賣地盡起科民既通糧馬皆倒斃然則興屯必須團種也明矣團種之必摘發軍人也明矣今所為團種者非軍也民也即為軍乃祖戍之不可脫而其地乃祖遺之不可辭推以予人而不肯受乃力不能種惟有一逃人逃則地棄後人團而種之名日新增任地納糧止同地畝及團種已易為地畝而額糧未減仍納團種之糧故舊人納糧新人種地甚至此人種無糧之地而彼人納無地之糧冊籍罔稽阡陌莫辨所以今日為牛糧告辨紛紛而官卒莫之斷也不知團種者官辦牛種而軍耕之所以每畝起科五六七升不等及牛種不給於官則團種之地與地畝何別而地畝或納糧一二升或折色一二分團種則五六七升何輕重頓懸若此今查尙書周謙曾題團種原額外量與餘地三十畝仍照余子俊所定每畝三升起科則是無牛種而名為團種者當在所減也今不惟無減而追出餘田另為加增愈增愈不知底止似不可不急為釐正也

賦役

二

節年新收起科報墾並退回地九百九頃四十一畝三分共徵銀一百二十九兩三錢四分一釐零共徵糧六百八石五斗二升三合

節年開除水冲沙壓並寄糧改歸地四百六十八頃九十二畝一分共除銀一百四十九兩六錢四分二釐零共除糧七百八十三石六升八合四勺

實在地八千七百八十七頃三十四畝九分  
本色屯田地二千二百三十八頃一十六畝九分 本色團種地九百七十六頃一十六畝七分 本色地畝地九百五頃九十六畝八分 興屯改歸民地二百七十一頃五十五畝 順義縣退回地二十七頃二十七畝 清查丈出併援例開墾及民餘墾荒共地二千一百五十一頃三十七畝八分 鑲黃旗下退回地一十一頃九十八畝二分 以上各徵本色每畝糧五六合至二三升不等 折色屯田地

一千二百二頃八十三畝九分 折色團種地三百五十八頃  
 三分 折色地畝地三百二十一頃一十一畝七分 民餘告  
 佃地一十七頃三十五畝 順義縣退回地七頃七十三畝  
 鑲黃旗退回地五頃八十八畝二分 公務餘地一百六十五  
 頃九十八畝五分 操賞地五十七頃九十三畝二分 稻糧  
 地六頃九十一畝七分 以上各徵折色每畝銀六七釐至三四  
 分不等 宣化縣改歸寄莊地五頃四十四畝一分 蔚縣改  
 歸寄莊地九頃六十一畝 順義縣改歸撥補地三十五頃七  
 十畝 報墾荒灘地五頃七 共徵銀三千八百二十六兩六錢  
 十九畝二分各徵銀糧不等 一分八釐共徵均攤丁匠銀七百八十六兩七錢一分二釐 遇  
 之年加徵二十六 又額外徵收洪令首報浮糧二百七十三兩  
 兩五錢九分七釐 九釐共徵糧一萬一千七百一十九石六斗四升一勺 乾隆九  
 年奉文餘豆三千石每豆一石二斗改徵米一石計減糧五百  
 石外實應徵糧五千六百二十九石六斗七升五合一勺改折

銀五千五百八十九兩九錢六分五釐。每米一石折銀一兩。初

丁旋改解藩庫。雍正七年通行。

實起運地糧銀三千二百七十八兩三錢三分三釐。

存留銀一千五百八十一兩四錢四分一釐。本府修理龍亭

二十兩。文廟等春秋二祭銀六十兩。社稷山川等春秋二

祭銀四十兩。朔望行香銀二兩。鄉飲酒禮銀二十兩。時

憲書銀十兩。二年一辦貢生花紅旗匾銀五兩。三年一辦

新中文舉人每名牌坊銀八十兩。每年帶徵銀二十六兩六錢

六分六釐。新中文進士每名牌坊銀一百兩。每年帶徵銀三

十三兩三錢三分三釐。文舉人會試盤費銀三十兩。每年帶

徵銀十兩。新中武舉每名花紅旗匾銀五兩。每年帶徵銀一

兩六錢六分六釐。新中武進士每名花紅旗匾銀十兩。每年

帶徵銀三兩三錢三分三釐。武舉會試盤費銀二十兩。每年

帶徵銀六兩六錢六分六釐。以上解府各款。本縣知縣俸銀

四十五兩。門子二名。工食銀十二兩。卓隸九名。工食銀五

十四兩。作三名。工食銀十八兩。馬快八名。工食銀百三

十四兩四錢 民壯三十八名內撥給宣化府同知民莊六名  
 張家口同知民莊二名共工食銀二百二十八兩 轎織扇夫  
 七名工食銀四十二兩 庫子二名工食銀十二兩 斗級四  
 名工食銀二十四兩 舖兵十八名工食銀四十三兩二錢  
 禁卒八名工食銀四十八兩 吹手六名工食銀三十六兩  
 更夫五名工食銀二十四兩 火夫八名工食銀三十八兩四  
 錢修理 龍亭銀五錢 文廟銀十兩 社稷山川等春秋  
 二祭銀三十兩 文廟等春秋二祭銀四十兩 文昌祠春秋  
 祭品銀二十六兩六錢六分六釐 關帝廟春秋致祭銀四十  
 兩 先農壇農夫二名工食銀十二兩 三小祭無祀鬼神銀  
 十兩 朔望行香紙燭銀一兩 時憲書銀三兩 孤貧冬衣  
 布花銀五兩五錢六分六釐 典史俸銀三十一兩五錢二分  
 門子一名工食銀六兩 皂隸四名工食銀二十四兩 馬夫  
 一名工食銀六兩 儒學教諭俸銀四十兩 齋夫三名工食  
 銀三十六兩 門斗三名工食銀二十一兩六錢 廩生三十  
 名廩糧銀六十四兩 膳夫二名工食銀十三兩三錢三分三  
 釐 二年一辦貢生花紅旗匾銀五兩每年帶徵銀二兩五錢  
 三年一辦會試舉人盤費銀十五兩每年帶徵銀五兩 新中  
 文舉人每名牌坊銀八十兩每年帶徵銀二十六兩六錢六分  
 六釐 新中文進士每名牌坊銀一百兩每年帶徵銀三十三

賦役

兩三錢三分三釐 新中武舉每名花紅旗匾銀五兩每年帶  
 徵銀一兩六錢六分六釐 新中武進士每名花紅旗匾銀十  
 兩每年帶徵銀三兩三錢三分三釐 遞馬四匹草折銀二十  
 五兩九錢二分遇閏加銀二兩一錢六分 馬夫二名工食銀  
 二十一兩六錢遇閏加銀一兩八錢 工料銀十七  
 兩五錢六分八釐遇閏加銀一兩四錢三分六釐

外鹽課額銀四百六十六兩九釐零其典當燒缸牙帖牛驢房  
 地各稅俱無定額儘收儘解



學校志

附書院  
義學

古邊郡多不建學。金源氏稱文治，凡節鎮防禦所在，皆有學官。而宏州為刺史州，不與明制軍衛得置教授，設弟子員，號衛學。而東西二城為戍堡，亦不與縣之有學。其僅有元之百年間乎。然搢紳冠帶猶相與私立廟廡，習禮樂，陳俎豆，庠序之風，又未嘗或絕也。我

朝設縣後，始著於令典。迄今規制重新，彬彬盛矣。

文廟舊在縣治東。明萬曆二十七年，南路通判屈可賢建。

有重修記

載舊志略云：廟歲久傾圮，僅存殿三楹。詢諸父老，言當時廟與宏州並建者，遂謀於分鎮王公養民戴公恩及士生，移治云云。  
國初因之。順治二年，增建啟聖祠及明倫堂。邑人亢朝宸有記。乾隆五年，縣令湯其昌就

東大寺廢基改建六年大成殿告成尋去任後令彭月孫增設  
崇聖祠及兩廡各門名坊各祠規制乃備其舊學改爲

萬壽宮太常寺卿陶正靖有碑記

其殿廡位次敬遵同治二年

欽頒文廟祀位圖春秋釋奠禮器樂舞並遵通禮

明倫堂在文廟後左爲進德齋右爲脩業齋

學田六頃四十分坐落寬沙河乾隆二十九年知縣熊道階教諭鹿

緝祖典史楊沛雨捐俸置有碑

學額康熙三十二年設縣定爲小學入學八名五十四年廣額  
加取二名雍正元年改中學取十五名廩膳生員二十名增廣

生員數同。

東城文廟康熙中建有鄆縣知縣朱文卿碑記設縣後改為義

學乾隆中增修祭田東城地五頃五十三畝五馬坊地八十

米豆租二十一石五升又租穀十六石三斗水峪口審子溝二村免莊租穀二十四石

書院義學

宏州書院舊在西門外道光六年署知縣孟封建同治六年知

縣寅康移之城中九年署知縣韓志超續捐經費有碑原置朱家莊地

八頃三畝三分西辛莊地一頃三畝泥泉堡地八頃曲

長城地一頃七十七畝泥泉堡免莊宣錢一百千獨山堡

免莊宣錢九千槽村免莊宣錢一百千平頂村免莊宣

錢九千本城炭稱宣錢三百千東城炭稱宣錢一百二

十千瑞骨瞳炭稱宣錢四十五千續

捐每年發商生息成本約宣錢八千餘千

學校

龍泉書院在海子堰同治五年署知縣楊春華建

東川書院在東城本文廟地道光十六年知縣竇士達就廟後

堂齋改設同治五年東城紳士別建於玉皇閣之西經費周紳地免莊宣

錢一百四十千東審頭免莊宣錢八十千炭稱宣錢

一百二十千每年發商生息成本宣錢四千六百千

本城義學舊為甯邑書院康熙中通判陳天棟建原置地九頃四頃通判汪天棟續捐並在開陽堡

東城義學在文廟北嘉慶中建馬園堡免莊租穀十二石

開陽堡義學乾隆中建

西白馬營義學乾隆中建租穀十二石

浮圖講義學道光中建馬園堡官租十石

兵防志

京北重鎮宣大並峙扼宣大之衝在陽和應陽和之援在順聖東西二城相犄角者如故也承平既久邊防日疎今之兵不過備巡徼稽盜賊徵調其偶事耳核二城之籍不及唐橫野九十之一不及明南路五十之一古今異勢實中外異形也然謂宴安足恃而盡廢武備又烏乎可

西城把總一員隸蔚州路

馬步守兵康熙十一年原額兵二百名三十二年節次裁汰並缺額未補兵一百五十八名實存兵四十二名

雍正十二年添設馬兵五十八名嘉慶十六年裁存四十八名道光二十二年復裁十一名現設兵三十

七名內馬兵十名步兵九名守兵十八名

歲支官俸兵餉馬乾等銀七百八十九兩本色米一百三十石。

營備馬十匹。

隨營軍器。大小礮一千二百四十四位。子母礮一位。鳥銃三十桿。四眼銃六桿。三眼銃一百一十桿。

一眼銃一百三十六桿。百子銃三桿。雙頭槍五桿。折腰銃六桿。鞭槍一桿。快槍七桿。夾鞭槍六桿。長槍

十一桿。鉞斧三十四把。腰刀六十四口。斬馬刀二十

八口。豆角刀二十三口。牌刀十六面口。弓三十張。

戰箭一千六百枝。撒袋三十副。馬兵盔甲二十六副。步兵盔甲二十四副。守兵盔甲三十四副。虎衣十三身。

東城千總一員。隸蔚州路外委把總一員。

馬步守兵。順治年原額兵二百名。康熙年節次調撥裁汰。並缺額未補兵一百六十名。實存兵四十名。雍正十

二年添設馬步兵六十九名。現設兵四十三名。內馬兵十二名。步兵十一名。守兵二十名。

歲支官俸兵餉馬乾等銀一千七十八兩。本色米一百五十石五斗。

營備馬十七匹。

隨營軍器。大小鐵礮一千九百四十八位。子母礮一位。

把牌刀一十七面。弓三十張。馬步守兵盔甲八十四副。虎衣一十四身。戰箭一千六百八十枝。帳房三

架。旗幟三堂。儲備鉛二百二十。九筋。儲備火藥七百七十四筋。

西城墩。汎四處。白馬營。城東十里。張順莊。城南十里。七里坡。城南三里。

五汊峪。城南五里。

兵防

兵防

兵防

東城墩汎五處四馬坊城東八里三馬坊城東十七里七馬坊城西十五里

里八馬坊城西二十里關聖臺城西三十里

附校場官莊軍地西城校場在南門外地六十畝餘地三百八十畝上回村官莊地九頃三十六畝

東城校場在東門外地六十畝餘地九十畝

西甯新志卷之四終



西甯新志卷之五

職官志 附宦蹟

縣於古沿革不同。守令牧司。記載缺矣。至明而夷於軍戍。然可詳顧。獨自明始。舊志作於設縣後。備載官師武弁。今仍之。而別搜故籍。考遺碣於明以前。略存其概。始封建。溯創闢也。終宦蹟。表循良也。詳略雖互見。賢否適相形。或湮或彰。亦在乎其人之自立哉。

趙代安陽君公子章 詳地理

案兩漢以安陽名縣者四。其侯封有上官桀。王舜。姚期。吳彤。朱祐諸人。北魏以安陽名縣者六。其封爵有李洪之。閻大肥。

鄧羨胡虔諸人皆莫能定其所在。漢志以在汝南者為侯均國水經注則云在陝

未敢闌入。惟北魏之昌平可定為縣地。然如和六奴公孫良

其受封在太和未立郡縣之前。庾子山集有介縣永又在孝

昌郡縣淪陷之後。是終魏世惟寇治之封昌平男。當宣武時

為可據。特魏制皆虛封無食邑。終未可與封建並論也。故不

具書。

漢代郡太守治桑乾。自西漢建元至東漢建武可稽者十一人。

李廣隴西成紀人。漢書本傳。蘇建杜陵人。元朔二年。本傳。李椒廣子。詳宦蹟。王山壽

元康元年以商利任宣元康中。霍光傳。馮參上黨潞人。永始中。由渭陵寢郎中。超遷。馮奉

世任宏綏和元年以執金吾。百官公卿表。蘇竟詳宦蹟。趙永建武初。後漢書耿弇傳。劉興

詳宦  
蹟

後魏郡置三太守綠邊皆置鎮都大將統兵備禦昌平郡太守

有和度代人襲爵高陽侯楊寶秦郡甯夷人北史楊荐傳元羅侯房謨並詳

宦蹟昌平鎮將有梁屈朱代人北史梁椿傳

唐開元中蔚州治安邊從新唐書舊書及元和郡縣志均以治安邊在天寶元年時刺史有

王元琰嚴挺之傳錄事參軍有郭仲翔魏州人

金宏州刺史有康元弼雲中人進士大定中除金史本傳蒲察世傑易速館人

八年官魏用貞祐二年田琢傳軍事判官有張亨大興鄗陰人本傳其襄陰

縣令有阿不罕主簿有完顏縣尉有抹撚並見盤崖山金泰和七年碑

元宏州知州有潘澤詳宦蹟李英詳下李公孝思碑同知州事有張良輔

職官

判官有劉季明達魯花赤掌印官也

隨園隨筆達魯花赤蒙古語荷包壓口取管轄義稱

州達魯花赤曰監州縣達魯花赤曰監縣

有伯要思忽

並見盤崖山元碑

種田提舉司

掌輸納麥麩之事以供內府

本紀大德五年罷以其事入有司

有李仲璋

縣西

十里大旺村今屬大同有元李公孝思碑尚書李廷宣撰翰林

學士張起巖書碑略云李公本女真人蒲察氏曾祖居平陽祖

父豫寓居石州金沒遷宏襄處歸仁里遂為宏襄人復姓李氏

生四子長仲璋美著倫理孝友施仁慈愛惠衆至元初為地丁

稅官壬申歲撥充中衛軍郡中同役者百餘戶每歲更代軍事

繁劇遷調不常人憚其勞公赴京師詣宣徽院陳訴以宏襄之

土沃饒產麥甲於他郡可供尚膳太傅帖相覽而嘉之具陳於

上準充宏州納麥人戶悉除軍籍置司宏州命公提舉其事公

歸驗戶數田力多寡肥瘠均貢賦輕重之差民服其平自至元

四年迄今免征戍各安其業公之力也因父病去職父終塋莊

西原廬於墓側哀毀三年不懈時稱孝子大德癸卯正月二日

卒年七十三耐葬先塋三子榮信皆不仕英秉性剛直仁慈好

義從政歷五任初授上都兵馬副都指揮調平地倉監交納又

除尖家倉監交納揚州鎮河批驗大使泰定改元轉山東鹽運

司豐國場司至順三年授興和路副脫脫禾孫莅政三載使治  
下十七站賦役均平民感其惠至元四年正月就陞宣令奉訓  
大夫大同路宏州知州追贈父仲璋公奉訓大夫飛騎尉追封  
大同縣男母宜人楊氏追封大同縣君擇吉設祭先塋欲樹碑  
使子孫瞻覽而感慕焉余平昔之遊久知其詳啟請以文云云  
案碑立於後至元中以有脫脫禾孫字故俗誤傳為脫脫丞相  
墓山西通志大同府縣志均載之由未見碑文也近從其後裔  
李太史殿林索得搨本為錄存之足以備掌故而訂舊謠矣元  
史百官志各處脫脫禾孫掌辨使臣  
奸偽正一員從五品副一員正七品

明南路理餉通判正德元年設列衛大名初駐蔚州後移東城又移

西城今志自移駐始萬曆中有戴賓詳宦蹟劉國憲陝西人侯職賢

常鳳並詳宦蹟王應昌岷縣舉人十九年任屈可賢詳宦蹟張鳳習杞縣

舉人三十年任劉芳聞詳宦蹟彭冲霄蘭陽選貢四十年任章羽德雲南歲貢四十二年

任唐永思安遠選貢四十七年任天啟中有畢勛威海衛歲貢二年任叢希聖蓬萊歲貢

職官

三年任蕭文中鐵嶺衛歲貢錢世澤五河貢生七年任崇禎中有李猶龍蕪州歲貢

元年任馬友虞德州衛人三年任屈必昌詳宦王道明臨川貢生八年任王文誥

乾州恩貢烏文明慈谿貢生九年任蔺民孚詳宦

國朝南路通判仍明制康熙三十二年改縣缺裁順治中有梅

逢瑤宣城恩貢元年任趙景星德州舉人二年任江承邦歙縣歲貢五年任邵廷琦蘭

貢生七年任李景麟張萬壽並詳宦康熙中有邊安陳天棟並詳宦劉用

端南陵監生二年任呂登陞奉天人二年任汪天柄詳宦

知縣自建置至今三十二人其攝署者不與有政績則別見康

熙中有劉東昇漢軍人十二年任白有斌漢軍監生十四年任魯一哲漢軍監

四年任何芬張充國並詳宦施霖閩縣進士十三年任雍正中有饒世經新城

進士二 洪肇楸儀徵進士 王者士高唐州拔貢八年任 王治樂川舉人十三年任 乾隆

隆中有湯其昌詳宦 劉台貴州人廩生八年任 劉柬之路縣圃高重倫詳並

宦祝三祝聊城舉人二 熊道階巴陵進士二 汪承煊歙縣舉人

任王仲孫義州舉人四 姚廷儀澄城舉人五 陳作樞甯朔進士

任尤耿光金匱監生五 嘉慶中有白雲龍武安進士 何暄南甯

九年高薰業膠州貢生 何鳳翔儀封舉人二十二年復任 道光中有

辭濂詳宦 寶士達平定進士 楊贊襄豐城進士 陳應樞濰縣舉

九年咸豐中有李熙瓚萍鄉舉人 今寅康滿洲進士同

教諭康熙中有王國綸舉人三十 馬迪德內黃舉人四 邱湄錦

人教習五 雍正中有陳光祚高陽人 周榮束鹿人 田煒雞澤人 崔銑新安

舉人十年任乾隆中有張連城南皮舉人李存其蠡縣舉人李紀大

二年任鹿緝祖定興舉人二邊方井任邱舉人王世勳寶坻舉

十年任嘉慶中有金丕績固安舉人魏元燿昌黎舉人王教典唐

七年任道光中有王煜文廣平舉人王相舉交河舉人張鏜

人廩貢二年任王廷鳳通州舉人董其琛豐潤舉人梁啟達正定舉

十四年任王廷鳳通州舉人董其琛豐潤舉人梁啟達正定舉

年今范先叙大興舉人咸孫棣寶坻舉人同

典史康熙中有李騰霄奉天人三和爾敬鳳臺人高印岐山人張霖

潮人臨汾陳杲鄆縣人沈之章稷山人余大有會稽人雍正中有謝雲金

人張祥祿江甯人乾隆中有李國佐富平人胡期伯旌德人二黃

岐鳳嘉應州人二楊沛雨崇義人二裴恕昌漢陽人三張文華



商河人四  
十六年任  
嘉慶中有陶士奇  
江甯人  
三年任  
李志道  
元和人  
八年任  
道光中有

趙曰俊  
仁和人  
四年任  
梁大潭  
介休人  
四年任  
陶毓恩  
滁州人  
三年任  
陳光熊  
西陽人  
二年任

十七年任  
咸豐中有李墉  
山陰人  
四年任  
秦熊飛  
無錫人  
增生  
十一年任  
今王德培  
吳人

五年任  
人同治

宣化府西路通判分駐東城康熙三十二年設嘉慶十八年缺

裁今附見康熙中有母鯨  
奉天人  
監生  
董惟琦  
漢軍人  
十年任  
劉兆幾  
漢人

人四  
九年任  
章偉  
涇縣人  
六年任  
雍正中有吳鍾  
上元人  
六年任  
胡期慎  
武陵人  
十三年任

任  
乾隆中有朱遂  
歷城人  
拔貢  
十一年任  
蔣曰杞  
吳縣人  
十年任  
黃汝霖  
宗明人  
二十一年任

年  
任  
張若霽  
桐城人  
二年任  
陳藻文  
吳江貢生  
二年任  
福欽柱  
滿洲舉人  
二年任

誠速  
滿洲人  
二年任  
王模  
諸城人  
三年任  
祝成階  
元和貢生  
四年任  
陸爾熾  
仁和人

職官

人五十  
年任  
盛惇復陽湖人  
嘉慶中  
有彭選鄱陽人  
徐之珍宿松人

年任  
稽承閑江蘇人  
十年任

武職明南路分守參將駐西城成化二十年設舊志有楊彪高

昇並成化中任李貴濟陽人張桓隆慶人並宏治中任劉淮宣府前衛人

施雲京衛人馬經開平衛人陶杰懷安衛人都勳宣府前衛人楊機蔚州衛人並正德

中任李彬懷安衛人郝鎮蔚州衛人余欽大同鎮衛人劉江龍門衛人尹鎮天津衛人章

鎮蔚州衛人楊鉞開平衛人劉鎮宣府右衛人余勛鎮魯衛人田琦蔚州衛人並嘉靖中

任袁正太原人李賢慶陽衛人麻宗大同安東衛人張堅榆林衛人嚴範開平衛人郝九

皋宣府前衛人單輔豹韜衛人郭增祥劉渠徐孔允三人見實錄並萬曆中任

姜名武保德州人崇禎中任

西城守備王綱景泰中任施恩廣甯人天順中任龐震宣府右衛人梁

海永甯衛人並成化中任蔚玠蔚州人李稽宣府前衛人安洪宣府前衛人葉昭

安東中屯衛人並宏治中任胡昞宣府前衛人時辰宣府左衛人祁岳蔚州人廉彪

詳官並正德中任李浹宣鎮人程綱保安衛人趙棠京衛人趙吉保安衛人郭

梁保安衛人李宦宣府前衛人陳鉞宣鎮人宋杰閻雄張鵬並嘉靖中任

東城守備楊暉京衛人楊致保安衛人並景泰中任楊勇太原人牛璽蔚州人

衛人張淙蔚州衛人王璇宣府前衛人並成化中任張廣龍門衛人杜珏隆慶衛人胡

瑄宣府左衛人劉棠萬全衛人並宏治中任郝俊宣府前衛人鄧鋹保安衛人田畸

詳官張浹京衛人並正德中任姚浩宣府左衛人楊彪蔚州衛人韓鑑宣鎮人

劉侗龍驤衛人項琦山西人李國萬全右衛人王廷相甯夏人都夢麟宣府前衛人

並嘉靖中任周守班萬厯中任張伯清宣府前衛人天啟中任侯永

甯天津衛人李本端吳江人並崇禎中任

國朝南路參將初仍明制順治十年移駐蔚州西城止設守備

雍正十年改都司嘉慶十八年改把總東城守備咸豐十年改

千總

參將胡陞浙江人潘應龍蕭山人徐岱遼東人並順治中任

守備張志彪順治中任葉榮謝文英吳大任賀有章平陽人馬馮

懷慶人張可才長安人並康熙中任王道池州人陳元春太倉人並雍正

中任

都司吳興鄞縣人邱志棟金谿人並雍正中任雅隆阿滿洲人蘇郎阿

滿洲鑲黃旗人明海。滿洲鑲黃旗人薩爾布。滿洲鑲藍旗人永昌。蒙古人長明。滿洲鑲藍旗人墨爾根。

白旗人正珠靈阿。德舒七十三。特通額。富昌阿。並乾隆中任。

烏凌阿。滿洲正藍旗人。存住。並嘉慶中任。

把總阮雲龍。宣化人。黃蓋夫。宣化人。並嘉慶中任。荆世榮。詳宦蹟。道光

中任。王國英。宣化人。咸豐中任。張源。未到任。劉福泉。宣化人。今任。

東城守備趙定。順天人。李前斗。奉天人。李倍英。吳江人。並順治中任。賈

萬鍾。奉天人。趙國鼎。唐武王璜。張鳳起。甘盤。王喜泰。楊得潤。京衛人。

劉深。山東人。王文聰。商州人。並康熙中任。李士訓。陳昌祚。袁一秀。劉

寬。季蘭。李超。曹炎。均不詳履任年分。夏武祥。大同人。衛書。滿洲人。積德。滿洲人。

多奇納。常格。滿洲藍旗人。小格。三音布。阜德。並乾隆中任。余步雲。齊

殿魁柯藩張必祿巴州人均老格和音納蒙古人福祿滿洲鑲藍旗人並

嘉慶中任札克丹滿洲人貴德蒙古人克興額滿洲正白旗人圖塔布蒙古人

舒倫布滿洲鑲黃旗人並道光中任額騰額滿洲鑲紅旗人咸豐中任

千總劉福瑞河間人咸豐中任李志年未到任馬獻彩宣化人今任

宦蹟

共友元朔中為代郡守三年夏匈奴以數萬騎入郡死軍事漢書

匈奴傳

蘇竟平陵人平帝世以明易為博士講書祭酒後官代郡都尉

匈奴擾亂北邊多羅其禍竟輯完一郡光武即位就拜代郡太守

守使固塞以拒匈奴建武五年盧芳略得北邊諸郡帝使偏將

軍隨弟屯代郡。竟病篤。以兵屬弟。詣京師。年七十卒。後漢書本傳。

劉興繼竟為太守。建武六年夏。擊盧芳將賈覽於高柳。戰沒。後漢

書本紀。

元羅侯。江陽王繼之弟也。遷洛之際。以墳陵在北。遂家於燕州。

之昌平郡。內豐資產。惟以意得為適。不入京師。有賓客往來者。

必厚相禮遇。豪據北方。甚有聲稱。元又權重。以羅侯不樂入仕。

就拜昌平太守。正光末。逆賊大俄佛保陷郡。見害。魏書本傳。

房謨字敬放。河南洛陽人。正光末。為昌平太守。甚著廉惠。及六

鎮亂。謨率郡人入九崢山。在縣西南八十里。今名九層山。屬廣靈。結壘拒守。時無

外援。乃率所部奔中山。朝廷以謨得北邊人情。以為假燕州事。

魏書  
本傳

潘澤字澤民宣德府人少讀書遊許魯齋先生門至元中知宏  
州州旱詣郭西泉投文祝曰山川之神其所司者惟在能興雲  
雨以水下土耳今旱暵如是不能膏澤之神固不得其職使州  
刺有罪幸漏譴於明天子必將殃之宜止其身吾民何辜橫罹  
斯毒則爾神有佚罰矣敢恐恐退俟終不得命當自劾去其夜  
有光如星騰泉明日大雨為屋祠龍泉上自澤未至州之南巨  
風為災又為文禱之自爾災衰息前政繫疑盜八人榜掠百至  
求迹無所澤明其非辜皆出之劫家訟澤故縱無幾時而盜果  
得之西京械成獄他郡過治囚號市曰此邦之人神明公以為



包拯復生。獨不能相活耶。澤將召問。同列謂宜發卒衛出吾界而已。讞非吾事。澤曰。人求直其枉。烏可陽為不聞。卒問之。竟雪其誣。朝廷賦州市牛。澤懲他郡驅牛至官。擇可受值。聽命旬浹。至廢穡事。令持價。即鄉民自為市。吏無所姦利。事集而民不困。轉知興中州去。人歌思之。元姚燧浙西廉訪副使潘公神道碑

戴賓。山西人。由舉人授南路通判。萬厯初。自蔚州移駐東城。舊

志稱其惠。以下七人並見舊志

侯職賢。陝西舉人。亦萬厯初任。廉正有循吏風。

常鳳。廂縣人。繼侯任。端謹廉介。多惠政。屈可賢曰。南路餉府。自蔚州再遷西城。中間宦者不知凡幾。而嘖嘖軍民口誦之不衰。

者惟常公一人。

屈可賢字汶川華州人萬厯二十八年任自爲舉子時嘗夢守宏州既到官詢知西城卽宏州也肅然自惕城無學元初州人李仲臣曾建夫子廟久圯卽故址創新之捐俸以供祀其爲政務持大體獄訟爲簡遇士謙抑士亦不敢干以私也職滿遷知桂陽州祀名宦。

劉芳聞字籟明陳留人以選貢任志謂其廉明仁愛去官三十年而邑人有名宦祠之建議以配屈公遇亂不果。

屈必昌蒲城人崇禎五年任明辨習吏事民以訟至立決無所留滯居三年遷同知去。

蘭民孚字信宇華陰舉人崇禎十三年任下車值邊事方棘客兵五千駐城中餉不繼勢洶洶欲爲亂居人大恐民孚調度得宜始戢其上撫按請餉書有一身肉能飽幾軍一腔血能飲幾馬之語人多傳誦遷知易州值國變旋卒順治初祀名宦

廉彪西城守備不詳其籍田疇蔚衛人少英勇負氣見蔚縣志官東

城守備正德九年六月寇數萬入順聖川禦之千家營皆力戰

死明代東西城號敵衝其武弁效命者惟聞二君宣鎮志

李景麟字星河韓城人順治十二年由選貢任爲政仁慈不苛

民感焉居三年去繼之者爲浮山張萬壽字鶴秋遼陽邊安並

國初通判表表見者而邊任及六考最久以吏才稱舊志

陳天棟字隆吉永嘉人有幹才喜文學邑之書院義倉皆所創  
闢康熙庚申歲大饑請於巡撫于清端公振活者萬家前後請  
除東西城荒田四百餘頃民不困賦職滿課最以憂去官民為  
刊石紀德泣送之府志

汪天柄字玉杓錢塘人康熙二十八年任初東西城產鹽民食  
之便自長蘆引行竈丁皆失業而奸商得重價專利為民病幾  
三十年天柄至力請復舊明年歲荒復請蠲振如天棟故事全  
活無算時巡撫乃三韓于公亦名成龍小民有巡撫二龍餉府  
二天之謠三十二年缺裁內遷評事府志  
何芬字環水鍾祥人由進士任時設縣十年更三令前政為紳

許去大府屬芬陰治之。芬不可曰：爲民父母而仇視子弟，彼將何堪？蠲潔自守，革陋規，除宿弊，有所禁令，民服其教而不忍私違。屯米歲運至獨石口二千餘石，號控運道阻，民困任輦，芬爲請於上，得改輸宣府。視事七年，凡壇廟學校倉儲皆所繕，草創縣志八卷，更革之始，文物賴以麤備云。

張充國，字亦侯，漢軍鑲白旗人。繼何任，以廉幹著。何志稿初成，爲增輯而刊行之，亦視事七年，遷西路同知。

湯其昌，餘姚人。乾隆四年任，始謁學，以文廟庫隘，校官別居他所，非制，議遷之東大寺，民多梗者，力排之，工未及成，去官。

彭月孫，溧陽人。乾隆六年署，卒成廟學，捐俸以濟其事。

劉東之字存吾乾隆十二年由進士任再期而罷貧不能歸天  
鎮令張坊為闢書院延之主講彼志稱其在官有直聲

路縣圃繼劉任廉勤為當時最卒於官宣化令黃可潤嘗為之

傳公諱縣圃字應田蜀之温江人曾祖象山為成都太守卒於  
官貧不能歸因家焉父封君鏞績學未仕公以名進士起家

謁選部曹故事以需次副當注者同覲公為副得旨罷當注  
者而畀公以西甯任西甯地瘠民貧子衿以訟為能官此者多

被訐劾去公不鄙疾其民視民窮阨如疾痛在身勤其職事無  
鉅細次第修舉不矜己能人亦莫能先居官不名一錢日用如

寒素常製一羊裘寄奉封君封君却而馳戒之曰西甯困敝之  
區爾安得此長物且爾忘家之謂何也公益以清介自勵同

官聞之咸以懸魚之義高封君而益服公然公於民事所在雖  
費無少卻廉勤聞於上官將量擢而以積勞成疾遂不起臨歿

語家人曰吾清苦爾曹不能歸吾喪葬斯地可也觀察良公郡  
伯張公重其人而悲之與同列賻之以歸邑士民自公歿皆哭

失聲予治城樓有梓人偶問之曰西甯人因言及公潛然曰吾  
良父母也嗚呼若公者百姓誦其仁同列高其義上官重其誠

可謂能敬於言而無墜家聲者矣。  
爲之傳以俟後之求循吏者擇焉。

高重倫字惇五江西龍泉人乾隆二十一年由舉人任善決事民以訟至立判之而悃悞不自表襮有所設施雖黠吏莫能測郭西泉爲溫水三源之一久湮重倫疏其瀆築隄開渠導民灌漑至今利賴焉民爲建祠泉上名其泉曰高公泉

孟封字雲扉浙之山陰人道光五年署喜文學下車卽闢書院於西郊聚生徒講授優其月餼爽慨明允遇事不避嫌怨嘗曰政苟利民卽一官可輕遑恤其他哉居二年去

韓濂字心言元和人道光九年由進士任持躬清介自奉如寒素臨政務存長厚持大體民不苛之在官五年去之日囊無餘

資士民送者爭餽。謝弗受。

荆世榮字白華。萬全人。以百夫長官西城及三十年。廉勤有爲。士大夫皆樂與之交。道光丁酉旱蝗。議發倉振貸。令某不以時給。飢民數千大噪。賴世榮馳諭始解散。乃計口受粟。設廠城南。卽以世榮監之。民感其惠。迄今誦之弗衰。



選舉志 進士 舉人 貢生 薦辟 武科 仕宦

科目盛於唐。極重於明。而縣以邊戍無與者。金制。凡試詞賦。經義策論中選。謂之進士。律科經義中選。謂之舉人。取數特廣。今可稽者得十四人。亦云優矣。我

朝承勝國用武之餘。教養經六十年。而後籲升者踵起。謂科第足以重人。固非。然風會所趨。自不得以邊徼而略之也。他途仕進。可例以觀。

進士金李安上。魁西京見金史李純甫傳府志入之遼案金史及歸潛志皆不言遼府志未知何據松漠紀聞云金人府試關西及河東就雲中雲中即西京疑所云魁者乃府元然三朝北盟會編言建炎三年金人試舉人於蔚州忻州進士孫九鼎為魁似當時科舉之制未定隨所在可開科取士安上為純甫之祖正金國初開之時或如遼制會試西京究不

得屬之 **王諫** 天會間擢第武定軍節 **王元節** 天德三年詞賦進  
遼也 度副使見王元德墓誌 士密州觀察判官

金史 **王元德** 天德中第南京 **魏子平** 參知政事 **楊伯通** 大定三  
本傳 路提刑副使 金史本傳 年第尙

書左丞 **劉震亨** 明昌三年 **張夔** 奉和中見 **李純甫** 承安二年經  
本傳 特賜本紀 盤崖山碑 義進士左司

郎 **魏笏** 特賜 **魏琦** 行部 **魏玠** 延安 **魏璠** 貞祐三年第 **魏玉** 未祿  
中 及第 侍郎 司獄 翰林修撰 魏氏

五人並見元姚燧甄官 **元王沂** 延祐二年第禮部尙  
署令魏德元墓碣銘 書 四庫全書提要

國朝 **趙爾楷** 康熙戊戌科 **趙天鈞** 乾隆丁巳科明通  
郭縣知縣 進士 柳城縣知縣

舉人 **康熙年趙爾楷** 癸巳 **雍正年王之賓** 癸卯 **趙天鈞** 乙卯 乾  
科 科 科

隆年 **李光業** 戊午 **李錫嘏** 丁卯 **李沛霞** 丙子科候 **李咸一** 戊子  
科 科 選鹽大使 科 科

豐縣 **馬衍宗** 戊子科 需 **李學沆** 己亥科 陳 **馬芝庭** 乙卯科 東  
知縣 化縣知縣 留縣知縣 鹿縣訓導 嘉

慶年 **趙駿** 戊午科 從 **趙謙** 辛酉 **馬綸** 辛酉 **馬步麟** 癸酉科 房  
化縣知縣 科 科 科 山縣教諭 李

嘉勳癸酉科豐道光年李厚積川午科咸豐年馬升旭壬子科同治

年朱衣點丁卯科

副榜貢乾隆年李渭壬午科道光年馬多綬辛巳科

選拔貢明馬承祥王宏綱舊志及府志皆不載據其家譜列入

劉承元崇禎丁丑由懷安衛學貢案東西二城終明世不建學

宣府選貢凡三次萬曆甲午天啟辛酉崇禎丁丑也每學一名東西城以附籍乃適符其數疑必有誤而無從核稽矣

國朝康熙年李址戊寅雍正年韓朝弼癸卯繆生甫戊申馬光宗乙卯乾

隆年李毓生丙辰馬奇辛酉李淇馥癸酉李維本乙酉李

學沆丁酉見李濟川己酉嘉慶年張聲海辛酉李振勳癸酉府學貢

李嘉勳癸酉見道光年李厚積乙酉見馬葵陽丁酉府學貢李凌垣

選舉

丁酉井陘縣教諭 張德生 己酉咸豐年李鍾蔚 辛酉府學貢 獻縣教諭 保舉知縣 李增光

辛酉內閣中書加同知銜 同治年李葵 癸酉府學貢 王體元 癸酉

恩歲貢 明嘉靖年亢弼 懷安衛學慶 萬曆年亢雲龍 懷安衛學 開陽縣知

縣 馬調良 懷安衛學 候選縣丞 李齊松 都司學恩貢 東劉承芳 庚申懷安

府經 崇禎年亢朝宸 懷安衛學 王宏化 甲申懷來衛學

國朝順治年李浚 甲午都司學選 侯虞棟 都司 李廷柏 都司學 祁州訓

導 舊志與侯虞棟俱列入前明案鄉賢李公集有順治八年公舉李浚孝義呈二人並列名萬全都司學廩生則其貢在浚後

康熙年李瀚 樂亭縣教諭 趙明儒 丁巳候選縣丞 趙喆儒 己巳柏鄉縣訓導 趙建中

丙子選滿城縣訓導 李恒烈 山西天鎮衛學 李恒焯 工部屯田司主事 王憲 李恒

焯 天鎮衛學 粹鎮威 韓思敬 周道承 李根榮 賈喜 恩貢 李植榮 趙鈺儒

崔鑠王弼庚寅阜城縣訓導舊志載止此皆不詳年分據各家譜注其可知者而縣學出貢之始無從稽焉劉

錫福王暢蘇洵武乙未趙旭司應典任之厚高居仁趙汝芳魏縣訓導

白光先雍正年趙翼儒癸卯王文啟癸卯恩貢房山縣教諭胡炯甲辰趙

尙儒丙午張文錦戊申趙燮李情昌庚戌朱潛儒王大成趙文英

癸丑張任重府學乾隆年陳章戊辰温銘全天健戊午閻闖

己未賈端士王文淵李宣鐸薛玲丙寅新安縣訓導倪琳趙天鏡韓惇

趙玠壬申郭永業以上並見府志王化龍王厯王曰遴李錫紱李錫黼

渭南縣縣丞李配元東明縣訓導李其昌趙敬儒趙信儒趙瑩趙焯趙昱

深州趙汝蘭趙汝荃東明縣訓導趙天錫趙天鑰趙天鈺鹽山縣訓導馬

乾象恩貢馬大宗廣平縣訓導馬維鈞廣昌縣訓導王應元王玠元張邦翰

馬祥麟

選滄州訓導以上從各家譜列入年分無考

王滋

辛卯

王儀

戊戌

李大業

庚子

李霖

廷

庚子

朱之岫

壬寅

李維楷

壬寅

李漲業

癸卯

王銓

甲辰

王芝

丙午

趙會

文

丙午滄州訓導

侯俊功

戊申

慕台

壬子

蕭露

壬子

李學湛

甲寅

嘉慶年

李天章

丙辰

恩

蘇煌

丙辰

馬彭齡

戊午

馬介齡

庚申

楚學海

壬戌

李養泰

甲子

由登理

丙

馬作相

戊辰

馬作賓

己巳

李學海

己巳

趙虎臣

壬申

郭磐

甲戌

姚煦

丙子

趙其鵬

戊寅

劉士玉

己卯

馬涪齡

府學案縣學自乾隆末有冊可稽府學無考載所知者

道光

年朱田功

辛巳

恩貢

趙詢

辛巳

張鉅

甲申

馬瑞麟

丙戌

侯曦

戊子

王應

詔

庚寅

朱之章

壬辰

辭廷弼

甲午

廬寺序班

王學文

丙申

辭廷衡

丙申

李

興仁

戊戌

王佶

庚子

張鈺

壬寅

馬蓬瀛

甲辰

朱履升

丙午

王紳

丙午

朱三

可

丙午

鄧鈞

戊申

王學英

庚戌

恩貢

苗之瑞

庚戌

莘大德

馬元吉

並府學貢

咸豐

年鄧紹芝辛亥府學恩貢王三祝壬子王傑壬子姚正堃甲寅毛鳴和甲寅

王發仁丁巳府學趙慶昌丁巳恩貢李凌霄丁巳易州訓導候選布政司理問李凌漢府學

馬升猷戊午莘三槐己未李厚本庚申恩貢李明庚申同治年趙士斌癸亥恩貢

馬中楷癸亥侯鎮甲子王寶三丙寅恩貢龔思沛丙寅李之實府學王儁麟己巳

朱映垣庚午劉璇壬申恩貢

優貢同治年王鈞癸酉科

薦辟漢范升建武二年徵拜議郎遷博士漢書本傳元魏初中統元年辟中書省椽史兼掌書記本傳

國朝趙天鈞乾隆八年舉賢良方正李增熙咸豐元年舉孝廉方正

武科進士明續宣鎮志明天啟以前會試中式者稱兵部中式武舉崇禎四年始賜為武進士于慶馬

紀大同拒牆堡守備李化梧崇禎戊辰科舊志不載科分鎮城守備

國朝順治年胡定遠丙戌科武驃丙戌科右衛守備蘇大傑乙未科參將康熙

年李恒燦庚戌科大同鎮標都司李恆燿庚戌科雍正年趙希哲甲辰科韓朝

卿丁未科肅州鎮守備

武舉明李化梧萬厯丁卯科見進士王問楨天啟甲子科馬縉郝光威王椿代府

儀賓馬一鯨以護城功議敘都司均不詳科分

國朝順治年武驃乙酉科見進士王士英乙酉科武宏邦戊子科江宏源戊子

科蕭固辛卯科賈效誼辛卯科李源甲午科李灝甲午科馬士鴻甲午科楊

登甲午科又蕭昌甲午科蘇大傑甲午科見進士馬士芳甲午科甯波領運都司李

雲鴻甲午科馮國選丁酉科李恆燭丁酉科王甯江南六合守備科分未詳康熙年

段汴丙午科李恆瑛己酉科陝西甯守備李恆燿己酉科見進士李恆燦己酉科見進士



李恆炆壬子科趙端儒用午科雍正年趙希哲癸卯科韓朝卿見進士科

分未詳乾隆年張瑛庚午科江蘇無錫張璘庚寅科江蘇無錫張璘庚寅科江蘇無錫張璘庚寅科李生薌壬子科

科李暉乙酉科解元江蘇李棠乙酉科張鈺戊子科江蘇張邦潔庚寅科

科張邦達丙午科嚴衛千總張瑜乙卯科嘉慶年張銘庚申科薛瑄丁卯科李

蘊庚午科多倫廳都司李著邦己卯科萬全咸豐年李重戊午科同治年于

潤甲子科李清甲子科董瑞甲子科李泰丁卯科

任籍有可詳者附著凡見於人物志者不復載李恆烜鴻臚寺序班

李恆煦棗強縣訓導李恆杰融縣知縣李恆照四會縣知縣李恆煊雲南布政司理問

李恆燭平遙縣教諭任之正文安縣訓導劉天仁南豐縣知縣李周利津縣知縣李

厘雲南布政司理問李直方太平府同知李振坤慶雲縣教諭李錫躬全州知州李錫

選舉

桓平陽府同知李錫百臨川縣知縣李錫命貴州楊老驛巡檢李美玉昌化縣知縣李

學沂范縣知縣李開元裕州知州趙奎旌德縣典史張瑤太興縣典史張瑛湖北大

檢張邦藩昆明縣典史張銑利津縣丞趙廉儒五品銜趙興儒馬應選李恆

煜李恆熾李宏基李培基李堦李坵李佳李世鐸李智張光祀

張縉並候選州同李圻候選知府李均候選主事李在李疆並候選知州馬士鵬馬

義珍趙琦李恆炳李恆燕並候選縣丞王大愷朱寶善于之翕並候選訓

導井均分發山西候補通判張德駿分發山西候補典史井奎候選同知李鍾華候選縣丞

武宦明王公由世襲任開封府都司嚴藩由世襲任密雲遊擊武濟文由世襲任西城參將

國朝趙玉儒花石澗守備李堦廣西河池營守備趙明儒候選千總李畧候選千總朱

三衡候選千總朱寶忠候選都司李鳳儀現任馬營堡把總西甯志卷五終

西甯新志卷之六

人物志上

世俗襲明人謬論。外視金元縣先達。若李魏崔楊諸公。至不得躋於祀社之典。舊志又未見本傳。語焉不詳。竊嘗陋之。夫以近代名賢。彪炳史冊。猶多所蔽。又烏語夫稽古昔。闡幽微哉。余錄自漢迄今。於正史文集軼聞。搜輯較備。雖升沈顯晦。名位不同。樹立各異。要其所表見者。固足爲後來勸也。

漢

范升字辨卿。代郡人也。少孤。依外家居。九歲通論語孝經。及長。習梁邱易老子。教授後生。莽大司空。王邑辟爲議曹史。升奏記

不用稱病乞身。邑不聽。令乘傳使上黨。遂與漢兵會。因留不還。建武二年。光武徵詣懷臺。拜議郎。遷博士。上疏讓曰。臣與博士梁恭山陽太守呂羌俱修梁邱易。二臣并耆艾。經學深明。而臣不以時退。與恭並立。深知羌學。又不能達。慚負二老。無顏於世。願推博士。以讓恭羌。帝不許。然由是重之。數詔引見。每有大議。輒見訪問。時以尙書韓歆上疏。欲爲費氏易。左氏春秋立博士。詔下其議。四年正月朝。公卿大夫博士見於靈臺。帝曰。范博士可前平說。升起對曰。左氏不祖孔子。而出於邱明。師徒相傳。又無其人。且非先帝所存。無因得立。遂與韓歆及中大夫許淑互相辨難。退而奏左氏之失。凡十四事。時難者以太史公多引左。

氏升又上太史公違戾五經謬孔子言及左氏春秋不可錄者

三十一事。詔以下博士。後升為出妻所告。坐繫得出。還鄉里。後漢

書揚政傳。政字子行。京兆人。從代郡范升受梁邱易。善說經書。京師為之詔曰。說經鏗鏗。揚子行。范升嘗為出婦所告。坐繫獄。

政乃肉袒以箭貫耳。抱升子潛伏道旁。候車駕而持章叩頭大言曰。范升三娶。惟有一子。今適三歲。孤之可哀。武騎虎賁。懼驚

乘輿。舉弓射之。猶不肯去。旄頭又以戟叉傷政。曾政猶不。永平退。哀辭泣請。有感帝心。詔乞師。即尺一出。升政由是顯名。

中為聊城令。坐事免。卒於家。後漢書本傳

案史凡言郡人者。固難定為何縣。而郡所治之縣實足以統之。錄止建武。以東漢初代郡猶治桑乾也。

北魏

賀悅代人。訥從父弟。初太祖居賀蘭部。人情未甚附。惟悅舉部

隨從。又密爲太祖祈禱天神，請成大業。出於誠至，太祖嘉之，甚見寵待。後平中原，以功賜爵鉅鹿侯。進北新公。卒，子泥。

泥，爵肥如侯。太祖崩，京師草草，泥出舉烽於安陽城北，賀蘭部

人皆往赴之。太宗卽位，乃罷。安陽詳地理，或疑爲五原之西安

不知太祖以十月戊辰夕遇弒，至壬申，太宗已卽位，誅逆紹，相距僅四日。魏都平城爲今大同，西安陽在河套北，今烏喇或旗

地，去大同七百餘里，安能於四日內赴義，故當斷爲西甯地。又考賀訥傳，太祖平中原後，散離諸部分土定居，其君長大人皆

同編戶，則安陽當卽賀蘭部所居。官氏志賀蘭氏後改姓賀氏，詔泥與元渾等八人拾遺左右，

復與北新侯安同持節行并定二州，劾奏并州刺史元六頭等

皆伏罪。州郡肅然。從世祖征赫連昌，以功進琅邪公，軍國大事

每參預焉。卒於外都大官。

北史本傳

朱瑞字元龍。代郡桑乾人。祖就沛縣令。父惠行太原太守。瑞長厚質實。愛敬人士。孝昌末。爾朱榮引爲其府戶曹參軍。又爲大行臺郎中。建義初。除黃門侍郎。封陽邑縣開國公。丁父憂去官。詔起復任。除青州太中正。及元顥內逼。瑞啟勸北幸。乃從。駕於河陽。除侍中。征南將軍。吏部尚書。莊帝還洛。改封樂陵郡開國公。瑞善處朝廷之間。帝賞遇之。謂侍臣曰。爲人臣當須忠實。如朱元龍者。朕待之亦不異餘人。爾朱榮死。瑞與世隆俱北走。旣而以帝待之厚。於路乃還。帝大悅。執其手曰。社稷忠臣。當須如此。朱天光擁衆關右。帝欲招納之。乃以瑞兼尚書左僕射。爲西道大行臺。以慰勞焉。旣達長安。會尔朱兆入洛。復還京師。都督

斛斯椿與瑞有隙，譖之世隆。世隆以前日乖異，忿恨更甚。普泰元年七月，遂與弟騰同遇害。年四十九。太昌初，贈使持節驃騎大將軍、開府儀同三司、青州刺史，諡曰恭穆。子孟允襲封。騰字神龍，中軍將軍、光祿大夫。太昌初，贈滄州刺史。魏書本傳

案魏書所稱代人以國都統言，如八氏十姓三十六族九十二姓，並居京邑。故遷都後又俱為洛陽人。本書及元和姓纂可稽也。西甯當時雖畿內地，然無從核別，錄其可據者。

金

魏子平，字仲均，宏州人。牧菴文集作順聖人登進士第，調五臺簿。累除為尚書省令史，歷左司都事、同知中都轉運使事、太府監。正隆三



年爲賀宋生日副使。是時海陵謀伐宋，子平使還入見海陵，問江左事。且曰：蘇州與大名孰優？子平對言：江湖地卑溼，夏服蕉葛，猶不堪暑，安得與大名比也？海陵不悅。世宗卽位，除戶部侍郎。大定二年，丞相僕散忠弼奏置元帥府於南京，子平掌饋運糧道，給辦進戶部尙書。六年，復爲賀宋生日使。上曰：使宋無再往者，卿昔年供河南軍儲有勞，用此優卿耳。久之，拜參知政事。上問子平曰：古者稅什一而民足，今百一而民不足，何也？子平對曰：什一取其公田之入，今無公田而稅其私田，爲法不同。古者有一易再易之田，中田一年荒而不種，下田二年荒而不種，今乃一切與上田均稅之，此民之所以困也。上又問戍卒逋亾

物故今按物力高者補之可乎對曰富家子弟驍懦不可用戍守歲時求索無厭家產隨壞若按物力多寡賦之募材勇騎射之士不足則調兵家子弟補之庶幾官收實用人無失職之患上從之上令內任官六品以上外任五品以上並舉所知未有舉之者子平請令當舉之官每任須舉一人澤州刺史劉休裕邠州刺史斜哥滄州同知訛里也易州同知訛里刺楚邱縣令劉春哥以贓汙抵罪上欲詔示中外丞相守道以爲不可上以問子平子平曰臣聞懲一戒百陛下固宜行之上曰然遂降詔焉宋人於襄陽漢江上造舟爲浮梁三南京統軍司聞而奏之上問宰相曰卿等度之以爲何如子平曰臣聞襄陽薪芻皆於

江北取之。殆爲此也。時河南統軍使宗叙入見，奏邊事。上使脩起居注粘哥幹特刺問狀。宗叙言得邊報及宋來歸者言，宋調兵募民運糧餉完城郭造戰船浮橋，兵馬移屯江北，不可不備。幹特刺召凡言邊事者詰問，皆無實狀。行至境上，問知襄陽浮橋乃樵采之路，如子平策還奏，詔凡妄言邊關兵者徒二年。告人得實賞錢五百貫。十一年罷爲南京留守，未幾致仕。十五年起爲平陽尹，復致仕。二十六年薨於家。金史本傳

王元節，字子元，宏州人。祖山甫，遼戶部侍郎。父詡，海陵朝左司員外郎。元節幼穎悟，雖家世貴顯而從學甚謹。渾源劉撝愛其才俊，以女妻之，遂傳其賦學。劉祁歸潛志：余高祖南山翁，金國初闢進士舉，詞賦狀元也。爲

一代詞宗二女長姑及笄將適人一時貴顯爭求之翁皆不許張御史景仁時爲布衣以長姑嫁焉後爲名臣次姑適襄陰王元節亦名進士能詩傳學迄今士大夫嫁女多談翁之事也登天德三年詞賦進士第雅尚

氣節不能隨時俯仰故仕不顯及遷密州觀察判官既罷卽道

遙鄉里以詩酒自娛號曰遯齋年五十餘有集行於世弟元德

亦第進士有能名於時終南京路提刑使

金史文苑傳

楊伯通字吉甫宏州人擢大定三年進士第由尙書省令史爲

吏部主事順義軍節度副使以憂去吏部侍郎馬琪表薦伯通

廉幹召爲尙書省都事授同知武定軍節度使明昌元年擢左

司員外郎轉郎中累遷吏部尙書尋移戶部承安元年拜參知

政事監察御史路鐸劾伯通引用鄉人李浩以公器結私恩左

司郎中賈益望承風旨不復檢詳言之臺端欲加糾劾大夫張  
曄輒尼不行上命同知大興府事賈鉉詰之伯通家居待罪鉉  
奏曄言彈劾大臣須有實迹所劾不當徒壞臺綱益言除授皆  
宰執公議不言伯通私枉詔責鐸言事輕率而慰諭伯通治事

伯通再上表辭不許四年進尙書左丞蕭貢傳言右丞楊伯通薦其文學此云左丞蓋

誤時爲左丞者董師中也致仕卒金史本傳

李純甫字之純宏州襄陰人也祖安上嘗魁西京進士父采卒  
於益都府治中純甫幼穎悟異常初業詞賦及讀左氏春秋大  
愛之遂更爲經義擢承安二年經義進士爲文法莊周列禦寇  
左氏戰國策後進多宗之又喜談兵慨然有經世心章宗南征

兩上疏策其勝負。上奇之。給送軍中。後多如所料。宰執愛其文。薦入翰林。元兵起。又上疏論時事。不報。宣宗遷汴。再入翰林。時

丞相高琪擅威福柄。擢為左司都事。純甫審其必敗。以母老辭

去。既而高琪誅。復入翰林。連知貢舉。歸潛志麻知幾試開封王

有司讀舉子文。見有雄麗者。相謂曰。是必知幾因擢為魁。己而果然。士林以得人相賀。正大末。坐取人踰

新格。出倅坊州。未赴。改京兆判官。卒於汴。年四十七。純甫為人

聰敏。少自負其材。謂功名可俯拾。作矮柏賦。以諸葛孔明王景

略自期。由小官上萬言書。援宋為證甚切。當路者以迂闊見抑。

中年度其道不行。益縱酒自放。無仕進意。得官未成。考旋即歸

隱。元好問雷希顏墓銘云。泰和中。朝廷無事。士大夫以宴飲為常。之純於朋會中。或堅坐深念。咄咄嗟惜。若有旦夕憂者。或

問故之純曰中原以一部族待朔方兵然竟不知其牙帳所在  
吾見華人爲所魚肉去矣聞者訕笑之曰四方承平餘五六十  
年百姓無犬吠之警渠不以時自娛樂乃妖言耶未幾北方兵  
動之純從軍還知大事已去無復仕進意蕩然一放於酒談笑  
此世若無日與禪僧士子游以文酒爲事嘯歌袒裼出禮法外  
或飲數月不醒人有酒見招不擇貴賤必往往輒醉雖沈醉未  
嘗廢著書晚自類其文凡論性理及關佛老二家者號內藁其  
餘應物文字號外藁又解稜巖經金剛經老子莊子中庸集解  
鳴道集說號中國心學西方文教數十萬言金史文苑傳案  
此傳出歸潛志而  
刪其後今補錄之云天資喜士後進有一善極口稱推一時名  
士皆由公顯於世又與之拍肩爾汝忘年齒相歡教育撫摩恩  
若親戚故士大夫歸附號爲當世龍門嘗自作屏山居士傳末  
曰雅喜推藉後進如周嗣明張穀李經雷淵劉從益宋九嘉皆  
以兄呼而居士使酒玩世人忤其意輒罵之皆其志趣也其  
自贊曰軀幹短小而芥視九州形容寢陋而蟻蝨公侯語言審

吃而連環可解。筆札迂滯而挽回萬牛。甯為時所棄，不為名所  
 囚。是何人也。耶。吾所學者，淨名莊周。嘗曰：自莊周後，惟王績元  
 結鄭厚與吾。每酒酣論天下事，或談儒釋異同。雖環而攻之，莫  
 能屈。世豈復有此俊傑人哉。金王若虛憶之純三首。其一：幼  
 歲求真契，中年得偉人。傾懷當一面，投分許終身。燈火談元夜，  
 鶯花逐勝春。何時重一笑，胸次欲生塵。其二：面目三年隔，音書  
 萬里遙。宦途俱踏踏，日事各蕭條。志大謀常拙，身孤道易消。本  
 無當世用，隱處會相招。其三：雋氣輕天下，高情到古人。銜杯曼  
 卿放，下筆老坡神。時論誰優劣，人材自屈伸。窮愁須理遣，不必  
 淚沾巾。復寄二首。其一：志大言高與世違，拂衣真作竹林歸。  
 黃塵道口風波惡，未必先生自處非。其二：自笑趨塵亦強顏，謀  
 食未免敢言閒。紫芝果可充飢腹，從子玉屏巖石間。元好問  
 李屏山輓章二首。其一：世俗拘人蝨處禪，忽驚龍跳九天門。牧  
 之宏放見文字，白也風流餘酒尊。落落久知難合在，堂堂真有  
 不亾存。中州豪傑今誰望，擬喚巫陽起醉魂。其二：談塵風流二  
 十年，空門名理孔門禪。諸儒久已同堅白，博士真堪補太元。孫  
 況小疵良未害，莊周陰助恐當然。遺編自有名山在，第一諸孤莫浪傳。

王國綱元節孫也。業儒術，尤長吏事。為人端重，樂易，或有忤者。



略不與校亦未嘗形於怒色。大定三年試補尙書吏掾未幾轉御史臺令史。宣宗聞其才幹召爲近侍勅留凡三考出爲同知申州事擢監察御史秩滿復勅留再任。開興元年關陝完顏總帥屯河中府與元軍戰敗績哀宗遣國綱乘上廐馬詣河中問敗軍之由還至中途值元兵見害時年四十四。金史王元節傳

魏璠字邦彥宏州順聖人。貞祐三年進士補尙書省令史。宣宗求直言璠首論將相非人及不當立德陵事疏奏不報後復上言國勢危逼四方未有勤王之舉隴右地險食足其帥完顏胡斜虎亦可委仗宜遣人往諭大計大臣不悅而止。閱數月胡斜虎兵來揆已無及。金主悔焉金將武仙軍次五塚山不進求使

仙者、或薦璠卽授朝列大夫翰林修撰、給騎四人以從、至則仙已遁去、部曲亦多散亾、璠撫循招集、得數千人、推其中材勇者爲帥長、仍制符印予之、以矯制自劾、金主謂其處置得宜、繼聞仙帥餘衆保留山、璠直趨仙所宣諭之、或讒於仙、謂璠欲奪其軍、仙怒、命士拔刀若欲鏹璠、且引一吏與璠辨、璠不爲動、大言曰、王人雖微、序於諸侯之上、將軍縱不加禮、奈何聽讒邪之言、欲以小吏置對耶、且將軍跳山谷而左右無異心者、以天子大臣故也、苟不知尊天子、安知麾下無如將軍者、不然、吾有死無辱命、仙不能屈、璠復激使進兵、不應、比還、金主已遷歸德、金亾、璠無所歸、乃北還鄉里、元世祖居潛邸、聞璠名、徵至和林、訪以

當世之務。璠條陳便宜三十餘事。舉名士六十餘人。以對世祖。

嘉納。後多採用焉。以疾卒於和林。年七十。賜諡靖肅。元史魏初傳。元好

問贈玉峰魏丈邦彥詩。夢想南山掩靄間。眼明驚見玉峰寒。風波舊憶橫身過。世事今歸喪手看。取婦傭夫識名姓。故鄉遺族

見衣冠臨流卜築平生事。會就遼東管幼安。又玉峰魏丈哀輓詩。風馭翩翩渺獨征。幾人終始復哀榮。只緣大事存遺藁。重

為斯文惜主盟。北斗泰山初未滅。秋霜烈日凜如生。莫疑知己無從報。直筆君看戮進明。

劉震亨。字起潛。順聖人。生甫期。展書識八卦字。謂其父曰。我父

乾母曰我母坤。故其父以震亨名之。十歲背誦五經。十二能詩

賦。登明昌三年。王澤榜進士。性冲澹。於世物一無所嗜。獨喜談

文。初為太原校官。日進諸生。剖析疑義。授以辭旨。諸生感服。遷

南宮縣令。修學勵俗。有古良吏風。翰林學士趙秉文擬薦館職。

西晉書三  
卷之六  
會。有忌者不果。累遷禮部郎中。年四十卽以病乞休。上素知其清苦。詔有司以百金贖焉。震亨居家孝友。砥礪名節。爲一時儒者所宗。有風露集行世。宣鎮志

案金史本紀。明昌三年十一月。蔚州舉劉震亨。學行俱優。嘗爲舉首。勅賜同進士出身。附王澤榜。鎮志謂登明昌三年王澤榜進士本此。其傳則不詳所自來。以舊志所載。附存金末諸人後。俟考。若王元德傳。乃純襲麻九疇事。與其墓誌無一語合者。直削之。仍從金史附元節傳中。

元

楊惟中。字彥誠。宏州人。金末以孤童子事太宗。知讀書。有膽略。

太宗器之年二十奉命使西域三十餘國宣暢國威俾皆籍戶口屬吏乃歸帝於是有大用意皇子闕出伐宋命惟中於軍前行中書省事凡得名士數十人收伊洛諸書送燕都立宋大儒

周敦頤祠建太極書院延儒士趙復王粹等講授其間郝經太極書院

記書院之名不以地以太極云者推本而謹始也書院所以學道道之端則著於太極必儀畫易以之造始爻王重易以之託始孔子贊易以之原始至於濂溪周子之圖易則又以爲動靜之幾陰陽之根建極承統開後世道學始今建書院以明道又伊洛之學傳諸北方之始也一以爲名五始並見則幽都朔易復一太極也初孔子贊易以爲易有太極一再傳至於孟子後之人不得其傳焉至宋濂溪周子創圖立統以爲道學宗師而傳之河南二程子及橫渠張子龜山楊氏廣平游氏以至於晦菴朱氏中間雖有京檜侂冑諸人梗路而其學益盛江淮之間粲然洙泗之風矣金源氏之衰其書浸淫而北趙承旨秉文麻徵君九疇始聞而知之於是北方學者始得見而知之然皆弗得其傳未免臨深以爲高也庚子辛丑間中令楊公當國議所

以傳繼道學之緒。必求人而爲之師。聚書以求其學。如嶽麓白鹿。建爲書院。以爲天下標準。使學者歸往。相與講明。庶乎其可。乃於燕都築院。貶江淮書立。周子嗣刻。太極圖及通書。西銘等。於壁。講雲夢。趙復爲師。儒右北平王粹佐之。選俊秀之有識度者爲道學生。吁。公之心。一太極也。而復建一太極學者之心。各一太極也。而復會於極。畫前之畫。先天之易。盡在是矣。使不傳之緒。不獨續於江淮。又續於河朔者。豈不在於斯乎。是公之心也。學者之責也。其惟勉旃。遂通聖賢學。慨然欲以道濟天下。拜中書令。定宗卽位。平陽道斷事官斜徹橫恣不法。詔惟中宣慰。惟中按誅之。大明川賊用亾。金年號。聚衆數萬。剽掠數千里。詔會諸道兵討之。不克。惟中仗節開諭。降其渠帥。餘黨悉平。憲宗時。世祖以太弟鎮金蓮川。專封拜。立河南道經略司於汴梁。以惟中爲使。總管劉福貪殘鄙酷。虐害遺民。二十餘年。惟中至。詔福聽約束。福稱病不至。惟中設大筵於座。復

召之使謂曰。汝不奉命。吾以軍法從事。福不得已。以數千人擁衛見。惟中卽握大槌擊仆之。數日福死。河南大治。遷陝右四川宣撫使。時諸軍帥橫侈病民。郭千戶者尤甚。殺人夫而奪其妻。惟中戮之。關中肅然。語人曰。吾非好殺。國家綱紀不立。致此輩賊害良民。雖欲不去可得乎。歲己未。世祖總統東師。奏惟中爲江淮京湖南北宣撫使。俾建行臺以先啟行。宣布恩信。蒙古漢軍諸帥並聽節制。師還。卒於蔡州。中統二年。追諡忠肅。元史本傳

魏初字太初。金翰林修撰。璠之從孫也。璠無子。以初爲後。初好讀書。尤長於春秋。比冠有聲。中元元年。始立中書省。辟爲掾史。兼掌書記。未幾以母老辭。隱居教授。元史王約傳約從中丞魏初游博覽經史工文詞務

達國體。會詔左丞許衡學士竇默及京師諸儒各陳經史所載前代帝王嘉言善政。選進讀之士。有司以初應詔。帝雅重璠名。方之古直。詢知初爲璠子。嘆獎久之。卽授國史院編修官。尋拜監察御史。首言法者持天下之具。御史臺則守法之司也。方今法有未定。百司無所持循。宜參酌考定。頒行天下。帝宴羣臣於上都行宮。有不能齏大卮者。免其冠服。初上疏曰。臣聞君猶天也。臣猶地也。尊卑之禮。不可不肅。方令內有太常。有史官。有起居注。以講典禮。記言動。外有高麗安南使者入貢。以觀中國之儀。昨聞錫宴大臣。威儀弗謹。非所以尊朝廷正上下也。疏入。帝欣納之。仍諭侍臣。自今毋復爲此舉。時襄樊未下。將括民爲兵。或



請自大興始。初言京師天下之本，要在殷盛。建邦之初，詎宜騷動。遂免括大興兵。初又言舊制常參官諸州刺史，上任三日舉一人自代。況風紀之職，與常員異，請自今監察御史按察司官在任一歲，各舉一人自代。所舉不當有罰，不惟砥礪風節，亦可為國得人。遂舉勸農副使劉宣自代。出僉陝西四川按察司事。歷陝西河東按察副使，入為治書侍御史。又以侍御史行御史臺事於揚州，擢江西按察使，尋拜侍御史行臺。移建康，出為中丞。卒年六十五。子必復，集賢侍講學士。元史本傳

崔彧，字文卿，宏州人。

府志舊志俱順聖人。

負才氣，剛直敢言。世祖器重之。

至元十六年，奉詔訪求江南藝術。明年除集賢侍讀學士。阿合

馬伏誅。或言其黨阿里宜治罪。郝禎宜剖棺戮尸。從之。二十年。由刑部尙書御史中丞上疏言時政十八事。一曰開廣言路。多選正人。番直上前。以司喉舌。庶免黨附壅塞之患。二曰當阿合馬擅權。臺臣莫敢糾其非。迨其事敗。然後接踵隨聲。徒取譏笑。宜別加選用。其舊人除蒙古人取聖斷外。餘皆當問罪。三曰樞密院定奪軍官賞罰不當。多聽阿合馬風旨。宜擇有聲望者爲長貳。庶幾號令明而賞罰當。四曰翰苑亦頌阿合馬功德。宜博訪江南耆儒碩望。以重此選。五曰郝禎耿仁等。雖正典刑。若此者尙多。罪同罰異。公論未伸。合次第屏除。六曰貴游子弟。用卽顯官。幼不講學。何以從政。得如左丞許衡教國子學。則人才輩

出矣。七日。今起居注不過奏事檢目而已。宜擇蒙古人之有聲望。漢人之厚重者。居其任。帝王言動。必書之以垂法。無窮。八曰。憲曹無法可守。是以奸人無所顧忌。宜定律令以爲一代之法。九曰。官冗若徒省一官員。併一衙門。亦非經久之策。宜參衆議而立成規。十曰。官僚無以養廉。責其貪則苛。乞將諸路大小官。有俸者量增。無俸者特給。然不取之於官。惟賦之於民。蓋官吏既有所養。不致病民。少增歲賦。亦將樂從。十一曰。內地百姓流移江南。避賦役者已十五萬戶。去家就旅。豈人之情。賦重政繁。驅之致此。乞特降詔。招集復業。免其復來五年科役。其餘積欠並蠲。事產卽日給還。官滿替以戶口增耗爲黜陟。其徙江南不

歸者與土著一例當役十二日。凡丞相安童遷轉良臣悉爲阿合馬所擯。或居散地或在遠方並宜拔擢。十三日。簿錄奸黨財物。本國家之物不可視爲橫得。遂致濫用。宜以之實帑藏。供歲計。十四日。大都非上都止備巡幸。不宜立留守司。此阿合馬以之位置私黨。今宜易總管府。十五日。中書省有右丞而左丞缺。宜改所增右丞置諸左。十六日。在外行省不必置丞相平章。上設左右丞以下。庶幾內重不致勢均。十七日。阿刺海牙掌兵民之權。子姪姻黨分列權要。官吏出其門者十之六七。宜罷職理筭。十八日。銓選類奏賢否莫知。自今三品以上必引見而後授官。疏奏。卽日命中書行其數事。餘命與御史大夫帖木兒議行。

之時議再征日本。或言江南盜賊相挺而起，皆由拘刷水手與造海船，民不聊生，激而成變。日本之役，宜姑止之。江西四省軍需，宜量民力，凡給物價與民者，必以實。召募水手，當從其所欲。何民氣稍蘇，我力麤備，東征未晚也。又言：度量大都州縣地畝，本以革權勢兼并之弊。而近者浮言胥動，恐失農時，宜省諭各路歲選取室女，宜詔罷宋思文院小口斛，出入官糧無所容隱，宜頒行自阿合馬奸狀敗露後，廷臣諱言利，而盧世榮桑哥復希旨進，世榮居中書未十日，或卽劾其姦邪，不可爲相。忤旨罷職踰年，世榮誅，復召爲集賢學士。己而桑哥當國，乃出或爲甘肅行省右丞。二十八年三月，召拜中書右丞，尋遷御史中丞，奏

言近者桑哥當國四年中外諸官鮮不以賄而得者其昆弟故舊妻族皆授要官美地宜令兩省嚴加考核桑哥所設衙門其閒冗不急之官宜令有司集議汰罷大都高貲戶多爲桑哥等所容庇徭役皆貧民爲之宜令今後徭役皆均輸行臺御史周祚嘗劾行尙書省官奸貪桑哥誣以他罪流祚於愍答孫家籍沒揚州學正李淦劾右丞葉李妄舉桑哥誤國乞斬之以謝天下召淦詣京師及是以彧言還祚妻子除淦江陰路教授以旌其直先後論奏建甯總管馬謀河間鹽運使張裔宣慰使祥閣干集賢詹玉諸人不法事皆逮治論罪臺綱肅然中書省請彧爲右丞世祖曰崔彧不愛其言可使獨任言責也世祖崩彧得

玉璽於故臣之家。文曰：受命於天，既壽永昌。即上之徽仁裕聖，后手授成宗即帝位。於是或居御史臺久，守正不阿。人多嫉之，乞遷他職，不許。已而御史奏或任中丞且十年，非所宜。或遂以病力辭。成宗諭之曰：卿之辭退誠是矣，然勉為朕少留之。大德二年，加榮祿大夫平章政事，命與翰林集賢議，特降詔條備選舉。是歲九月卒。至大元年，贈推誠履正功臣太傅，開府儀同三司，追封鄭國公，諡忠肅。元史本傳。張士觀擬贈諡制，獻可加於卹典，故榮祿大夫平章政事，御史中丞崔彧，山川間氣，簪紱名家，俾司縣蒞之儀，繼被瀛洲之選，靡絲一介之助，自結九重之知，遂擢置於秋卿。俄紀綱於柏寺，奏請官嬪之議，罷征日本之師，章疏可方之古人，搢紳無出其右者，擅生殺之柄，忍容義甫之奸，抑聚斂之臣，力止延齡之相，兩過文昌之府，嘗僉宥密之司，於琴瑟更張之初，贊匕鬯主器之決，屬元貞方大有為。

之日適先帝重中執法之官視左右何以易趙堯在朝廷何可  
 無汲黯薦者儒而備顧問崇名教以換絲綸話人命於頃刻之  
 間回天威於雷霆之下以去留繫憲台之輕重辨邪正公天下  
 之是非凡可以尊主而庇民曾不避犯顏而直諫慨話言之尙  
 在想風采之如存永孚於休以昌厥後可贈推誠履  
 正功臣太傅開府儀同三司追封鄭國公諡忠肅

王沂字思魯金監察御史國綱曾孫也祖振元初徙真定父元

父監黃池稅務行事具馬祖常碣銘

王君元父既沒之十一年其子國史院編修官沂茹

哀請於馬祖常曰子與余同登進士第又同官於朝先人生世  
 以迄於卒其行誼無愧而終齟齬以不合於時者子能知之其  
 宜揭以傳後者子宜為文沂之述諸狀者子宜加詳焉按王氏  
 出姬姓周畢公高裔孫萬事晉更十世得列為諸侯滅於秦子  
 孫徙雲中地今之宏州六世祖遼戶部侍郎山甫始著於家牒  
 子三人曰元節密州觀察判官生翊金左司員外郎以文學稱  
 案金史及中州集皆以元節為翊子此偶誤以文學稱四字當  
 在密州判官下蓋世閣遠矣曾祖諱銳金尙書戶部員外郎祖  
 諱國綱金監察御史使河中詰總帥完顏仲德戰敗死節考諱  
 派艱關轉徙占籍真定力學砥行起家至江南浙西道按察司



經歷配丁氏有子三人長諱宗禮季諱宗義皆早世仲卽君諱  
某幼自知問學侍經歷君居浚都爲士子經師尤長於詩歌試  
浚都文學掾辟江東道宣慰司令史會使專恣他吏恐諛弗敢  
仰視君每以義持之屬歲澇饑郡無賴起績谿盜敢相蔓民不  
輯甯宣慰司遣君覆視還請蠲徭發廩以賙賑隸盜遂息進將  
仕卽宣城縣簿縣北歲供玉面狸四十畢眾不獲則轉購他邑  
糜貲毒民君至請悉罷貢姦民有詭逃田賦者歲取償里胥吏  
循格不完君一正其籍乃建孔子廟築壇崇社春秋飭其牲器  
以與邑人行事川有梁田有溝道有寓望吏徒有畏而弗肆民  
知有政而趨功監司郡守爭爲鼓舞江淪行省屬錄甯國太平  
二郡囚又屬考覈江陰錢穀他州縣訟累歲不決者多以屬君  
所試悉有能聲江陰盜有枉爲脅誑者吏黨按之旣誣服已君  
反覆得其情爲具獄白行省事上中書移刑部刑部允君議遭  
脅誑者得免死南陵縣僧以貴雄持縣短長堰溪水溉私田霖  
潦水溢則漂沒崩蕩邑人訴於縣吏懼莫能施行君詣視毀之  
老幼至撫手拜慰且曰君出一鄉於魚蟹矣未幾擢江淪行中  
書省掾曹無留事適湖西廉問官與君素同里少持氣不相下  
頗疾君君又不能自詘以希合乃風旨豪梗羅織君以是坐誣  
免不辨起除瑞州平準庫使不就改仁和鹽場司丞又不就家  
居數歲又改除平江行用庫使州縣趨白君所與游盡一時知

名大夫士咸燭君窳而君終不自訟就使終不赴孰與君直乎  
 忍是一往而無變君素守以流於物將推歷君之迹當不誣矣  
 甯無為君采於有司也君不獲已就官久之自免歸階前資遣  
 承事郎監黃池稅務以至治三年五月十三日終于家享年六  
 十有七以某年月日葬於某州某里之原娶把氏穎州判官時  
 之女男三人澄沂洙女一人適湖東廉訪使侍其同朝之子通  
 孫男二遷善崇善孫女二人皆幼君甫冠即自立勤苦為文章  
 履其身以莊儉亦未嘗過為崖機其官業行己之略一皆自信  
 不妄計進取少顧時人之所為而亦以此稱之然亦以此嫉之  
 至大間嘗為書言任人別邪正養民重守令法不可輕更令不  
 可輕出期少施於朝廷而書不果上執政聞君名私使人致款  
 欲官之錢監君知不足與共事卒謝去後果敗而君益畜其學  
 以老不克用鉅公聞人累薦君才宜理劇文學宜館職皆不報  
 屏居錢塘詩書尊俎詠歌息偃泊然無毫髮世俗慮撫育諸孤  
 子嫉誠愛天至而急人之急獎人之善汲汲焉猶負宿諾而抱  
 隱痛皆他人所難而君為之不知為有德尤人之所難也其所  
 著有政要書十二篇陶詩注三卷詩一卷嗚呼天興之變國土  
 靡裂焚剽翦雉不百年而金之名家善士之子孫遺子不數戶  
 矣初御史君以直節死人惜其未能大用於時夫固知經歷君  
 之起王氏也經歷君位不配其德以歿乎今凡幾年而承事君

又斥不用君子悼曰不幸然孰知後世之將昌且久歟今沂以進士入官有古學方嚮於用而克濟其美於未艾豈其碩大光顯又將在茲歟是宜爲銘銘所以使後世爲善者不怠也銘曰寃弗媒也玉有玦也一擯不用有子哲也彪炳而文立其嶠也載善於銘沂登延祐二年進士授臨淮令同知嵩州擢國史院行安轍也

編修累官禮部尙書有古學精鑑識由外吏厯躋館閣總裁宋遼金三史職文字者幾二十年廟堂著作多出其手工詩與傳若金周伯琦許有壬陳旅相頡頏嘗以國子博士分校得余闕卷奇之識其必爲名臣後如所言至正末中原盜起沂旣老乃北還鄉里僑居山陰應州間遇亂復攜家南渡不知所終著有

伊濱集

四庫全書提要詳見藝文

西甯新志卷之六終

西甯新志卷之七

人物志下

附寓賢

明

亢弼字公輔。西城人。嘉靖初。由貢生官中部知縣。遷慶陽通判。有吏才。長於鉤距。民畏而愛。鄰郡有疑獄。留務大吏。必委令決。所至以廉幹聞。甯州多逋賦。號難治。弼攝州事。設方與宜。甫兩月。完糧萬。時稱其不蹈宿弊。不規小利。為催科良法。好為詩。公餘輒吟詠不輟。遺集凡數百首。孫雲龍萬厯中令汧陽。亦有政聲。以下多本舊志及府志不備注。

劉伏玘。東城水地堡人。勇健敢為。先是大同。王三者犯罪逃。

出塞以中國虛實告為其鄉導嘉靖庚子辛丑連犯晉陽又聲  
 言入寇真保臨清皆其謀也甲辰冬引寇眾犯蔚州過順聖東  
 城王三以數十騎叩水地堡門自稱曰我大同王三也其速飲  
 我酒眾欲擒之不能時伏玘老矣私謂其子曰即擒是乃具酒  
 匍匐以獻三痛飲至醉玘猶頓首示怖三麾騎令却玘復懇曰  
 畏刀三見其誠且老易之解所佩刀擲遠地玘佯酌酒遂拉以  
 入堡堡人皆鼓譟登陴舉礮餘寇遁去械三至京伏誅樵書嘉靖二十

三年大同順聖川水地莊軍卒劉伏玘擒板不孩部下小酋王  
 三三本華人外附者磔之傳首諸邊十有一月司禮少監焦忠  
 傳聖諭曰朕祇奉元威保民伐叛仰天下監叛惡生擒固義方  
 之効力實鬼神陰戮其醜也中原屢被侵犯流血千里自今  
 少差其加秉一真人禮部尚書陶仲文為少師明楊名縛虎  
 篇遙贈劉千戶伏玘序曰大同有叛卒姓王氏以行行人稱曰

王三驍勇多智略。嘗鼓衆殺主將。避罪竄投北國。酋長疑不錄。約必殺其妻子。示信遂歸。酖母及兩妻。火其居。爲不返計。酋長契之。禮爲上賓。封以數千戶。俾統健卒。漁獵中國。庚子迫太原。辛丑復長驅深入。榆次交城。文水平定。岢石。壬寅癸卯。時出時入。甲辰秋。突入紫荆。直抵完縣。京師戒嚴。天子震怒。用論者言。械繫請撤。戍卒御史中丞朱方。并罪總督大司馬翟鵬。及地方將官有差。大司馬毛伯溫。以不能先事禦防。罷職。職方郎韓勛。廷杖且死。詰其原。皆王三導賊流毒至此。乃大懸賞格。有能生致王三者。予千金。官五級。大同軍舍劉伏玘。雅擅謀力。又曩與王三善。白之。父母妻子曰。我家世食祿。無分寸報。王三匹夫。敢爾作孽。使中土不安。戮此小醜。非伏玘不可。請以死從事。其母泣止之。不從。復曰。父雖老。吾有三子。大者例當優恤。卽死不負父母。遂攜其妻女。毅然就道。既至關口。以釀酒爲業。一日。王三來。從四健兒。按轡關下。問戍卒曰。誰在此。戍卒以劉二對。聞言甚喜。令速趨會。伏玘遂攜酒榼出。下馬相見。執伏玘手曰。弟何爲在此。伏玘曰。貧甚。不能自給。守此釀酒。意得升斗。爲活計。不圖今日。乃見兄也。涕淚交下。王三懇慰之曰。弟無慮。余今富貴。若此。忍使弟流落乎。他日得志。當以國卿第處爾也。伏玘斂泣。酌酒爲壽。王三傾飲不疑。酒皆宿儲。才數盞。卽微醺。喜謂伏玘曰。吾欲至爾旅舍。少坐。伏玘佯辭不能爲款曲。王三固請以行。

至舍相勞苦備至。且請見伏。伏妻與女問其三子。伏現曰：留侍吾父母。王三大呼伏。現妻曰：二嫂取好酒來。吾兄弟敘闊懷。以盡醉為期。伏現妻亦善應對。踞進數觥。已伏現與王三對酌。其妻出禮。四健兒不計壺蓋數。日將夕。王三醉甚。偃臥舍中。數試之。不覺伏現乃與原約三卒。用大椎椎其兩臂。臂痛。但瞠目。強視日。爾何擊余也。余明日赤爾族。臂既斷。縛以巨繩。載至總戎所。覆核無偽。檻至京師。帝大悅。置之法。傳首九邊。如其賞格。賞伏現千金。官正千戶。事傳至蜀。方洲子不勝欣歎。夫自用兵以來。所傷數百萬命。所費數百萬金。曾無一勝。以答眾望。而伏現小臣。捐軀赴義。克擒渠帥。以奠邊危。可不謂忠且智乎。一時居將領者。可以自省矣。作縛虎篇。遙致相慶之志。或足風於眾也。京華直北。兩巨鎮。大同宣府。相為命地。勢遙懸。寇敵隣。開門直與七陵近。中有黠虎名王三。力能舉鼎。性貪婪。首倡叛逆。弑主將。卻以寇穴為龍潭。酋長見之。疑不錄。鳩母兩妻。證心腹。獵將恩寵。如上賓。授之車騎。任馳逐。一薄太原藩鎮。輕再入平定。畿輔驚三衝。紫荆踐完縣。千兵萬馬。恣游行。京師戒嚴。聖心怒。兩鎮將領充荒戍。司馬休官。職方殂。大懸賞格。勤召募。大同軍舍劉伏現。心懷忠義。真男子。平生願勒燕然銘。視賊若仇。執一死。父母號泣。苦莫留。提刀誓斬逆臣頭。世沐主恩。司部伍。妄能坐待身封侯。獨攜妻女寄關口。汲水負薪。自釀酒。酒成日飲。數十



人王三不來日已久甲辰之秋賊惡盈持戈跨馬衝邊城入關  
忽聞故人在相逢慰勞傾真情劉家二嫂最恭謹跪進醅醪望  
接引探囊取金為嫂壽弟唱兄酬天欲暝喜極飲多成巨酣解  
甲長臥毛髮數回動搖漫不省椎殘兩臂縛之櫪羽書馳報  
天顏喜襟尸傳首示邊鄙十萬敵騎盡夜逃俘獲備載歌聲起  
劉郎奏見承殊恩千金五品貴且尊名姓分明著國史氣焰烜  
灼歸轅門向日當釐真獨苦算策無遺縛黠虎縛虎弗克或反  
噬甘為齋粉竟何補嗚呼丈夫不遇時屈身降志同愚癡一朝  
得意便卓絕回視瑣瑣皆塗泥君不見五府侯又不見九邊將  
錦衣廩食行呼唱幄中籌略今何如後來誰畫凌煙上案今  
水地堡有劉伏玘墓其後人尙十餘家山西通志載伏玘為大  
同人據縛虎篇序也樵書并以順聖川屬大同皆緣明人習稱  
宣大易致誤耳而其時明帝頗張皇其事楊實卿文雖出傳聞  
情事較切一序一詩亦極完密備錄之以補舊志之略非徒廣  
異聞也

趙淮字西泉性莊謹動有禮法所居化之值歲歉出粟遍貸村  
無流離萬厯初年九十有司以上聞扁其門曰榮壽子國畿國

輔國輔字念泉有父風甚爲鄉人倚重其後孫曾繁衍多讀書取科第爲西城巨族

李齊松字永吾父銍以資起家齊松由貢生萬厯中同知宿州煤井妖賊作亂練義勇千人躬督戰敗之築呂梁洪遙隄百里論功遷東川通判署建武同知所至有政績以母老辭歸母歿廬墓三年崇禎甲戌大兵入塞援師集西城者數萬餉不繼勢洶洶與弟齊梅出粟二千石以濟民賴之安卒祀鄉賢

趙棟字柱石國畿子也讀書太學刻苦至忘寒暑李九我相國時爲祭酒器之因傳其學筮仕爲莅平丞廉謹如諸生衣食皆取給於家職滿負累幾二千金後官至開封通判有子七並知

名

李化梧字茂字萬厯中武進士官鎮城守備撫軍恤民人愛戴之三年以疾歸軍民爲刊石紀德

蘇綸字鳳池西城諸生練習邊事陽和帥招之入幕多所擘畫性豪爽好客扶困濟危有古烈士風後辟代府長史

李齊櫬字郁吾齊松弟也官桂府長史拾遺補闕王嘉納之俾侍世子講讀崇禎末獻賊陷衡州王脫身走零陵以世子屬齊櫬齊櫬攜之轉側兵戈間渡水同溺死妻史氏聞之曰夫以義死吾何獨生亦死

劉承芳字茂華先世南昌人始祖文德以軍功起家千戶從永

樂北遷遂占籍順聖父棟字磐石有孝行官指揮僉事承芳幼聰慧善屬文治經有法遠近從游者甚衆崇禎初由歲貢官九江府經歷遷濟南某縣知縣明亡棄官歸閉戶謝客日事著述十餘年未嘗一至公庭卒年七十弟承元字太華丁丑選貢亦有學行承兄志隱居不仕

王寯東城人郡文學好讀書以膽略自負崇禎七年大兵破保安圍蔚州寯上言當事陳守禦之策時邊防久弛附城居民數百家惶惑憚內徙寯先撤己屋爲倡浚隍積粟城守以固事聞得旨嘉獎建坊以旌其義同時楊登者與寯同勞後中順治甲午武舉寯竟以諸生老

國朝

侯虞棟字魏石性穎悟淹貫經史文詞瑰瑋後學多師之尤善書以歲貢終

元朝宸字曜元博學工文性渾厚與物無忤順治初由歲貢官邢州訓導日以詩辭與士子相切磋經其指授多可觀著有蒲署閒吟前後二集駢體文有初唐格時多傳誦

李浚字宣明明東川通判齊松子也好學篤行嘗就其家闢儒館延名士講授鄉人之願學者悉入焉多所造就侍父疾累月不解衣帶父歿廬墓哀泣不已墓側有嘉禾生人以爲孝感時詔舉賢良有司高其行將薦之力辭生平勇於赴義極困濟危

正德集卷之六  
五  
若疾痛之在己。歲癸巳大雪踰月。人困樵採。浚率衆羸糧入山。開徑三十里。煤運始通。由是得寒疾卒。遠近勸之于恆光。別有傳弟濬溥。

濬字文明。諸生。倜儻有氣概。從弟源客大同。姜壤之變。與其母俱陷圍城中。初英王西征。家嘗助餉二千金。至是濬復奉牛酒犒王師。以情達。王鑒其誠。賜之裘馬。卽署大同中路通判。許賊平日全源母子。明年城破。卒脫源於難。濬本無宦情。感王知遇。送就官。在職掩骼修隍。招集流亡。踰二載。部署既定。力辭歸。康熙中卒。與兄浚並祀鄉賢。源亦奇士。後中材官選。徵前事不仕。奉母里居終身。以孝聞。

溥字盛明。未冠補弟子員。亦好義。與兄並有聲於時。東海法若真嘗爲之傳。

李灝字互明。父齊梅。光祿寺署正。以財雄於代。北灝中武舉。雅尙氣節。甲申之變。僞署鎮將某括餉其家。灝戒族人無出。獨以身抗。至露刀脅。迫不爲屈。未幾賊敗。人壯其識。康熙己未。歲荐饑。巡撫永甯于清端公就賑。粟不給。聞灝名。知其原籍山右。特以鄉里見。問計。灝請借屯米以濟。至秋有不償。灝願以身任也。如其言。全活萬人。其利濟爲懷。遇事敢爲。多類此。卒祀鄉賢。弟瀛。字英明。好學。於天文地理律呂奇門皆能通曉。以諸生終。李沐字宗明。性警敏。有大志。爲諸生時。徧交當世賢豪。旁郡名

世習錄卷之六  
卷之六  
士多主其家。初東西二城產鹽，久賴其利。歲甲辰，奉文行長蘆，鹽引民大弗便，汴上陳其弊於當道，爭之三年，糜萬金，不恤也。以貢官清江縣丞，革陋規，除積弊，吏不敢倚爲奸。大府察其廉，將薦之，汴澹於進取，力辭歸。弟瀚。

瀚字鑑明，歲貢。幼孤，鞠於兄，事之甚謹。李氏自前明居，掃骨唾，族日以大瀚始，仿義莊法爲田。凡族之貧者，婚嫁喪葬，皆有資。月會以敦其誼。造日躋樓，延名進士石門朱彝爲師，聚生徒講授。程朱之學，遂振起於邊徼。官樂亭教諭。

蘇大傑字瑤池，少補衛學生。見天下未定，乃更學擊刺，試弓馬。中順治甲午武舉，明年成進士，授青州守備，調銅仁。吳逆之變。



棄妻子間道走迎王師。以參將隨征。旋病歸。家居六年而卒。性磊落。多義行。嘗赴都。至深井。拾遺金三百。候失者還之。其人請分贈。不顧而去。爲諸生時。山右流民張順者。鬻其妻。臨別妻哭之痛。立折券。并給衣物資之歸。友人聶某之官秦中。爲保貸五百金。聶抵任。旋物故。憐其子幼。慨然爲代償。時以爲有國士風。子夢武。諸生。工詩。甚有名譽。

李雲鴻。字鳴春。祁州訓導。廷柏猶子也。廷柏字挺然。善詩文。爲邑名宿。雲鴻中材。官選。雖武人。能承其學。折節下士。讀書至老不衰。同時李鼎者。亦將家子。並以儒雅見重於鄉。

呂金聲。順治中以諸生教授於鄉。行事不詳。舊志稱爲孝子。

趙咨中，字憲唐，父楨，有隱德。卒年八十。子五人。咨中弱冠補郡文學，與弟申、中建、中剛、中並有時譽。性和謹，終身無疾言厲色。年及八旬，猶衣冠莊敬，齋如也。康熙中設縣，始行鄉飲酒禮。縣令延爲上賓。鄉人榮之。子儵，儒，有孝行。

申中，字際唐，以諸生精騎射。時曰爲偉器，伉直不能隨俗俯仰。婦翁閻梅公，巡撫河南，一往候，閻謀爲納粟，慨然曰：吾豈效鄭謚倚丈人峯以得官耶？遽辭歸。

建中，字齊唐，少負異才，累舉不第，遂絕意進取。有志心性之學，踐履篤實。後進多宗之。子五人，皆有文名。縣令何芬爲作景寶堂記，尚儒君儒其季也。最著尚儒，字麟一，幼慧，何招入署，親課

之爲文日盡數紙。以歲貢終。子璫增生。有行義。七歲喪父。哀毀如成人。與兄玠。珽。友愛。卒年八十。子其鵬。其槐。並諸生。以孝友世其家。君儒。字甯周。生有至性。母疾。籲身請代。及卒。殆不勝喪。乾隆丙辰。舉孝廉。方正。力辭不就。

剛中。字任唐。嗜書史。口不言世俗鄙事。以諸生游太學。考授縣丞。非所好也。馳歸。不與選。家居。手一編。吟詠自適。子興儒。信儒。並有學行。

趙喆儒。字察兩。明開封通判棟之孫也。少以文受知於熊鍾陵。學使就舉。不得志。卽屏去。督妻孥躬耕。以給伏臘。有介操。耿耿自信。以歲貢選魏縣訓導。

李恆光字正陽少負異才以童子受知於學使梁眉居時文士皆兼騎射恆光每發必中學使奇器之嘗侍父入都途遇盜卽躍馬直前盜駭散父歿廬墓哀毀幾至滅性著書凡數種其閨中儀範一編乃秉母訓而作尤有裨名教工擘窠書大有徑丈者弟恆炳

恆炳字旭陽有古學恬退不慕榮利闢園於所居曠塢之西構萬書樓聚所藏書日與朋輩賦詩飲酒爲娛

李恆煥字晉陽鄉賢濬之子也性沖和喜施予康熙辛酉歲大饑爲食以待餓者上書當事請速振濟巡撫三韓于公親臨勸出恆煥卽出粟三百石爲倡而別儲菽豆雜粟遍餼鄉鄰罄所

積稱貸以繼作振饑行紀其事。初恆煥與弟恆焯恆焜恆煌皆從蔚州魏環溪游。恆焯又魏壻也。故其昆季氣誼相敦。爲學一本之實踐。著有知非注風木聲諸書。多仁孝之言。以貢生終。

恆煌字嵩陽。未冠補弟子員。與兄恆焜齊名。並精於醫。四方求藥者踵至。其殘疾聾瞽者收養之。子址塾。址拔貢。以文受知於李厚菴。

李恆炆字葵陽。父瀛。附見兄灝傳。恆炆中康熙壬子武舉。家世好施。嘗力佐之。時屯米變價。計地出銀。村民力絀。爲徧貸以輸。里有攔門稅以圖利者。力爭之得止。從弟恆煜灝之子也。亦以義稱。

閻源字靜深事親孝與物無競鄉里有爭訟事得其言立解年

八十甚爲前後令所重以下採訪事實

趙汝芳字子良好學博通經史有幹略康熙末議增學額當事難之汝芳言教因富庶西甯正賦贏於他縣其歲試有司者數又倍而所取無過十人甚非朝廷廣厲學官之意力爭得奏改中學士林德之性豪爽與人交情誼懇至廢棄孤露者待之愈厚令長皆重其文行時政如圈撥旗田挖運兵米民苦累最久者多因其籌畫得免由貢選魏縣訓導未到官卒

趙爾楷字子師少讀書白龍山爲文溺苦恆終歲不歸康熙癸巳舉於鄉旋成進士縣自金源後歷四百餘年始有登第者鄉

人榮之。授鄂縣令。以憂歸。再補文水。所至有循聲。性簡伉。恥與世俗浮沈。樂廷芳者。幼以善歌給事某王府。得官。時守太原。爾楷不爲禮。曰。我識此公。樂聞而銜之。以他事檄至。倨坐。問若素言。識我果耶。慢應之曰。爾楷曾識太守於瓊林宴耳。遂爲所搆。被劾。家居教授以終。

李恆蒸。字溧陽。歲貢。官棗強訓導。幼嗜學。究心伊洛諸書。跬步必以儒者。李氏初以貲財雄雲代間。父汴。好結客。明季諸王故臣有主其家者。爲奸人所告。禍幾不測。而兄恆燦。復以從石門朱爨講學。後羅浙獄。家再破。恆蒸獨務躬行。不侈聲氣。時稱爲純粹。子厚載。官固安教諭。以清介聞。

田秀字升三家世農所居牛蹶莊地斥鹵人病耕秀始鑿渠桑乾上流引水溉田四十餘頃孫浩諸生也與弟禧益廣其利濱河諸村多踵行之因號其渠曰通田迄今利賴禧孫持字執中以耆德稱子守成族子緯並有行義

陳憲字汝望諸生事母孝母嘗患癰親吮之弟章幼爲所鞠官永平訓導憲一日思之甚冒風雪馳數百里往視旣至復念母泣涕不自禁弟爲感動卽日乞病偕歸時就官未朞月也世兩高之乾隆初舉孝友入彰善坊

李錫朋字旅百父塏有義行錫朋少孤母教之讀力學爲諸生由貢官永平訓導課士有法其優者別資以月餼子學沂學沆



均官縣令。作服官四箴貽之。以循理畏法戒驕奢。勤撫字。懇懇警誦。後並有政聲。學沆最著。

學沆字靖公。乾隆己亥舉人。選盧氏令。盧氏大滑卞士奇嘗殺人滅迹。歷數載無覺者。學沆以他事鉤得之。遂伏辜。一縣稱爲神明。職未滿。調陳留。甫入境。颶風驟起。揭輿簾去。蹤之。至一塋。乃士人某新葬其父者。父老病死。無他異。學沆終疑不釋。一日忽蹶然曰。吾得之矣。立拘土工。至。喝曰。爾何殺人而瘞諸某氏墳乎。內三人猝失色。刑訊稱其日方畚鍤。有孤商過。衆利其財。殺之埋隧中者。啟土果得尸。其敏決如此。汴人嘗作明寃錄。記其決疑獄七。子孫式微。不能備舉。故老僅傳二事云。

王裕字綽然。幼喪父母。兄妻張氏鞠之長。裕事之甚謹。及卒。爲持服至再期始除。善處鄉黨。與人交。欵曲周至。以耆壽終。子四。並諸生。大本大儒。最知名。大本以資起家。喜施子。子學文。恩貢。事繼母以孝聞。

王經少貧。商鬻以養父母。與兄紳友愛。食必偕。事必諮而行。兄年老。家日以裕。常忽忽不樂。經窺其意。乃析產爲四。以三與兄。而已取其一。兄疾。召子姪前。出券示之曰。兄食指日衆。吾惟一子。產雖薄。當給。兄善自攝。勿多慮也。兄感謝。因相持而泣。聞者嗟異。

張邦儒字彥文。諸生。乾隆丁未大饑。設粥糜以待餓者。罄所藏。

粟家有商肆。凡貸錢帛者。一無所吝。明年歲豐。人皆爭償。受之而反其息。後官興安衛千總。

趙雲龍。字衢翔。少失恃。事繼母得歡心。爲諸生。躬耕自給。橋有病。涉路有阻行。必悉力程其事。歲饑。出粟徧貸鄉鄰。多所全活。卒年八十三。

李維本。字星淵。父隄。郡文學。有時譽。維本由選貢。倅高唐州。旋擢知縣。歷商河甯陽曲阜。時稱爲能。川楚軍起。調湖北。轉餉鄖襄間。涼山之戰。從撫臣惠齡殲賊首逆。補麻城令。在官十餘年。多惠政。弟維權。布政司經歷。以氣槩爲鄉人推重。

馬芝庭。字鶴田。少舉於鄉。績學工文。聚書萬卷。手自丹黃。聞人

家有祕籍必多方借鈔以歸至老不懈性坦易以文酒爲娛後進悉與爲爾汝交有片長必爲稱揚官束鹿教諭

苗滴蕃其先沁源人康熙初遷縣之三馬坊力農起家至滴蕃五世不異爨家及百口一錢尺帛無敢私子弟年十五以上各執一業不擇勞逸童稚亦化之衣履互著弗辨也嘉慶甲戌滴蕃年八十見元孫及身九世六院同庖時以唐張公藝宋陳競比之有司上其事奉

旨旌表

王五車字書林居家以孝友稱兄亡事寡嫂四十年不少懈性仁厚與物無忤尤喜施給世居東城凡城中修文廟興義學建

社倉皆所擘畫。家有田在城西。形家言葬當富厚。卽以其地爲義冢。曰富一家孰與富一邑爲利溥哉。年七十九。以廩貢終子七。並諸生長。應詔次。應緯最知名。

王遂字謹行。增生。祖經有傳。遂少喪母。繼母劉虐遇之。稍失意。卽子杖。遂侍養維謹。年四十猶不免簪朴。卒無怨色。妻武氏。生有子女矣。以小故失母歡。卽日出之。親族阻解。始聽其別居。凡七年不同寢食。母悅。乃待之如初。

薛廷弼字清溪。歲貢。負才俊。美髯及腹。工草隸。善篆刻。旁及繪事。性嗜酒。醉後解衣磅薄。得者多寶貴之。

趙駿字驥展。少貧。隨其父客多倫。傭書力學。中嘉慶戊午舉人。

由大挑官從化知縣清慎自勵甚有政聲道光初以疾歸駿風骨奇偉謁選時值

上在潛邸主選默器之及卽位疆臣入覲猶詢及也

朱三奇字象乾爲人通敏有氣槩叔母張早孀嗣子中逝三奇事張絕敬撫其孤恩義踰己子家事商賈折閱巨萬力任之不以累也道光丁酉大蝗設法掩捕野食露宿者再閱月備極勞瘁其冬出粟振濟賴以全活者尤衆以歲貢終

李業誠字樸齋諸生居鄉敦行義歲旱蝗出粟施貸悉力振護太守以下皆嘉獎焉

李嘉勳字含齋生有至性事親伺意旨承色笑與兄雍愉終身

兄子凌漢少孤。撫之長。凌漢疾。至爲文禱諸神。願以己子代。以舉人選贊皇訓導。母老乞養歸。隱居教授。母年九十卒。再選豐潤教諭。篤學敦行。至老不衰。子五人。並知名。增熙字輯虞。其次也。咸豐初舉孝廉方正。未祿卒。

李厚積字箕山。甲午舉人。性樸古嗜學。與人無町畦。遊幕青齊。歲得貲。悉以散給昆季。歸惟書史數篋。蕭然自得。

李鳳鳴字岐山。官馬營堡把總。咸豐癸丑。與匪北竄。從大軍轉戰畿南。以功擢署都司。五年七月。攻賊高唐。先登。遇伏死。

劉元標字秀升。事繼母以孝聞。母趙氏性嚴切。怒輒累日不解。元標長跪引咎。必母悅乃敢起。母生子元慶。友愛異常。衣食必

世晉書卷之三  
卷之三  
十四  
先推子元慶不事生產多狹斜遊每負債拮据爲償不使母知也母感悟待之遂踰所生家貧隱於醫求疹者無貴賤一視之終身謙謹未嘗有妄語縣令楊贊襄嘗旌其廬

寓賢

北魏

常爽字仕明河內温人祖父仕秦居涼州爽少而聰敏嚴正有志概雖家人僮隸未嘗見其寬誕之容篤志好學博聞強識明習讖緯五經百家多所研綜州郡禮命皆不就世祖西征涼土拜爲宣威將軍時戎車屢駕征伐爲事貴游子弟未遑學術爽置館温水之右教授門徒七百餘人京師學業翕然復興爽立



訓甚有賞罰之科弟子事之若嚴君焉尙書左僕射元贊平原太守司馬貞安著作郎程靈虬皆爽教所就崔浩高允並稱爽之嚴教獎勵有方允曰文翁柔勝先生剛克立教雖殊成人一也其爲通識歎服如此因教授之暇述六經略注以廣制作甚有條貫行於世爽不事王侯獨守閑靜講肄經典二十餘年時

人號爲儒林先生

魏書本傳

源賀河西王秃髮儁檀之子也儁檀爲乞伏熾磐所滅賀自樂都來奔世祖素聞其名及見器其機辨賜爵西平侯謂之曰卿與朕源同因事分姓今可爲源氏世祖征涼州遣賀招慰下三萬餘落從駕臨江爲前鋒大將爲人雄果每遇強寇輒自奮擊

拜殿中尙書文武卽位以定策勲進爵西平王出爲冀州刺史改封隴西臨州鞠獄以情徭役閒省清約寬裕甚得人心及顯祖將傳位京兆王推賀時都督諸軍事屯漠南乃馳傳徵賀賀至正色執不可卽詔持節奉皇帝璽綬以授高祖是歲河西叛勅賀討之賀依古今兵法及先儒耆舊之說略採至要爲十二陣圖以上顯祖覽而嘉焉又都督三道諸軍屯漠南上書請募諸州鎮有武勇者三萬人冬則講武春則種植又於白道南三處立倉運近州鎮租粟以充之以備不虞事寢不報稱病乞骸骨至於再三許之朝有大議皆就詢訪太和元年二月療疾於溫湯高祖文明太后遣使者屢問消息太醫視疾患篤還京師

三年秋薨諡曰宣

魏書本傳

陸麗代人也。少以忠謹入侍左右。爲南部尙書。世祖崩。南安王  
余立爲宗。愛所弑。百僚憂惶。莫知所立。麗以高宗世嫡之重。民  
望所係。首建大義。迎立之。社稷獲安。興安初。封平原王。遷侍中。  
撫軍大將軍。司徒公。固辭不受。好學愛士。常以講習爲樂。其所  
待皆篤行之流。士多歸之。和平六年。高宗崩。時療疾於代郡。温  
泉。聞諱。欲赴。左右止之。曰。宮車晏駕。王德望素重。奸臣若疾民  
譽。慮有不測之禍。願少遲回。麗曰。安有聞君父之喪。方慮禍難。  
不卽奔波者。遂便馳赴。乙渾尋專朝政。忌而害之。顯祖甚追惜。

諡曰簡王

魏書本傳

金

曹珏字子玉磁州滏陽人少以太學生教授方城爲人誠實樂易世俗機械事皆所不知喜賓客欵於接物從之游者樂之不厭正大末司農卿楊慥丞康錫薦珏隱操不減古人朝廷議授以官兵亂不果流寓宏州之襄陰尙書李仲臣爲起廟學以師席奉之居宏州十二年卒

中州集

元

歸暘字彥溫汴梁人學無師傅而精敏過人登至順元年進士授同治穎州轉大都儒學提舉未上後至元五年杞縣人范孟謀不軌詐爲詔使殺河南行省平章月魯帖木兒不花等召官

屬及去位者署而用之。賜時在汴城，召使北守黃河口，力拒不從。賊怒，繫之獄，尋以賊敗獲免。同里有吳炳者，嘗以翰林待制徵不起。至是，汙偽命，時人爲語曰：歸賜出角，吳炳無光。自是名譽赫然。明年拜監察御史，累遷集賢學士。戇直敢言，以資德大夫致仕。僑居宏州，徙蔚州。又徙宣德，尋抵大同，皆聞關避兵。後卒於解之夏縣。元史本傳

國朝

繆國棟，字石臣，浙之山陰人。遊學至西城，遂家焉。性豪邁，工草隸，善丹青，尤精於醫。登順治乙未武進士官，鄖襄鎮標守備。舊志劉國興，字振宇，赤城人。寄居西城，少以將家子從軍入閩，積功

至守備海澄公黃梧戰敗祖山頭爲賊所圍國興力救得解賊盛兵金門諸島死拒數年大軍進攻國興由山後出奇兵擊之射斃僞都督生擒僞總兵臺灣降福建悉定乃撫流離招懇重瘞暴骸捐金贖所掠子女閩人德之由都督同知遷陝西副將進河北總兵調廣東碣石衛卒於官上同

朱文卿字六階懷來人父家相選貢明末官含山知縣遇亂棄官歸館東城諸生王寵家以終文卿登康熙辛未進士釋褐鄆縣令鄆亂後凋敝俗梗難治文卿立教約行保甲募墾荒田鑿呂公河以資灌溉嚴革里馬諸弊倡修廟學建明道杜先生祠聚生徒親爲講授在職六年政教大行癸未

篤西巡。供億無缺。大吏薦其才。奏對稱。

旨賜人參眼鏡。諸珍祕。明年行取入都。擢禮部主事。累遷郎中。以科道記名。未及用而卒。著古賦數篇行世。文卿幼有至性。年十一而孤。哀毀如成人。貧不能歸。寵奇其才。爲延師助之讀。繼遭母憂。復爲經紀其喪。授徒桑乾。南北者幾三十年。晚始通顯。每言及王先生。時流涕不置。子孫遂家焉。採訪事實

林盛字大林。黃州人。以貢入太學。乃北遊宣化。以詩文自豪。同時官鎮屬者多楚人。咸相推重。縣令何芬纂修縣志。以藁屬焉。其宣化懷安二志亦出其手。著有此遠堂集。經世錄。府志

邢瑞龍字子雲。萬全人。父賈於西甯。因寄籍瑞龍。事親孝。善居

喪年及耆。遇父忌，猶悲泣盡日。家故窶，授徒得束脯以養母。與兄瑞昌友愛，兄揮霍不治生。瑞龍度其乏，恆陰置錢所處資之用。終身無少忤。道光丁酉歲饑，母甘旨時缺，門人方具饌館中。瑞龍每舉箸，哽咽不能食。衆覘知，乃更饋諸家，而卒不向之預索一金。其介如此。教人一本躬行，多所造就，累舉不得志，以貢

生終

採訪事實

西甯新志卷之七終



西甯新志卷之八

列女志

余過蔚感代夫人磨笄事及來西甯登隨山聞所謂女郎祠者意必亦瑰奇女子也惜酈氏注水經不能言其詳則夫古今巾幗之抱幽貞負義烈而湮沒弗彰者可勝道哉自旌典用限年格殷爲激厲近歲德意愈廣凡窮閭苦節無不上聞風化之隆於斯盛焉乃採輯所知別爲志以年次並列其姓氏行事於左

明

薛氏全佩妻歸二載佩亡子國臣甫周晬家貧父母令他適泣

曰姑老子幼敢有他志必欲相逼惟一死耳父母察其誠遂聽之後遭多難操守彌篤萬厯初通判屈可賢陳其行於當道咸匾旌之卒年八十七

崔氏籍紹元妻年十九而寡苦節數十載萬厯末巡按御史表其門

史烈婦蔚州人慶陽太守東昌之女也歸李齊樾齊樾爲桂府長史死衡州之難氏聞變亦自殺以殉桂藩監國贈一品全貞夫人

國朝

全氏拔貢王宏綱妻

馬氏。禮部儒士王宏德妻。年二十八。夫卒。守節及六十年。子寵。遊蔚庠。孫起龍。見龍。肇龍。並諸生。曾元林。立鄉里。欽之。

李氏。生員馬士俊妻。士俊卒。子鳴陽。幼訓之。成學。復早逝。其婦姚氏。年十九。亦守志撫孤。以延宗祀。

田氏。李齊桐妻。齊桐挾貲南遊。客死。子源生。五歲矣。矢志撫育。課督甚嚴。就傅時。偶從羣兒嬉戲。厲色責之。繼以泣。源感奮。卒以科名顯。守節踰五十年。未嘗一御鉛華也。康熙中旌。

孫氏。武安仁妻。年十九。遭夫喪。子驃。未免乳。奉姑育孤。備歷艱辛。驃後由武科成進士。人以爲苦節之報。卒年七十。

張氏。諸生李恆葉妻。李居父喪。以毀卒。氏以節自勵。家故豐。嘗

疏食服澣綴曰烏有華腴其身而可稱為節婦者子宏基遊太

學有名於時康熙十二年旌恆葉舊志作恆華續鑑志及家譜均作恆葉案其本字應從功令書

為煜因其家別有名恆煜者姑仍譜舊

薛氏生員趙協中妻清江縣丞繼緒女也趙嗜學不事生產家

日貧氏典簪珥助之無交謫聲及趙卒子大儒純儒皆幼慮城

居易習於靡乃就祖居目連村躬操作督之讀及長復以村無

良師令歸卒業後並為名諸生皆其教也守節踰五十年卒

潘烈婦東城人姚長嗣妻也夫卒無子誓以身殉舅姑阻伺甚

密從容慰之曰吾子數奇爾年少勿自苦泣曰從一而終義也

舅姑雖老有兄嫂在願從婦志已而窺舅姑終不許也乃伴節

哀進飲食，家人漸不疑，遂乘間自縊。時康熙辛未十月，去夫卒四十日也。郡人陳縱爲之傳。

李氏，高撰妻，年十九撰卒，家鮮兄弟，氏守節撫孤，以一女子持門戶幾三十年，鄉黨皆誦其賢。子光裕，補弟子員，食餼。

劉烈女，父德榮，故農家也。女年及笄，鄰少年梁某窺其美，戲之。女忿見逼，立投繯死。縣令施霖訊得實，爲請旌，置梁於法。康熙五十八年事。

李氏，武舉李恆炆妻，事姑孝。姑病經年，侍養不少懈。家事帷幕，庖馮悉井井如姑親臨也。及恆炆卒，撫五歲孤，爲延師課讀。時遣婢偵其勤惰以相警。子少長，謀納粟，氏拂然，促令卒業。雍正

十二年旌。

董氏，侯選縣丞馬義珍妻。夫卒，事姑課子，守節歷三十八年，足迹不窺戶外。閨範肅然。雍正十二年旌。

馬氏，郡文學士鵠女。歸監生任之璧。歸後夫病三載，侍藥膳惟謹。夫卒，翁以悼子故相繼逝。氏事孀姑，色養備至。撫子成立。乾隆元年旌。

李氏，庠生馬衛城妻。守節歷四十年。乾隆元年旌。

張氏，李琦妻。琦卒，事孀姑，育幼子。以慈孝著。乾隆二年旌。

康氏，馮勉妻。諸生康宗女也。勉績學早逝。氏撫其遺孤，恆執鍼帚以佐讀。鄉人稱之。乾隆二年旌。

陳氏宣化人年十九歸縣民楊成智楊農家子氏操作勤苦食貧晏如楊病四載時以鍼紉易藥餌死撫其遺孤苦節三十五年乾隆八年旌。

張氏監生李埴妻埴卒無子兄子方在襁褓立爲嗣鞠育成立克世其家乾隆八年旌。

鄧氏靈邱人知縣鼎甲女歲貢李壑繼妻也壑善病卧牀五載氏事之久而益謹及卒遺二子並幼訓迪有方稍廢學輒不食至流涕終日子咸感奮能自樹立乾隆八年旌。

董氏蔚州人父功敘官教諭氏年十五歸拔貢李址址績學不蘇翁以悼子故亦感疾逝氏奉姑以孝聞其叔沒託以遺孤撫

之一如己子乾隆八年旌。

李氏王永昌繼妻守節三十四年乾隆十年旌。

王氏賈安妻歸安三年而寡姑老家無石儲以女紅易薪米雖嚴寒弗輟十指盡裂安卒時遺孤甫八月撫之成奉姑以壽終乾隆十年旌。

劉氏董獻珍妻守節四十年乾隆十三年旌。

王氏廩生薛永宗妻性淑慧事姑孝姑病侍養無間晝夜日盡腫年二十二遭夫喪子樹猷生甫晬毀容矢志貧值歲歉鍼滯以佐食一夕盜數人誤入其家氏覺大呼曰天平我寡婦孤兒瑩瑩守此半椽乃忍見侵耶當碎首若前矣盜有知之者相顧



曰此薛秀才家吾輩爲不義乃驚節婦謝而去乾隆十五年得旌如例其坊在雙樹堡道光中居民不戒於火延燒將及火忽踰空而過其西鄰立燼焉咸歎爲天佑云。

陳氏年十七歸田計爲繼妻未踰年計卒氏撫其前室子女如已出事舅姑以孝聞乾隆十七年旌。

賈氏廣昌守備范學妻守節四十五年教子成立學使錢旌其門卒年七十三。

杜氏生員范勇妻年二十九而孀事姑鞠幼操行甚篤學使匾旌之。

鄧氏鴻臚寺序班李恆烜妻早孀守節教子世其家聲卒年六

十七

周氏李恒燦繼妻恒燦罹浙獄論戍遼左旋卒氏與妾陳氏皆年少無子乃撫叔子爲夫嗣與陳孀帷相依厯四十餘年學使及蔚州牧疊旌其門

馬氏候選州同李階妻階卒教其三子並隸學官籍守節三十年學使匾旌之

李貞女幼字李沛霏未婚而沛霏卒父母欲其他適女哭泣不食乃歸之沛霏家事姑有孝聲年三十卒

馮氏年十八歸李鴻漸夫卒遺腹生子氏守志並撫孤姪同乳衣食必先姪而後子有司表其閭

高氏蘇雲門妻夫亡家貧舅姑令改適以死自誓

孫氏成智妻孀居教二子以苦節聞

張氏薛遜妻

馬氏薛璠妻璠卒無子翁姑欲嫁之不可立族子爲夫嗣守節  
經五十年壽躋八旬

候氏李祚昌妻夫亡遺子三長前室出也撫之如己生甘貧守  
節里人稱之

曹氏蘇銀妻蘇死遺二子饑寒交迫以鍼紝度日未幾長子殤  
或勸其他適堅守自如

徐氏李引昌妻夫卒撫五歲孤衣食悉取給十指苦節數十年

始終不渝。

鄧氏候選知州李塤妻。塤卒，遺孤方九歲，訓之成學。與妾田氏馬氏並守節以終。乾隆三十年旌如例。

任烈女。父傳舜，供事內閣。女年十九，隨父京居。中表崔緒，涵官雲南典史。時在都，一日往候傳舜，值外出，潛至女所逼之。女大恚，因投繯死。事聞得旌。乾隆三十五年五月也。

單氏李煒妻。煒應童子試，卒於郡。父母以其無子，勸他適。泣曰：兒士人妻，能蒙羞喪節耶？請於夫族爲立嗣。母家非大故，未嘗輕歸也。乾隆四十年旌。

王氏梁開基妻。守節踰四十載。乾隆五十三年旌。

董氏李城妻年少孀居甚有操行有司旌其門。

劉氏張光禮繼妻年二十九而孀課二子璿璘並遊庠學使金旌其廬璘後以武科官江南守備迎養焉鄉人榮之卒年七十

七。  
魏氏監生李明遠妻明遠病瘵侍湯藥數年不懈病不起以老母屬氏泣受命修滄供職者及二十年姑愛之非婦在不能食也後遭姑喪感疾卒。

張氏李堦妻堦卒側室譚氏生子未晬躬鞠育之與譚相依二十餘年操行並勵時同族有李超妻趙氏李都妻董氏皆無子守節人以爲難。

慕氏朱璵妻文學灑之女歸璵生一子二女而寡踰年舅姑相繼逝有叔二皆幼氏時年二十七矣上治兩喪下撫諸孤持家計禦外侮艱苦備至叔長爲延師課讀衣物必先叔而後及其子姑未字教之如己女及嫁厚其奩資嘗曰先舅姑以細弱屬余余子女敢與同耶後子及叔並隸學官籍迄今爲巨族嘉慶四年旌如例

薛氏張邦成妻歸踰年邦成卒叔生子睿繼祿中撫以爲嗣守節經四十五載嘉慶五年旌

張氏生員郝震廷妻夫卒立從子儻爲夫嗣教之力學爲諸生娶居三十餘年不履里門雖戚黨罕識其面嘉慶九年旌

劉烈婦趙自新妻趙樵於山失足墜崖死婦聞之號於其族往  
蹤至崖知已死大痛卽奮身自投以殉村人哀之醵錢盛棺飾  
合葬焉婦年二十許蓋嘉慶戊午八月晦日也後十餘年縣令  
高薰業勘地至朝陽堡得其事爲刻石東城紀之

蘇氏朱琳妻守節五十一年

馬氏李生玉妻

王氏李佩玉妻

陳氏李德玉妻年二十守節撫嗣子成立

魏氏李錫綬妻年十九遭夫喪矢志守節冰蘖終身

張氏李錫袞妻

李氏李繼善妻年二十一夫亡守節踰五十年。

朱氏增生張廷樞妻年十七而孀守節十八年卒。

賈氏武生張璉妾年二十一守節卒年三十六。

張氏朱康功妻千總邦儒女也歸康功三年而寡無子撫從子三衡爲嗣三衡授室後早逝復字其遺孤道光十二年旌歲丁酉旱蝗出粟振貸村民賴以全活甚衆至今德之。

王氏霑化知縣馬衍宗之側室也衍宗卒氏年二十四子多綬甫免乳矢志鞠誨奉嫡趙氏十餘年無少失禮多綬後中副榜工古文詩甚有時譽道光十六年旌。

蘇氏趙嗣昌妻歸甫三月而嗣昌卒矢志事姑族人憐之爲之



立嗣家計窘而操行彌篤，歷四十餘年如一日。道光二十六年旌。

劉氏，馬繼先妻，守節三十三載，年五十八卒。

蕭氏，諸生王廷璧妻，夫亡，擇族子爲嗣，成室而天，復撫其孤，操行甚著。

蘇氏，王長庚妻，歸二載，長庚卒，家壁立，抱一幼孤，以奉姑，姑亦早孀，熒熒相依，子某後爲諸生。

楊氏，王溶妻，歸溶三年而寡，時姑已卒，叔醮甫五歲，與其妹皆庶出也，亦失恃，氏撫之恩，養備至，而翁復以老患風痺，臥牀數載，飲食皆需氏進，至躬滌廁，膾翁感之，嘗語人：吾年八十，老不

死苦吾賢婦至此他生必爲其子以報也聞者皆泣下及叔長爲授室曰叔早得二嗣以其一後余夫余事畢矣後如其言年五十九卒

徐氏庠生李松妻守節三十九年

閻氏薛天澡妻早孀家無經宿儲恆鍼黹易甘旨奉姑而自贖糟糠

周氏司藩妻年二十夫卒守節三十三年

馬氏監生張璇妻文學涪齡女也孀居事姑課子以賢孝聞於鄉里

張氏廩生張鼎妻鼎績學不祿將終以老母幼子爲屬氏修隨

瘁養歷十餘年子致中未冠補弟子員食餼世其家聲

以上九人並道

光二十六年旌

趙氏張鎮妻守節四十七載年六十八卒

王氏田化龍妻守節歷四十年學使毛旌其門

陳氏李錫瓛妻甘貧守志縫紉自給葵居五十一年以節壽終

同治十年旌

趙氏李燮妻歸燮三年而寡守節五十年

張氏生員李明威妻明威卒子敦常甫免乳課之甚勤恆篝燈

績紉以佐讀後爲名諸生年七十四卒

季氏李敦常妻歸敦常生二子而寡姑張氏以悼子卧疾氏伴

節哀委曲以盡歡教育遺孤甚有義方守志四十年再世皆以節旌

王氏江漁妻夫卒遺子甫六月撫之成立居恆勤女工動有禮則卒年八十三

蘇氏馬垣妻歸垣生二子而孀親督之學次子廷鈞爲諸生有聲庠序

季氏武倉妻歸倉三年寡遺腹生子既授室子媳並天復撫其孤孫苦節四十五年

蘇氏王睿妻守節四十年

董氏高元妻守節五十九年壽八十七

段氏王渤妻早孀躬勤養姑教子成學年八十四卒子三祝歲貢

丁氏薛堯輔妻守節六十五年

徐氏薛敏妻守節四十三年卒年七十一

田氏李本觀妻守節四十五年卒年七十四

蘇氏生員李體仁妻孀居持家慈幼動有禮則守節六十六年同治初壽終年九十二

郝氏武舉李棠妻以節壽爲鄉人所欽子世昌諸生

于氏龔鎰妻歸踰月鎰亡氏椎心泣血痛不欲生已念夫嗣未立請於姑以從子思漣爲嗣鞠誨備至及長爲授室曰亡夫墓

門有寒食矣卽死何憾旋卒年三十三

李氏姜光熊妻守節五十一年

申氏任濟妻守節五十四年

張氏郝正明繼妻守節五十年

劉氏高陵妻守節五十五年

張氏沈全妻守節四十年

王氏崔茂妻茂卒撫子大義大禮親授之讀督課甚嚴年七十

四卒大禮爲諸生有聲

蘇氏楊永茂妻守節二十四年卒年四十九

王氏李本升妻家貧饔飧時不給處之晏如及本升卒茹荼守

志歷五十七年。操行甚苦。

陳氏。蘇多勲繼妻。守節四十八年。

李氏。李鉅亨妻。夫卒。以鍼紉度日。子女悉賴以成立。

蘇氏。從九品銜李永齡妻。守節十七年。卒年四十五。

梁氏。周泰妻。守節踰五十年。訓子寅遊庠。

魏氏。李邁陵妻。家貧。早孀。資女工自給。撫育孤子。備歷艱辛。

樊氏。段庭妻。守節四十九年。

李氏。馬公旌妻。守節三十九年。

劉氏。馬定國繼妻。年笄。歸定國。鞠前室子女。恩如己出。及寡。躬課田植。持家甚有法度。

西晉書卷之三十一  
卷之三十一  
秦氏諸生王學恕妻歸學恕四年而寡家素豐常荆布如田家婦不聽絲竹不預坐筵年七十七卒終身溫惠雖臧獲未嘗有疾言厲色也子依仁利仁並諸生

楚氏增生王溥仁妻夫亡矢志事育課子昇暄並爲諸生卒年五十六

李氏姜兆祥妻守節四十八年

陳氏王日宣妻守節三十七年

李氏候選千總朱三衡妻三衡早卒育其孤寶徵成立事姑克盡婦職姑張氏道光中以節旌者再世貞操鄉人欽之

張氏陳允恭妻歸允恭生子而寡居二年子亦殤有諷以改節



者巖拒之。孀幃煢煢四十年。志不少渝。

賀氏。劉盛妻。盛卒。家壁立。傭紉守志。卒年七十。

薛氏。馬宿苑妻。年二十四喪夫。家貧。脫簪珥。營葬事。撫孤力耕以老。

季氏。庠生朱之赤妻。守節三十九年。

張氏。武生龐殿元妻。守節三十二年。

馬氏。李國棟妻。夫卒。遺腹生子。矢志鞠育。貧。次女工易食。雖嚴寒弗輟。十指並裂。年三十九病卒。

王氏。馬升恆妻。早孀。守志。歷四十年。孫迪泰諸生。

侯氏。苗之亮妻。守節二十九年。卒年五十七。

張氏安行妻年二十二喪夫守節十九年卒。

張氏庠生韓廉居妻守節十七年卒年四十五。

吳氏張獻書妻守節二十年卒年四十七。

張氏廩生張致中繼妻年十六歸致中前室遺子二皆幼鞠之

恩如己出及寡躬勤持家遣二子就學長矐為諸生有聲場屋。

卒年四十二。

以上四十九人並同治十年請旌已故節婦

劉氏高士選妻夫卒子美尚幼督課之克其家年八十四猶健。

守節已五十五年矣。

白氏周甲彥妻遭夫喪毀容守志踰五十年課子孫並有禮則。

年七十八

陳氏李純洲妻年二十六而寡甘貧守節歷五十二年。

趙氏李岡陵妻守節四十九年。

武氏增生王遂繼妻姑劉性嚴厲事之甚謹與遂並以孝聞生二子而遂卒年二十七矣辛勤守志幾五十載其長媳史氏前室子世隆繼室也復早孀與之同志年五十七孫梅甫遊庠而天媳馬氏亦守節三十載年五十一同堂三世白髮完貞人悲王氏之遇而又奇其至行之萃於一門也同治辛未縣令韓志超爲之請旌榜其廬曰世節。

劉氏溫守基妻守節四十四年子鐸諸生。

馬氏廩生毛翼如妻翼如教授他鄉以老母託氏奉之得歡心。

及翼如卒。課子鳴和鳴達。鳴元並食餼。年七十有四。

冀氏田繹妻。守節四十五年。年七十二。

馬氏李蔭蘭妻。守節四十五年。

郭氏侯賜忠妻。守節四十九年。

呂氏生員朱之青妻。守節四十四年。

李氏馬煥文妻。守節四十四年。年七十二。子克勤諸生。

孫氏劉廷玉妻。年七十一。守節歷四十五年。

趙氏龔鎔妻。鎔卒。撫其遺孤。善持家。處妯娌和順。終身無芥嫌。

年七十。孫曾林立。有遊庠者。

賀氏郭玉山妻。守節四十四年。

王氏張萬發妻守節四十三年。

孫氏趙繼禹妻歸繼禹二年而寡子德昌生甫四月矢志鞠育時祖舅姑猶在堂及孤四世以一孀媪爲倚重養生送死無少遺憾時年已七十。

郭氏李鑑亨妻守節四十二年。

武氏張萬全妻守節四十年年六十七。

宗氏王亨妻守節經三十九年子媳並亡復鞠其孤孫。

張氏郭志信妻守節三十九年年六十六。

全氏馬藻文妻守節四十二年。

申氏貢生蕭芳妻芳罹橫逆死氏痛絕復蘇踰年仇旣得乃設

夫主爲立嗣而泣告焉。哀動戚里。霜居三十五年。恆素服茹齋。雖親黨罕見其面。子國華諸生。

毛氏薛國楨妻。守節三十五年。以禮自閑。非祭埽不輕出戶。年六十一。

劉氏沈元妻。守節三十五年。年六十。

張氏薛玉麟繼妻。守節三十六年。

王氏劉恆業妻。守節三十二年。

李氏劉恆德妻。守節三十三年。

張氏韓玉麟妻。守節三十三年。

莘氏貢生王利仁繼妻。歸利仁生子而孀。前室遺一子。一視之。

守節三十三年未嘗輕出里門年五十九

李氏馬克泰妻夫亡誓節撫孤家窶甚藜藿時不飽志操愈堅年五十九

田氏劉吉繼妻嫁踰年吉卒前室遺子尙幼鞠如己出事舅姑以孝謹聞守節四十年

劉氏馬鹿妻家世農鹿卒時翁老子幼力耕舍旁田爲養者十餘載年五十八

宋氏于河妻守節三十年子生蓮諸生

薛氏張啟文妻守節三十年年五十六

朱氏從九品銜王應詢妻年二十而孀持身謹約不妄言笑子

俊父諸生前室出也撫之有恩義

田氏薛盤龍妻年五十四守節二十八年

王氏白洵妻守節三十一年

任氏郭世倫妻年五十守節二十二年

以上四十一人並同治十年請旌現存節婦

梁烈婦東城姚本儒妻咸豐丁巳本儒卒無子家鮮昆季氏誓以身殉鄰婦素與善力防之不得死及夫葬有期忽言笑如常防稍懈闖扉縊矣同治十年旌

陳烈婦增生趙伯宗妻同治初伯宗病卒晝夜哀泣水漿不入口八日死年二十八與梁同時請旌

任氏王俊妻守節四十四年家貧茹苦自勵撫子孫皆成立年



七十卒。

汪氏王濟仁妻年二十夫亡守節十三年卒。

李氏王學楨妻守節三十年卒年五十六。

薛氏劉蔚妻守節三十九年。

以上四人並現請旌已故節婦

章氏張藍玉妻守節五十年年七十四。

薛氏樊瑞妻年二十五夫卒遺孤三並撫之成立甘貧守節年

七十一。

王氏張盛妻年六十七守節四十年子德慧諸生。

史氏何亨妻年六十三守節三十七年子鳳桐諸生。

李氏諸生崔大智妻大智卒痛泣不已淚盡繼以血由是喪明。

守節三十三年子謙附貢教之甚有義方年六十一

鄧氏李國樾妻年五十七守節三十一年

幸氏李恆年繼妻歸恆年八載而孀矢志守節年五十三

李氏楚寶善妻年五十守節二十二年以上八人並現請旌現存節婦

陳氏貢生于萬邦妾年二十二遭萬邦喪遺腹生子之善時嫡

室已卒氏伶仃矢志以延一綫嗣卒年四十七

王氏諸生李增彥妻守節十一年課子鍾毓成學卒年三十九

郁氏田彩妻守節五十二年學使萬名青嘗旌其門年七十四

姚氏增生馬際唐妻年五十守節歷二十年

徐貞女縣民道階之妹也幼孤為兄所鞠年十七字薛天佑踰

年天佑卒。女聞訃，陰製衰經，請於兄將奔喪。兄不可，卽泣涕不食。日厭厭就斃。兄察其志難奪，乃告諸薛氏，迎歸之。卽柩前爲加笄焉。時舅姑衰老，無旁出，遂立從孫鼎臣爲嗣。事姑慈幼甚有儀則。居泥泉堡，堡人化之，羣稱薛賢人。道光四年卒，年六十一。學使王嘗匾旌其廬。

西甯新志卷之八終

西甯新志卷之九

風土志 附物產

陁嶺以北東西千里風俗土宜大抵相同論者謂地荒瘠多寒民朴鄙少文殆非虛也然值數百載兵革不興民氣樂和生殖大育則雖一邑已不能無今昔之異茲就所目見者陳之庶省方觀俗皆如親歷而有以因革損益班固言齊其本而易其末混一之於中和者其在斯乎

民其先多晉產故俗儉嗇地阻山河承明季用武後故人沈毅而好勝其士無專門之學帖括外鮮旁及然文風已優於通郡苦貧得一衿率輟業先年習尙武健故家大姓能挾持官吏短

長武斷鄉曲則羣相尊奉。今則多守分畏法。間有桀驁不馴者。衆排之矣。

家勤稼穡。雖城居必資於耕。而地磽薄。爲賦仍屯額之舊。輕重不均。故逋負爲常。歲小歉卽不免流徙。富民則多莊田。計村二百爲佃莊者幾三之一。其衣食率仰給於田主。不肖者或重利培克之。有終歲勤苦而妻子不能飽暖者。

地高風烈。恆苦旱。秋實時尤畏雹。歲歲有之。輕者一二村。重或數十里。初猶踏勘。其後吏憚駁詰。民苦煩擾。而道光以來遂無

以災異上聞者。

雹中虛者。俗謂爲官雹。中實者。俗謂爲私雹。云私雹者。蜥蜴所作也。案蜥蜴爲雹。見夷堅志。近

趙氏曝簷雜記。言甘肅多雨雹。每雹時。輒有蝦蟆千百飛入空中。噓叫口皆有卷。用鳥槍轟之。則散去。詢之西人。皆云然。蓋雹

本陰戾之氣所結故火攻  
可解惜縣人無試之者

凡建城之處井必苦由人煙輻湊久之而積穢下徹也獨西城  
土基絕堅泉不深而味甘列人家三五院必有井不贅甄石不  
施韓構工省而汲便近年城外亦有鑿以資灌溉者尙未能廣  
其利也

其交易以錢三十三爲一百謂之畫倍之謂之股積四股二畫  
爲一千緡之謂之弔合三緡得足錢一千而短陌者復三十有  
四凡宣郡所屬多同名曰宣錢

諸工藝人皆土著尙堅樸不務奇巧道光中西石始盛行用以  
飾煙筒及耳璫指彊之屬鼻煙壺近亦有之工匠常數百人多

自京師來有能就石紋碾爲人物花卉鳥獸形者然佳材不易得價亦大昂云

婦女不解績紡喜妝飾女子年十五以上假髻龐鬢妝束與婦無別也其婚娶尤早六禮有納采問名納徵請期而無親迎女家款婿絕敬合巹後必盛飾牀帳擇期雙雙而至同居旬日始返謂之回門歲時存省亦如之謂之並房

新喪之家主人衰經哭於城隍於五道神名報廟七日同族咸來贈奠名燒七葬之前夕復哭於廟親友各籠燭前導然松脂徧置路衢名送燈既葬三日子女哭奠於墓名圓墳皆俗儀也士大夫間有遵文公家禮者而樂猶沿習用之



大族多立宗祠。設祭田。春秋拜埽。惟謹。祭畢。聚族宴祠中。風爲最古。民庶或不能盡舉。而頗格外祀。奉龍神。極虔。村十餘。爨必建一祠。演戲獻牲。各有常期。入秋則絃管徹四境矣。至於酬神許愿。又無時無之。大抵士人佞佛。愚民信巫。

其節序最重。中秋月餅瓜果極盛。人家遞設筵宴相邀。盡月乃止。他如元夕張鐙。端午佩符。重九製花糕。臘八食豆粥。類皆行之。惟祀厲之夕。婦女傾城哭泣。日至之時。生徒垂簾飲博。殊爲可詫。然亦邊地所同也。

### 物產

五穀。麥爲嘉種。元宏州麥。禾。即粟也。今名穀。黍。去殼爲黃米。其

麩供內府。子。脫殼爲小米。不黏者曰糜子。

尤民食所需也。植最廣。號為大田。若豆。有黑豆、黃豆、豇豆、豌豆、扁豆、菜豆、梅豆、蠶豆。

若麻若秫。蜀秫即高粱也。玉蜀秫即包穀。胡麻、油麥、橫麥、蕎麥均視所宜。稻、梁

備而已。梁亦粟也。毛長而米精。瑩其穫頗寡。故不恒種。

穀之外佐食者惟芋。俗名圖。山藥。稗子、蒿子。一名莎米。以救飢。干稷穀。詩

之藿。赤者。白者。也。申為節。

菜有韭。大韭謂之孝文韭。魏孝文帝所種也。葉大味不如常韭。芥、葱、茄、蒜、芹。胡芹爾雅。牛蘄也。白

菜波、菘、蓴、菱、蘿、蔔、蔓菁、蒼蓬。俗名甜菜。牛肚菘。俗名回子白。玉蔓菁。一名菘根。

種最廣。人家備冬皆以此。其野生者有甜苣、苦苣、山葱。爾雅。茗也。葉不中空。地耳。一名地踏。

燕雨後生。蕈。處處有之。唐蔚州貢蕈。榆肉、榆樹所生。蕈也。或曰榆癭也。稱

珍產。最不易得。

西瓜以附城種者佳接李其實甚巨葡萄馬乳者尤肥美可切

食桃杏棠棠梨今蘋果柰一名林禽俗間種之榛子櫻桃羊桃

詩之莢楚酸劉劉子黃色附枝生纍纍如珠爾雅劉文官果俗名山

門寺樹有大皆產南山

木觀山多攙檀皮青梔桃山桃也南山多樺皮可貼弓

得土人殺工用之燒為炭可拭銅冶工用之茶有蒙山石華

佳土人不解製法樹多為樵收所夷其根純黃刺柏刺榆煖木

色削少許投火酒中色濃而味醞俗名酒藥六道木枝幹皆有直紋其松柏

皮灰色無大者以飾木葉可六道木六道界畫甚勻其松柏

刀及塵柄冬常溫木皆美材榆柳尤易生插之即活

花有芍藥觀山菊鳳仙俗名玫瑰月菊山丹卷丹即百粉團雞

百新

卷之二

風土

四

冠一種野生者花小而鮮紅苜蓿田中多有之金菊金盞金蓮蜀葵即戎葵戎蜀皆訓大俗名大淑

氣古烹食者俗錦葵名小淑氣向陽葵子有灰黑二種婦女喜食之石竹

牽牛紫荊夾竹桃蒿苣蓮蝴蝶花諸種

藥之屬有黃精遠志甘草柴胡赤芍蒼朮防風荆芥麻黃知母

黃芩升麻土人掘根食之名苦莊菜丹參木賊枸杞葶藶茵陳蜜蒙花金櫻

子夏枯草多產南山陳氏梅花點舌丹為外科聖藥京師所市者非其家手製不良

席箕述異記曰塞蘆也產北地古詩所云千里席箕草也河南

諸村最茂席箕曠席箕灘皆以名村而謠席為箬土人織為薄以圍粟又可為繩草之適用者蒲

葦之外惟此及龍鬚

西石出北山有紅筋綠筋羊肝紫英諸名海蜚色及兔面花最

廣無純赤者。其天然方平者為研石。箔金及濯錦用之。歲販往江南。

六畜皆常產也。禽有鵬。東園友聞云：北方凡阜鵬作窩，必令人窮。巢探卵多寡，若三枚及其出其，一則

狗與常狗無異，但耳上多羽毛，數莖耳。田獵之際，鵬則上飛，狗則陸行，所逐同至。曰鷹背狗。鷹段成式：肉攪部所載青斑

代都赤荆窩白，諸種皆生代北，今亦有之。半翅爾雅：寇雉，唐書謂之突厥雀，或曰即沙雞。石雞野雞皆出南山

水鴛蒼白色，即鸕鶿也。火燕赤黃色。鳩說文：義證，今人概呼鴿，非

化，今人用以關者，鶉也。雀有數種，胸赤者曰紅點，青者曰藍點，其善鳴者曰時辰子。獸有狐兔獾狼黃

鼠夜猴也之屬。



武事志

代上谷古稱用武國縣介其間邊患無代無之至前明而極  
敝我

朝休養生息歷年二百民不復知有兵革盛矣哉漢唐以來所  
未有也夫居安不忘危鑑古乃宜今旅客騷人過戰場登故  
壘猶且憑弔歔歔發其感慨矧在官斯土生斯地者乎備綴  
往事爲今幸且示後戒

漢建元六年遣騎將軍公孫敖出代失師而還公孫敖傳亡詔

曰問者匈奴數寇邊境故遣將撫師古者治兵振旅因遭虜之  
方入將吏新會上下未輯代郡將軍公孫敖雁門將軍廣所任

不肖校尉又背義妄行棄軍而北少吏犯禁用兵之法不勤不教將率之過也教令宣明不能盡力士卒之罪也將軍以下廷尉使理正之而又加法於士卒二者並行非仁聖之心朕閱衆庶陷害欲刷恥改行復奉正議厥路無繇其赦雁門代郡軍士不循法者

漢書武帝本紀

元朔三年夏匈奴數萬騎入代郡殺代郡太守共友略千餘人其明年又入代郡

武帝本紀匈奴傳

元朔五年秋匈奴萬騎入代郡殺都尉朱央略千餘人

武帝本紀匈奴傳

元狩四年夏將軍去病五萬騎出代與左賢王戰斬首虜七萬

匈奴傳



餘級武帝本紀

王莽始建國二年遣振武將軍王嘉將軍王萌出代郡轉衆郡

委輸天下騷動漢書王莽傳

莽欲擊匈奴興十二部軍使東域將嚴尤領烏桓丁令兵屯代

郡皆質其妻子於郡縣烏桓不便水土懼久屯不休數求謁去

莽不肯遣遂自亾畔還為抄盜而諸郡盡殺其質由是結怨於

莽匈奴因誘其豪帥以為吏後漢書烏桓傳

莽天鳳二年粟貴邊兵二十餘萬人仰衣食縣官愁苦代郡尤

被其毒起為盜賊數千人為羣轉入旁郡王莽傳

更始中代郡人石鮪閔堪各起兵自稱將軍後漢書盧芳傳

後漢建武六年代郡太守劉興擊盧芳將賈覽於高柳戰沒光武

帝紀

建武十五年徙代郡吏人置居庸關常山關以東時盧芳與匈

奴連兵寇盜尤數緣邊愁苦吳漢王霸傳

光武初烏桓與匈奴連兵為寇代郡以東尤被其害居止近塞

朝發穹廬暮至城郭至於郡縣損壞百姓流亡建武二十一年

遣伏波將軍馬援將三千騎出五岢關掩擊之注關在代郡案即五原關也地

理志代郡有常山關五原關常山關今黑石嶺在代郡南馬援傳言援出高柳則五岢關為高柳地無疑當即今陽高縣之陽

和口也在代郡北烏桓逆知悉相率逃走追斬百級而還烏桓復尾擊

援後援遂晨夜奔歸馬死者千餘匹烏桓傳

建武二十五年南單于稱臣二十六年詔聽單于入居塞內其

栗藉骨都侯屯代郡匈奴傳於是代上谷諸郡民歸於本土遣謁

者分將弛刑補理城郭光武帝紀案代郡自桑乾徙治高柳當在此時

建安二十三年鄢陵侯曹彰討代郡烏桓彰用田豫計固守要

隙田豫傳軍次易北虜伏騎擊之軍人擾亂豫因地形結圓陣弓弩持滿於內疑兵塞其隙虜散退彰追之

乘勝逐北至於桑乾去代二百里水經注引此文以證桑乾城案代謂高柳也建武末代郡徙治之盧芳所封之代王亦其地在今陽高縣稍西北去桑乾故縣正二百里若代縣則去桑乾止九十里不合也三國志注

及通鑑注長史諸將皆以新涉遠地士馬疲頓又受節制不得均失之

過代不可深進彰曰率師而行惟利所在何節制乎遁走未遠追之必破從令縱敵非良將也遂上馬令軍中後出者斬一日

夜相及大破之

三國志任城王彰傳

建安末代郡烏丸能臣氏等叛求屬扶羅韓扶羅韓將萬騎迎

之到桑乾氏等議以扶羅韓部威禁寬緩恐不見濟更遣人呼

軻比能比能即將萬餘騎到當共盟誓比能便於會殺扶羅韓

鮮卑傳

晉建興四年劉琨遣將軍姬澹

北魏書作箕澹

率衆十餘萬討石勒軍

大敗澹奔代郡十二月勒將軍孔萇追澹於桑乾攻代郡澹死

之晉書載記

北魏道武初劉庫仁西征庫翟部大獲畜產徙其部落置之桑

乾川

魏書太祖本紀兩晉中原史太元元年代王什翼健死秦主分代民爲二部自河以東屬劉庫仁

皇始元年三月慕容垂來寇桑乾川陳留公虔先鎮平城時徵兵未集率麾下邀擊失利死之太祖本紀

正光五年賊大俄佛保陷昌平郡京兆王黎傳

孝昌二年西部勅勒斛律洛陽反於桑乾與河西牧子通連別

將爾朱榮破洛陽於深井逐牧子於河西肅宗本紀爾朱榮傳

唐開元六年移蔚州橫野軍於山北屯兵三萬資治通鑑注

開元八年突厥降戶僕固都督勺磨及蹶跌部落散居受降城側朔方大使王峻言其陰引突厥密請誅之拔曳固同羅諸部在大同橫野軍之側者聞之皆訕懼天兵節度大使張說即其部落撫慰之拔曳固同羅由是遂安資治通鑑

天寶元年王忠嗣北伐與奚怒階戰於桑乾河三敗之大虜其

衆舊唐書王忠嗣傳

天寶三年王忠嗣城大同靜邊二城徙清塞橫野軍實之新唐書王忠嗣傳

忠嗣傳

上元初詔郭子儀為諸道兵馬都統率英武威遠及河西河東

鎮兵繇邠甯朔方大同橫野軍趨范陽郭子儀傳

景福元年八月赫連鐸誘幽州李匡之眾八萬寇天成軍乾元初徙

天成軍合遂攻雲州李克用潛軍入於雲州出軍擊之斬獲數

萬匡威燒營而遁舊五代史唐本紀

遼保大二年正月金人逼行宮帝率衛兵幸雲中遣傳國璽於

桑乾河

遼史本紀

金大安三年元兵南下居庸關失守德興府宏州皆歸於元

金史

衛紹王本紀

貞祐二年中都城圍田琢由間道往山西招集義勇琢與宏州刺史魏用有隙琢自飛狐還用伏甲於路將邀而殺之琢知其謀自別道入安定用入蔚州殺觀察判官李宜錄事判官馬士成永興縣令張福劫府庫倉廩以兵攻琢於安定琢與戰敗之用脫身走易州刺史蒲察縛送中都元帥府殺之琢至蔚州誅與用同惡數人遣沈思忠招宏州蔚州百姓得五萬餘人可充軍者萬五千人分屯諸隘皆願得思忠爲將詔加思忠順天軍

節度副使提控宏蔚州軍馬官楫副之田琢傳

貞祐四年三月完顏伯嘉奏西京副統程琢以私財募養壯士

二萬復取渾源白登已命駐於宏州矣臣恐失機會輒擬琢昭

勇大將軍同知西京留守事兼領一路義軍給以空名勅二十

道許擇有謀略者充州縣制可完顏伯嘉傳

明正統十四年也先脫脫不花燒紫荊關入犯帝在軍中軍退

十月十九日到蔚州二十一日駐順聖川二十四日北行北征事蹟

景泰元年正月瓦剌騎數千自順聖川入營沙窩大同總兵郭

登躡之大破其衆追至拷栳山明史郭登傳

成化十九年七月小王子犯大同入順聖川大掠總兵周玉將



二千騎前行巡撫秦紘兵繼進至白腰山擊敗之都指揮孫成

亦敗寇七馬房未幾寇復入玉伏兵敗之周玉傳五邊典則

總兵周玉奏八月十一日敵騎二千餘深入順聖川等境分路抄掠臣會大同土馬

合擊之分守監丞石巖參將劉甯引兵駐古城溝臣等兵四百

駐安定營分遣指揮丁銘等領兵七百駐大柳樹李雄等領兵

五百駐漫流堡都廣等領兵四百駐東井疇時李雄等與敵五

十騎戰於趙石廠明日都廣等敗其二百餘騎於五分岔口又明

日敵眾千餘自南驅所掠頭畜而北遣丁銘等督兵與戰陣數

合俄有數騎自山而下衝陣我軍舉礮伏兵齊發生擒五人斬首五十級奪獲馬羸六十九

宏治十三年五月寇自大同陽和入南至順聖川五邊典則秋由萬

全右衛入大掠順聖東西川參將李貴率千餘人禦之畏敵不

敢戰事聞罷貴任宣鎮志

正德九年六月北部由野狐嶺入寇順聖東西城秋復由膳房

堡入掠鎮城南至蔚州由順聖川出遊擊張勛倪鎮率兵往禦

戰敗死之東城守備田琦西城守備廉彪皆戰死宣鎮志張勛傳勛率兵

至千家營猝遇寇六七萬力戰寇少却俄復擁眾攻圍力屈而死

正德十一年十月癸卯帝駐蹕順聖川甲辰小王子犯陽和掠

應州親督諸軍禦之明史本紀

嘉靖十九年秋俺答諸部大舉入宣府過順聖抵蔚州兵志

嘉靖二十三年十月俺答寇膳房堡於萬全右衛毀牆入由順

聖川至蔚州翟鵬傳

嘉靖三十二年寇五六萬由張家口入過懷安抵順聖東西城

南及蔚廣殺掠甚眾宣鎮志

嘉靖三十八年八月敵寇順聖東西川抵蔚州攻破城堡十數

殺掠數萬計鎮兵皆避不敢擊

宣鎮志

明楊巍經順聖川詩

鄰絕漠日日閉孤城戎馬千年地江  
湖萬里情不勝征戰後極目一霑纓

西甯新志卷之九終

西甯新志卷之十

藝文志

縣文學以金元爲盛。李屏山奇才挺出，世號龍門。王魏諸公輝映後先，郁郁乎彬彬布矣。顧其書多不傳，幸有存者，或藏於中祕，非末學所得讀。厥後作者日希，間有留意古學，究其所詣，實未能方軌前賢。要亦徵文考獻所必及也。名流僑寓，追景芳躅，苟有所述，又不可聽其湮沒也。亦附著其目云。

中庸集解 金李純甫撰

六經略注 北魏河內常爽撰

魏書常爽傳：爽置館溫水之右，因教授之暇，述六經略注，其

序曰傳稱立天之道曰陰與陽立地之道曰柔與剛立人之道曰仁與義然則仁義者人之性也經典者身之文也皆以陶鑄神情啟悟耳目未有不由學而能成其器不由習而能利其業是故季路勇士也服道以成忠烈之概甯越庸夫也講藝以全高尚之節蓋所由者習也所因者本也本立而道生身文而德備焉昔者先王之訓天下也莫不導以詩書教以禮樂移其風俗和其民人故恭儉莊敬而不煩者教深於禮也廣博易良而不奢者教深於樂也溫柔敦厚而不愚者教深於詩也疏通知遠而不誣者教深於書也潔靜精微而不賊者教深於易也屬辭比事而不亂者教深於春秋也夫

樂以和神詩以正言禮以明體書以廣聽春秋以斷事五者  
蓋五常之道相須而備而易爲之源故曰易不可見則乾坤  
其幾乎息矣由是言之六經者先王之遺烈聖人之盛事也  
安可不游心寓目習性文身哉頃因暇日屬意藝林略撰所  
聞討論其本名曰六經略注以訓門徒焉

右經類二家並佚

政要書十二篇元王元甫撰

西甯縣志八卷知縣何芬撰知縣張充國續撰

何原藁無存其序曰志以記地古而有之西甯何獨闕然僉  
曰前此衛也而非邑西東兩城城置一弁壤地訖數十里庠

序不立。拾芹者寄籍別衛境內名勝絕少。騷人詞伯未嘗至。止官斯土者。詰爾戎兵。峙爾芻蕘。旁午而不暇及此也。雖然。春秋魯志也。一時所載齊楚晉衛。下逮邾莒郟防。細大必書。凡有專司之地。卽有各子之民。城郭廬舍。廟社禋壇。土風物產。罔有不具。豈其陟山必太華之高乎。豈其濟川必黃河之大且深乎。四郊之中。一卉木之細。一蟲鳥之微。皆可以貢包。甌而名方物。何莫非其可志者。而況涿鹿之野。黃帝徂征。恆山之域。禹迹所淹。去此皆不百里。宏州順聖輿圖。水經記載。鑿鑿又烏容闕略而無聞也哉。改設郡縣以來。旣歷一紀。邑有令令有倅矣。鄉有校校有博士。博士有弟子矣。兩衛各隸。



一版煙火萬家耕鑿絃誦雞犬四達倉庾所貯十萬有奇無事則謹儲備師行則供軍旅桑乾之水東爲盧溝襟

皇都而入東海地之所產爲糜爲芑視西河雁門爲尤美豈猶是晉唐以來山後淪胥草昧未啟之時乎芬自承乏斯土每於公暇登山弔古遺迹無存中心銜之居無何會公公金先生千里郵書諄諄以志乘爲闕典予未有報也乙酉同鄉林子大林由燕邸存子相對久之屬以脫稿大林欣然握槩旁搜博摭每成一帙相與參互考訂其中每多闕疑罔所徵據亦惟是草創以待後之賢者耳至於山之蒿礎歲一收而不足水之激湍民病涉而莫措歲歉民貧流離難集以暨故老之

好善而樂施。閭閻之守貞而完節者。周諮延訪。每懷靡及。四境之內。一有不知。守土之責未遑也。然而前賢往事。宏篇鉅策。掛一而漏萬。則文獻之不足。非余罪也。後有左太沖。張茂先其人者。踵而增之。斯邑之幸也。予其有厚望也夫。

案何志成於康熙四十六年。張志成於五十一年。其藁出於黃州林盛盛。又本之宣鎮志。今輯新志。援據既與之別。故所採寥寥。而故老言行。諸家詩文。有格於體例。不能盡入者。仍賴其書以存錄。此序以見源委。其張序純爲駢體。不錄。

李氏家譜十二卷。宣化胡以溫撰。

案邑中舊族。揣骨瞳李氏最著。以溫卽續宣鎮志者。嘗王其

家爲作此譜其發凡起例尙有可觀仿隋書經籍志錄私家譜系例存之

右史類三家政要書佚

老子解金李純甫撰

莊子解金李純甫撰

鳴道集解金李純甫撰

元好問中州集曰純甫於書無所不闕而於莊周列禦寇左氏戰國策爲尤長文亦略能似之三十歲後徧觀佛書能悉其精微旣而取道學書讀之著一書合三家爲一就伊川橫渠晦菴諸人所得者而商略之毫髮不相貸且恨不同時與

相詰難也。蓋卽此書。

金剛經別解。金李純甫撰。

元耶律楚材序曰。佛法之西來也。二千餘祀。寶藏琅函。幾盈萬軸。可謂廣大悉備矣。獨金剛一經。或明眼禪客。若脫白沙。彌上至學士大夫。下及野夫田婦。里巷兒女子曹。無不誦者。以頻見如聞。姑置而不問者有之。噫。信其小而不信其大。信其近而不信其遠。信其所聞而不信其所未聞。信其所見而不信其所未見。自是而非他。執一而廢百者。比比然。又何訝焉。偉哉。屏山居士。取儒道兩家之書。會運裝二師之論。牽引雜說。錯綜諸經。著爲別解一編。莫不融理事之門。合性相之

義析六如之生滅剖四相之鍵關。謂真空不空透無得之得。序圓頓而有據。識宗說之相須。辨因緣自然。喻以明珠論諸佛衆生。譬之圓鏡。若出聖人之口。冥契吾佛之心。可謂天下之奇才矣。嘻。此書之行於世也。何止化書生之學佛者。偏見衲僧。無因外道。皆可發藥矣。昔予與屏山同爲省掾時。同僚譏此書以爲餅餌餽餽之具。予尙未染指於佛書。亦少惑焉。今熟繹之。自非精於三聖人之學者。敢措一辭於此書乎。吁。小人之言。誠可畏哉。乙未元日。湛然居士漆水移刺楚才晉卿序於大磧黃石山。

圖錄真經

隋書經籍志冠謙之遇神人李譜文云是老君元孫授其圖  
籙真經劾召百神六十餘卷太武始光之初奉其書而獻之  
云云詳見雜志

右子類五家並佚

遜齋詩集金王元節撰

中州集存青冢一絕與党世傑軍判丁亭會飲一絕古鎮道  
中七律一首

風露集金劉震亨撰

屏山內藁外藁金李純甫撰

劉祁歸潛志曰屏山晚自類其文凡論性理及關佛老二家

者號內藁其餘應物文字如碑誌詩賦號外藁蓋擬莊子內  
外篇又曰明昌承安間作詩者尙尖新好浮豔語南渡後文  
風一變文多學奇古詩多學風雅由趙間閒李屏山倡之屏  
山幼無師傳爲文下筆便喜左氏莊周故能一掃遼宋餘習  
又曰李屏山教後學爲文欲自成一家每曰當別轉一路勿  
隨人腳跟故多喜奇怪然其文不出莊左柳蘇詩不出盧仝  
李賀晚甚愛楊萬里詩曰活撥刺底人難及也案屏山文中  
州集引其劉西巖詩序一篇題古仙人辭後一篇及故人不  
傳數篇詩存古近體二十九首又題田器之燕子圖一首附  
見龐鑄詩中又說嵩載其文有面壁菴記一篇

玉峰遺藁 金魏璠撰

蘇天爵元文類存燕城書事七律一首案元好問輓璠詩有云祇緣大事存遺藁重爲斯文惜王盟是在當時實負重名者不應中州集反遺之然陵川郝經言好問編中州集一百卷而今集僅十卷則闕佚者固多也

青崖集五卷 元魏初撰

四庫全書提要曰焦竑經籍志載魏初青崖集十卷文淵閣書目亦載魏太初青崖文集一部七冊是明初原集尙存其後乃漸就亡佚今從永樂大典所載詩文搜輯裒綴釐爲五卷猶可見其崖略史稱初好讀書尤長春秋爲文簡而有法而



集中所記。自稱與姜或同辱遺山先生教誨。又稱先生入燕。初朝夕奉杖履。是其學本出元好問。具有淵源。故所作皆格律堅蒼。不失先民軌範。又其在世祖時。始以經史進讀。旋歷諫職。遇事敢言。於開國規模。多所裨益。集中奏議一門。皆詳識歲月。分條臚列。中如請定法令。請肅朝儀。請免括大興民兵。請御史按察司歲舉一人。自代諸議。元史皆採入本傳。他如請緩椿配鹽貨。請禁刁蹬客來。請優護儒戶。請旌鄭江死節。請修孟子廟。請和僱工匠。請罷河南僉軍諸議。史所未載者。類皆當時要務。切中事情。今幸遺集僅存。猶足以補史闕。固不徒以文章貴矣。

元甫詩一卷元王元甫撰

元甫元節之四世孫馬祖常撰碣銘失其名碣銘又載元甫有陶詩注三卷

伊濱集二十四卷元王沂撰

四庫全書提要曰沂字思魯先世雲中人

案當云宏州人馬祖常文言王氏出姬姓

秦滅魏子孫徙居雲中地今之宏州

父元甫官至承事郎監黃池稅務馬祖常

石田集有所作元甫墓碣銘敘其世家甚詳而沂始末不概

見今以集中所自述與他書參考之尙可得其大略據馬祖

常碣銘稱與沂同榜則當為延祐初進士據集中送李縣令

序則嘗為臨淮縣尹據義應侯廟記稱延祐四年佐郡伊陽

考地理志伊陽在嵩州則嘗爲嵩州同知又詩中有綸巾羽服卧伊濱之句則集名伊濱亦起於此據祀南鎮北嶽諸記則至順三年嘗爲國史院編修官據送翟生序及胡節母詩序諸篇則元統三年嘗在國子學爲博士據送余闕序稱元統初佐考試見闕對策云云則嘗入試院同考而余闕實爲所得士據祀西鎮志御書跋諸篇則至元六年嘗爲翰林侍制待詔宣文閣又宋遼金三史成於至正五年而書前列修史諸臣有總裁官中大夫禮部尙書王沂之名則是時已位至列卿其後轉遷遂不可考疑卽致仕以去然集中有壬寅紀異詩有壬寅仲春天雨雹南平城中盡驚愕自從兵革十

年來頡洞風塵橫沙漠之句

大同府志南平城卽新平城北魏所建今山陰縣地元地理志

南平縣屬延平府案以風塵沙漠句言之似在大同以寓居避兵諸地言之則當在閩特未見全集志人物姑以其北人屬北文鄰寇逼境倉皇南渡詩有鄰邑舉烽燧長驅寇南平中

宵始聞警挈家速遠行之句又有寓吉安林塘避桃林兵警

詩壬寅爲至正二十二年正中原盜起之時距沂登第已五

十載尙轉側兵戈間計其年亦當過七十矣沂歷躋館閣多

居文字之職廟堂著作多出其手與傅若金許有壬周伯琦

陳旅等多相唱和故所作詩春容和雅有先正軌度惜其名

不甚著集亦絕妙流傳選錄元詩者并不能舉其名氏今從

永樂大典中裒掇編次釐爲二十四卷庶梗概尙具不致遂

就湮沒焉。

蒲署閒吟 亢朝宸撰

有前後兩集。舊志存高是山楊姑洞五古二首。

悼荆紀略一卷。

此書李浚李濬爲其弟溥而作。前有魏象樞序。後有劉樞張玉書葉方藹王士禎宋準繆彤田雯趙吉士諸人題詩。凡六十二首。魏序曰。蔚去西宏百里許。雖分隸燕晉。僅隔桑乾一水耳。其訂金蘭通世好者。比比而是。蓋以兩地風土人情。原不相遠。故樂於相親也。李氏素爲西宏望族。其先世有隱德。培蓄甚厚。一傳再傳。愈積愈深。子姓之蕃滋。如雲蒸霞起。而

不可遏也。人物之英偉如麟，遊鳳翥而不可狎也。家庭之孝友如玉潤珠輝而不可掩也。余心重之久矣。近有李宏基字裕修者，持其祖盛明公行實，就余言曰：某幼而喪父，不逮事先祖，追思前緒，繩武莫由。一日從斷簡殘編中，檢得兩伯祖悼荆紀略一書，且悲且喜，如獲拱璧。及問厥顛末，正陽伯父曰：是我幼年代書也。晉陽叔父又曰：今日得此，奚啻壁書冢竹耶。宜梓而傳之。某唯唯，敢請於先生，以絲羅姻婭之宗，兼文章道誼之雅，忍靳一言表章乎。余不敏，誼不能辭。竊聞東川別駕公，生丈夫子四人，盛明其季也。少有文名，屢困場屋。貌魁梧，美髭髯，議論風生，慷慨好義，鄉人德之。事母尤至孝。

人無間言其詳已見法黃石胡東甌兩先生傳中余友雲門氏又表其墓勒諸石長安諸君子且有聞其風而贈以言者詩律歌行凡若干首盛明可以不朽矣余因是有感於宣明文明兩公悼弟之深情與裕修述祖之純念也夫溫公之白首姜公之大被千古傳爲美談今讀紀略數則俾盛明之眉鬚如見警咳如聞亦何異於白首不易而大被重新乎兩公之用心可謂至矣裕修以熒熒孤積誠所動忽若有啟其衷而告之者昔馬璘讀祖馬援傳輒慨然曰使吾祖勲業墜地下乎異日裕修奮步成均坐看石鼓由壁水而達天池未可量也邱文莊云在生雖不遇後嗣必有聞則李氏祖德之

光大不有厚幸哉。雖然凡今之人誰無兄弟誰非子孫使後之讀是集者興水原木本之思篤同氣連枝之愛友恭慈孝一道同風便成雍熙世界余又不獨爲李氏一門幸矣。

風木聲一卷李恆煥撰

魏象樞序曰李子晉陽英年美質在宏州稱佳士云平日雅有稽古勵俗之志往往於家庭間事不遺餘力焉曩因其尊人蚤逝方哀毀中出所輯實蹟一帙按年紀事大小悉存孝子用心頗云周摯余讀而序之表其書以風當世矣近又覽晉陽五七言近體詩若干首大抵因風木而作也夫孝子之於親終身焉耳遇生辰令節如見如聞悲感之聲尤不容已。



迨至登山臨水問月看花之處以及兄弟友朋論文對客之時曰某某是吾親之所居也某某是吾親之所遊也某某是吾親之所敬而執樂而與也抱之爲情抒之爲言或不自知其爲詩卽知其爲詩而工拙得失俱不暇計晉陽風木之詩有自來乎嗚呼詩之爲教也孔子謂一言蔽之而歸於思無邪晉陽之思其親而不忘是得詩之正旨者也若夫立身行道以光顯家庭孝子之爲思也無盡晉陽當知自處焉勿負余再序之意

卷瀾集三卷金滄陽曹珏撰

中州集存白髮感懷七律一首

此遠堂集黃州林盛撰

舊志存順聖川辨晉王山與廟辨二篇八角并七古一首九  
日西郊感賦西甯道中窰子五律三首

右集類十二家青崖集伊濱集悼荆紀略風木聲四書存  
餘並佚

雜志

雜志體雖小說而連狝及之或有闕掌故或足資談助要亦史家之支流也唐封氏聞見記於地理人物後益以雜事近世志州縣者多仿之凡文見故籍而無類可列者悉以附入特著述家罕言代北邊地又得書不易搜羅所及恨未能盡備也

傳國璽毀於後唐石晉別刻以貽契丹金滅遼延禧遺於桑乾河元世祖時有札刺爾氏者漁於桑乾之濱得之夜有光御史楊桓辨其文以爲歷代傳國璽椒邱集御史中丞崔彧上之徽仁裕聖皇后手授成宗即帝位元史本紀順帝攜之北遁沙漠及崔彧傳

國朝天聰八年討察爾罕其近侍以璽倉卒坎地而葬之兵既退有童豎牧羊其地一羊屢至坎所蹄之不已驅而復來牧覺有異試發土則璽在焉聞於官遂進上居易錄聖武記曰天聰九

年明崇禎八年得傳國璽於元小王子裔插漢部即察爾罕元嫡裔也於是蒙

古四十九貝勒及土默特兩旗合上尊號改元崇德為我

大清受命之始案或為順聖人而璽得之桑乾此邑中一故實也因考各書備詳之

黃安代郡人也為代郡卒云卑猥不獲處人間執鞭推荆讀書

畫地以記數一夕地成池時人謂安舌耕年可八十餘彊視若

童子常服朱砂舉體皆赤冬不著衣坐一龜廣長三尺時人問

此龜有幾年矣曰昔伏羲始造網罟得此龜以授吾其龜背已

平矣。此蟲畏日之光。二千年則一出頭。我坐此蟲已五出頭矣。行則負龜而趨。世人謂安萬歲矣。

漢武洞冥記

李譜文自云老君之元孫。昔居代郡桑乾。以漢武之世得道爲牧土官主。領治三十六土人鬼之政。奉常八年十月戊戌來臨嵩岳。授道士寇謙之文錄六十餘卷。號曰圖籙真經。別授銷鍊金丹雲英八石玉漿之法。皆有訣要。上師李君手筆有數篇。其餘皆真正書。曹趙道覆所書。古文鳥迹。篆隸雜體。詞義約辨。婉而成章。始光初奉其書獻之。世祖乃令謙之止於張曜之所。崔浩異其言。因師事之。受其法術。上疏贊明其事。於是崇奉天師。顯揚新法。宣布天下。道業大行。

魏書釋老志

天賜末尙書左丞賈彝詣温湯療疾爲叛人所掠送於姚興魏書

列傳

幽州大同橫野軍有鹽屯每屯有丁有兵歲得鹽二千八百斛

下者五百斛唐書食貨志

橫野軍管兵七千八百人馬一千八百匹開元中河東公張嘉

貞移置西南去理所九百餘里元和郡縣志案志誤以雁門去太原爲五百里故羸於今

開元十二年遣使天下候影南距林邑北距橫野中得浚儀之

嶽臺應南北弦居地之中五代史司天考

宏州永甯縣丁二萬順聖縣丁六千遼史兵衛志

李屏山雅喜獎薦後進每得一人詩文有可稱必延譽於人趙

閒閒嘗云被之純壤卻後進然屏山在世一時才士皆趨向之

至於趙所成立者甚少至今士論歸屏山也

歸潛志

張伯玉穀許州人美風姿髯齊於腹爲人豪邁不羈從屏山游

有詩云日日飲燕市人人識張鬚西山晚來好飲酒不下驢又

云昨日上高樓西山翡翠堆今日上高樓西山如死灰想見屏

山老療饑西山隈餐盡西山色高樓空崔嵬

同上

宋翰林九嘉性不喜佛雖從屏山游嘗與爭辨在關中時因楊

煥然赴舉書與屏山薦之曰煥然佳士往見吾兄慎無以佛老

嫚之也屏山持之示交游以爲笑

同上

馬天來爲史院編修官通太元數又善繪畫當屏山歿爲寫真

且題以贊皆怪語末曰若到黃泉見魯仲連蘭相如道余傳示

同上。案天來字元章太原人屏山嘗言天下辨士有三王仲澤馬元章純甫其一也見中州集。

屏山歿劉翰林祖謙以文祭有曰鳳不足以言瑞龜不足以效

靈吾視之其猶龍也諸公稱之。同上。

愚讀李屏山詠史詩詠五代郭周云不負先君持節死舉朝惟

有一韓通蓋嘗驚哀此詩命意宋自建隆以來名士大夫議論

篇什不為不多未嘗一語及此。謝端遼宋金正統辨

夾谷士刺既北歸時貴有謁見者勅外白不得通曰我亡國之

大夫耳尚何言哉惟渾源魏內翰邦彥以簡重得登其門與之

考論文藝。遺山集案內翰即魏璠元史載金亡璠北還鄉里而麻革游龍山記稱赴試武川歸道渾水修謁於玉



峰魏先生公野服蕭然見余於前軒云云遺山游龍山詩有玉峰有佳招絕唱須一酬爲君探囊擲下珊瑚鉤之句則其時璠實居渾源故金史武仙傳遺山文集率稱渾源人而州志既不知玉峰卽璠大同府志始據武仙傳以璠爲渾產并其孫初入之是又未見姚燧甄官墓碣銘昧其家世矣

魏邦彥之夫人目翳暴生從下而上其色綠痛不可忍明之云翳從下而上病從陽明來也綠非五色之正殆肺與腎合而爲病耶乃就畫工家以墨調膩粉合而成色諦視之曰與翳同色矣肺腎爲病無疑矣乃瀉肺腎之邪而以入陽明之藥爲之使既效矣而他日病復作者三其所從來之經與翳色各異乃復以意消息之曰諸脈皆屬於目脈病則目從之此必經絡不調經不調則其目病未已也問之果然因如所論而治之疾遂不

作李東垣傷寒會要序

天德中王元德赴試上京暇日暨儕輩會飲於野鳴蛙聒耳元德起酌酒而呪曰吾有前程則蛙不鳴應聲而息衆曰驗當復鳴又叱之果復鼓吹是年遂登第

墓誌

渾源城北五里有律呂神祠相傳金泰和元年六月望日宏州人張珪晚憩石上有神人空中言曰律呂律呂上天勅汝是月二十五日行硬雨語畢騰空而去珪至家徧語鄰村人使速收麥未及收者輒傷事聞朝廷遣使致祭

渾源州志

元國子學蛇兒年碑左方列宣授蒙古必閣赤四牌子總教馮志亨宣授金牌提舉國子學事中書楊惟中御前宣議國子學

事仙孔八合識李志常三人銜名所謂八合識譯言師傅也必

闍赤譯言書生也惟中即楊文肅公元史本傳從事征行勞烈

甚著餘皆黃冠師當時制尚純質混儒道二者為一不復異別

有合於易老同用之旨潛溪集牧菴集姚文獻公神道碑太宗詔學士十八人即長春宮教之俾楊

中書惟中監督惟中始板四書行世云云

鎮海怯烈台氏從太祖定漢地太宗既平金以攻蔡州功賜恩

州一千戶先是收天下童男童女及工匠置局宏州既而得西

域織金綺紋工三百餘戶及汴京織毛褐工三百戶皆分隸宏

州命鎮海世掌焉元史鎮海傳

中統二年三月徙宏州錦工繡女於京師本紀

至元二十四年七月宏州匠官以大兔毛製如西錦者以獻授

匠官知宏州同上

元宏州人匠提舉司提舉一員同提舉一員副提舉一員照略

案牘一員又納失失毛段二局院長一員百官志案元宏州

舉瑪瑙提舉等已見前篇者不復錄

永樂中以順聖川至桑乾河百三十餘里水草美令以太僕千

騎令懷來衛卒百人分牧後增至萬二千匹宣德初復置九馬

坊於保安州史誤辨詳古蹟於是兵部奏馬犬蕃息以色別而名之其

毛色二十五等其種三百六十其後莊田日增草場日削軍民

皆困於孳養明史兵志

嘉靖中御史徐汝圭請補選游兵於順聖西城為臨期應援時

未能行。同上

南路參將駐西城分戍城堡七。順聖西城順聖東城蔚州城廣昌所城深井堡黑石嶺鴛鴦站

嘉靖中增桃花堡鴛鴦站廢本路存籍官軍總六千二百一十員名。宏治實

有官軍五千六百一十六員名新增官軍九百二十六員名嘉

靖四十五年後至萬曆十八年存官軍四千六百三十三員名

原額操馬三千八十二匹嘉靖三十七年存馬羸九百六十匹

頭。西城牧地一在大峪溝一在桑乾河各一百五十頭東城牧地一在千家營三十頭一在興甯口四十頭萬曆中

存馬駝一千八百二十五匹隻驛羸三百九十二頭。宣鎮志

僻絡雙樹村民為妖所憑得幻術某年元夕忽謂其婦弟某曰

聞維揚燈大佳。試遊之可乎。乃呪簷下草繩如馬狀。各跨其一。騰空至揚州。時市燈方盛。絡繫馬一逆旅中。往遊街市。逆旅主人偶棄盂水。濺及馬。馬忽成繩。乃成大驚。俄而城中大風起。燈盡撲滅。守官備非常。獲其婦弟。詰之。其人如夢寐。因道其故。官爲傳致歸里。徧索絡不得。自此遂莫知所終。或謂其祖塋在蟠崖寺南。致此妖異。實塋之故。官爲上於朝。遷焉。遷之日。見壙內有蘆葦根。悉成人馬狀。刈之。紅汁如血。淋漓土間。今其穴痕尙在。邑人李璞玉曰。此陰陽乖沴之氣。誕此幻人。非可以常理測者。蓋前明成化間事也。府志

南門城樓上有沒耳鐘。不知鑄自何時。其聲較凡鐘更響。每晨

夕聲徹四郊。故南樓曉鐘。舊爲十二景之一。今失所在。舊志案八景

十景之名始於宋濂觴於明久爲通人所譏故山川志並削之今附記其名於此曰郭西綠浪曰天馬行雲曰黃巖幽澗曰柳溝古刹曰溫泉午浴曰天門聳翠曰上觀仙橋曰桑乾古渡其柳溝寺在南山爲廣靈縣地有元至正年石幢出縣境幾二十里不知舊志何以闕入也。

清虛觀芍藥開徑尺餘顏色妍麗人不敢折折之輒生災。舊志

村俗信巫士人僻某卧病巫師鼓聲震耳舉家匍伏某不勝煩

懣下牀投井死及巫去往牀間問病人不見徧索得之并其愚

如此。同上

李金山名珏明季以資起家好施給世稱李善人及卒將葬值大風道經于氏田樞忽重不可舉田中沙土墳湧若有物相觸

者坎之得一甄有李金山字衆駭曰天也奔告於于氏遂讓地而薨焉墓在所居揣骨瞳東二里今俗猶傳天葬李金山其甄大尺餘字畫陰識欹斜入古子孫以金塗之故俗又傳李氏金

甄云採訪事實

李天章嘉慶初歲貢嘗夜行猝仆魂為冥司所攝主者審其誤慰遣之出遇役某舊識也驚曰李先生胡至此為送之歸聞哭聲忽甦死已經宿矣言冥司事厯厯記其殿榜曰衡平柱鐫二語云善惡兩途歸結地陰陽一理至公天遂書而揭諸城隍神

祠同上

余居西甯輯新志十卷其義法門目多本之通志府志間有難



合乃徵他書非所自創也。故卷首不標舉凡例，事增於舊志者十九。體亦大異，兩書並行，各從所據，非與爭名也。故篇中不條加辨駁，紀述之文攬摭是務，有所論著，間爲附益。余未知其詳略得宜，去取得當否也。要於體裁或不甚相戾。編始辛未初冬，閱二年，乃授梓。苴漏訂譌，藁凡再易。卒恨學殖淺陋，無能鎔鑄古今，成一家言。上追作者，然以徵舊邦之文獻，備縣官之掌故，亦庶乎其可矣。癸酉閏月，河東楊篤秋湄書於宏州書院。

西甯縣新志創舉于鶴雲韓公承修于漢橋張公未及半二公相率卸任去事將中止余以志乘乃一邑人物所繫文獻所徵且親見楊秋湄先生考查詳晰博古通今一簣之虧未免可惜亟較訂成書愆戾就梓而捐資告匱續莫因籌因與范啟伯廣文首先創率並呈明縣尹寅公王公斯邑紳士亦樂于有成續金襄助書成因述顛末于後以誌諸君子之勇躍輸公克臧厥事云爾

同治甲戌冬吳江王德培跋

西甯新志卷之十終



西甯新志

捐資助刊姓氏

教諭范先敘捐銀三十兩

典史王德培捐銀二十四兩

瑞骨 瞳 李緝文合族捐銀一百兩

職員井元成捐銀六十兩

監生張 芝蘭 捐銀六十兩

監生 虞生王 錫鈺 捐銀三十五兩

東城王欽褒合族捐銀二十四兩

張建中捐銀三十兩

職員朱寶徵捐銀十七兩

都司朱寶忠捐銀十六兩

朱聯奎捐銀十七兩

附生趙渭清合族捐銀十兩

文生田種玉捐銀伍兩

文生蕭國興捐銀伍兩

宏州書院各捐銀拾兩

署知縣王蘭芬捐銀四十兩

監生焦萬鎰捐銀五兩

西甯新志終

西甯縣志跋

邑先爲衛本無志康熙三十二年改置縣官閱十餘年而知縣事何君芬張君充國等始纂成之事爲創始闕略所不免迄今又百餘年矣其間陵谷之變遷風俗之移易制度之沿革戶口之減增以及忠孝節烈學士文人之輩之足書者代不乏人急宜訂脩以昭信守同治十一年張君爲章宰斯邑適省會設局纂修

畿輔通志乃聘楊君篤取文獻之信而足徵者刪定增纂以爲新志甚盛典也未蕝事張君以八月遷任去幸少尉王君德培明經田君澍力維大局集邑紳而捐資附刊時余同年友中翰

李君增光方供職京師復爲之校定而董理之以手民索價急費又不攸幾中止矣十三年夏余甫下車王君亟請于余余惟邑之有志猶家之有乘

國之有史也苟聽其敗於垂成後有作者將何從而資其考証急爲捐廉以贊成其事局紳都戒朱君寶忠明經王君錫等亦慨然相助又閱十月而書遂成余不欲沒王君等急公之心及朱君等好義之志也爰爲書此以綴于編末

皆維

光緒元年三月朔越三日卽補州署知縣事金壇王蘭芬謹識

## 中國方志叢書

## 一、華南地方

						美金
1	廣東省	廣州府志	一六三卷	清·瑞麟戴肇辰等修史澄等纂	清光緒五年刊本	三冊 32.00
2	"	韶州府志	四十卷	清·林述訓等修單興詩歐樾華等纂	清同治十三年刊本	全 10.00
3	"	惠州府志	四十六卷	清·劉澹年修鄧掄斌等纂	清光緒七年刊本	全 10.00
4	"	順德縣志	二十五卷		民國十八年刊本	全 6.00
5	"	新會縣志	十四卷	清·林星章修黃培芳等纂	清道光二十一年刊本	全 7.00
6	"	開平縣志	四十六卷		民國二十二年鉛印本	全 7.00
7	"	恩平縣志	二十卷	清·石臺修馮師元等纂	清道光五年刊本	全 5.00
8	"	三水縣志	十七卷	清·李友榕等修鄧雲龍等纂	清嘉慶二十四年刊本	全 6.00
9	"	興寧縣志	十二卷	清·仲振履原本張鶴齡等續纂	清咸豐六年修民國十八年鉛印本	全 5.00
10	"	海豐縣志	二卷	清·于卜熊纂修	清乾隆十五年刊本	全 3.00
11	"	陸豐縣志	十二卷	清·王之正修沈展才等纂	清乾隆十年刊本	全 6.00
12	"	潮陽縣志	二十三卷	清·周亘重修張其翹纂	清光緒十年刊本	全 7.00
13	福建省	閩侯縣志	一〇六卷		民國二十二年刊本	全 7.00
14	廣西省	鎮安府志	二十六卷	清·羊復禮修梁年等纂	清光緒十八年刊本	全 7.00
15	"	臨桂縣志	三十二卷	清·蔡呈韶等修胡虔等纂	清嘉慶七年修光緒六年補刊本	全 8.00
16	"	興安縣志	十七卷	清·李賓暘修趙扶友等纂	清同治十年刊本	全 5.00
17	"	龍勝廳志	不分卷	清·周誠之撰	清道光二十六年刊本	全 3.00
18	"	平樂縣志	十卷	清·全文炳修伍嘉猷等纂	清光緒十年刊本	全 5.00
19	"	富川縣志	十二卷	清·顧國誥等修何日新劉樹賢等纂	清光緒十六年刊本	全 3.00
20	"	賀縣志	十卷		民國二十三年鉛印本	全 7.00
21	"	昭平縣志	八卷		民國二十三年鉛印本	全 6.00
22	"	陸川縣志	二十五卷		民國十三年刊本	全 6.00
23	"	鬱林州志	二十一卷	清·馮德材等修文德馨等纂	清光緒二十年刊本	全 6.00
24	"	天河縣志	二卷	清·林光祿纂修	清道光六年修抄本	全 5.00
25	"	百色廳志	九卷	清·陳如金修華本松纂	清光緒十七年刊本	全 3.00
26	雲南省	雲南府志	二十六卷	清·范承勛張毓碧修謝儼纂	清康熙三十五年刊本	全 9.00
27	"	廣南府志	四卷	清·林則徐等修李希玲纂	清光緒三十一年重抄本	全 3.00
28	"	永昌府志	六十七卷	清·劉毓珂等纂修	清光緒十一年刊本	全 8.00
29	"	昆明縣志	十卷	清·戴綱孫纂	清光緒二十七年刊本	全 3.00
30	"	宜良縣志	十卷	清·袁嘉穀修許實纂	民國十年刊本	全 5.00
31	"	嵩明州志	四卷	清·薛渭川纂修	清光緒十五年修抄本	全 6.00
32	"	南寧縣志	十一卷	清·毛玉成修張翊辰等纂	清咸豐二年抄本	全 6.00
33	"	宣威州志	八卷	清·劉沛霖等修朱光鼎等纂	清道光三十四修抄本	全 5.00
34	"	宣威縣志稿	十二卷		民國二十三年鉛印本	全 12.00
35	"	霑益州志	六卷	清·陳燕等修李景賢等纂	清光緒十一年抄本	全 6.00

36	雲南省	昭通縣志	十二卷	民國十三年刊本	全	12.00
37	"	昭通縣志稿	九卷	民國二十五年刊本	全	10.00
38	"	路南縣志	十卷	民國六年抄本	全	5.00
39	"	楚雄縣志	十二卷	清•崇謙等修 清宣統二年抄本	全	6.00
40	"	蒙自縣志	六卷	清•李焜撰 清乾隆五十六年抄本	全	5.00
41	"	騰越州志	十三卷	清•屠述濂纂修 清光緒二十三年重刊本	全	6.00
42	"	騰越廳志	二十一卷	清•陳宗海修趙端禮纂 清光緒十三年刊本	全	7.00
43	"	雲南縣志	十二卷	清•項聯普修黃炳燾纂 清光緒十六年刊本	全	5.00
44	"	新平縣志	八卷	民國二十二年石印本	全	6.00
45	"	雲南備徵志	二十一卷	清•王崧纂 清宣統二年鉛印本	二冊	20.00
46	廣東省	潮州府志	四十三卷	清•周碩勛纂修 清光緒十九年重刊本	二冊	18.00
47	"	瓊州府志	四十五卷	清•明誼修張岳松纂 清道光二十一年修 光緒十六年補刊本	二冊	16.00
48	"	番禺縣志	五十五卷	清•李福泰修史澄等纂 清同治十年刊本	全	12.00
49	"	番禺縣續志	四十五卷	民國梁鼎芬等修丁仁長等纂 民國二十年刊本	全	8.00
50	"	南海縣志	二十六卷	清•鄭夢玉等修梁紹獻等纂 清道光十五年修同治十一年刊本	全	8.00
51	"	順德龍江鄉志	五卷	未著撰人名氏 民國十五年重刊本	全	8.00
52	"	東莞縣志	一〇三卷	民國葉覺邁修陳伯陶纂 民國十年鉛印本	五冊	60.0
53	"	龍門縣志	二十一卷	民國招念慈修鄧慶時纂 民國二十五年鉛印本	全	9.00
54	"	清遠縣志	十七卷	清•李文烜修朱澀芸等纂 清光緒六年刊本	全	6.00
55	"	花縣志	四卷	清•王永名修黃文龍等纂 光緒十六年重刊本	全	10.00
56	"	赤溪縣志	九卷	民國王大魯修賴際熙纂 民國九年刊本	全	5.00
57	"	高要縣志	二十三卷	清•夏修恕屠英修何元等纂 清道光六年刊本	全	7.00
58	"	四會縣志	十三編	清•陳志喆等修吳大猷纂 民國十四年刊本	全	9.00
59	"	曲江縣志	十六卷	清•張希京修歐樾華等纂 清光緒元年刊本	全	6.00
60	"	直隸南雄州志	三十五卷	清•余保純等修黃其勳纂 清道光四年刊本	全	9.00
61	"	樂昌縣志	十三卷	清•徐寶符等修李穰等纂 清同治十年刊本	全	7.00
62	"	澄海縣志	二十七卷	清•李書吉等修蔡繼紳等纂 清嘉慶二十年刊本	全	7.00
63	"	歸善縣志	十九卷	清•章壽彭等修陸飛纂 清乾隆四十八年刊本	全	6.00
64	"	海陽縣志	四十七卷	清•盧蔚猷修吳道鎔纂 清光緒二十六年刊本	全	8.00
65	"	茂名縣志	九卷	清•鄭業崇等修楊頤纂 清光緒十四年刊本	全	7.00
66	"	吳川縣志	十卷	清•毛昌善修陳蘭彬纂 清光緒十四年刊本	全	7.00
67	"	感恩縣志	二十一卷	民國周文海修盧宗棠等纂 民國二十年鉛印本	全	9.00
68	"	高州府志	五十六卷	清•楊霽修陳蘭彬等纂 清光緒十五年刊本	全	12.00
69	廣西省	貴縣志	十八卷	民國歐卿羲修梁崇鼎等纂 民國二十三年鉛印本	二冊	18.00
70	"	廣西通志輯要	十八卷	清•沈秉成修蘇宗經羊復禮纂 清光緒十五年刊本	全	10.00
71	福建省	閩都記	三十二卷	明•王應山纂輯 明萬曆間修 清道光十年重刊本	全	6.00
72	"	福州府志	七十七卷	清•徐景熹修魯曾煜等纂 清乾隆十九年刊本	二冊	20.00
73	"	邵武府志	三十一卷	清•王琛等修張景祁等纂 清光緒二十六年刊本	全	12.00
74	"	福寧府志	四十五卷	清•朱珪修李拔纂 清乾隆二十七年修 光緒六年重刊本	全	10.00
75	"	汀州府志	四十六卷	清•曾日瑛等修李紱等纂 清乾隆十七年修 同治六年刊本	全	10.00



76	福建省	連江縣志	三十六卷	民國曹剛等修邱景雅纂	民國十六年鉛印本	全	7.00
77	"	永泰縣志	十二卷	民國董秉清等修王紹沂纂	民國十一年鉛印本	全	6.00
78	"	福安縣志	三十九卷	清張景祁等纂修	清光緒十年刊本	全	8.00
79	"	平潭縣志	三十四卷	民國黃履思纂修	民國十二年鉛印本	全	6.00
80	"	廈門志	十六卷	清·周凱修凌翰等纂	清道光十九年刊本	全	7.00
81	"	莆田縣志	三十七卷	清·廖必琦宮兆麟等修宋若霖等纂	光緒五年潘文鳳補刊本	全	10.00
82	"	晉江縣志	十七卷	清·方鼎等修朱升元等纂	清乾隆三十年刊本	全	8.00
83	"	同安縣志	四十三卷	民國林學增等修吳錫璜纂	民國十八年鉛印本	二冊	20.00
84	"	永福縣志	十卷	清·陳炎等修俞荔等纂	清乾隆十四年刊本	全	9.00
85	"	龍巖州志	二十一卷	清·彭衍堂修陳文衡纂	清道光十五年修 光緒十六年重刊本	全	8.00
86	"	龍巖縣志	三十八卷	民國馬蘇鳴修杜翰生等纂	民國九年鉛印本	全	7.00
87	"	長汀縣志	三十五卷	清·劉國光謝昌霖等纂修	清光緒五年刊本	全	8.00
88	"	寧化縣志	七卷	清·李世熊撰	清同治八年重刊本	全	7.00
89	"	雲霄廳志	二十一卷	清·薛凝度修吳文林纂	民國二十四年鉛字重印本	全	12.00
90	"	龍溪縣志	二十六卷	清·吳宜燮修黃惠李田壽纂	清乾隆廿七年修光緒五年補刊本	全	8.00
91	"	平和縣志	十三卷	清·李銘玉柏等修昌天錦等纂	清康熙五十八年修光緒十五年刊本	全	6.00
92	"	海澄縣志	二十五卷	清·陳鏜等修鄧廷祚等纂	清乾隆二十七年刊本	全	7.00
93	"	漳平縣志	十一卷	清·蔡世鉞修林得震纂	清道光十年修 民國廿四年重印本	全	8.00
94	"	甌寧縣志	十三卷	清·鄧其文纂修	清康熙三十三年刊本	全	7.00
95	"	建甌縣志	三十八卷	民國詹宜猷等修蔡振堅等纂	民國十八年鉛印本	全	8.00
96	"	浦城縣志	四十三卷	清·翁天祐修翁昭泰纂	清光緒二十六年刊本	全	12.00
97	"	政和縣志	三十七卷	民國李熙纂修	民國八年鉛印本	全	7.00
98	"	馬巷廳志	二十二卷	清·萬友正纂修	清乾隆四十二年修 光緒十九年補刊本	全	8.00
99	"	延平府志	四十七卷	清·傅爾泰修陶元藻等纂	清乾隆卅年修同治十二年重刊本	全	12.00
100	"	古田縣志	八卷	清·章竟可修林咸吉等纂	清乾隆十六年刊本	全	6.00
101	"	閩清縣志	九卷	民國楊宗彩修劉訓瑋纂	民國十年鉛印本	全	6.00
102	"	霞浦縣志	四十一卷	民國羅汝澤等修徐友梧纂	民國十八年鉛印本	全	7.00
103	"	寧洋縣志	十三卷	清·董驥修陳天樞等纂	清光緒元年刊本	全	8.00
104	"	建寧縣志	三十卷	民國吳海清修張書簡纂	民國八年鉛印本	全	7.00

### 塞北地方

1	寧夏省	朔方備乘圖說	一冊	清何秋濤纂修	清光緒三年刊本		5.00
2	"	朔方道志	三十二卷	民國馮福祥等修王之臣纂	民國十五年鉛印本	四冊	32.00
3	"	寧夏府志	二十三卷	清張金城修楊浣雨等纂	清嘉慶三年刊本		10.00
4	"	靈州志	四卷	清楊芳燦修郭楷纂	清嘉慶三年刊本		10.00
5	"	中衛縣志	十卷	清黃恩錫纂修	清乾隆二十五年刊本		8.00
6	"	平遠縣志	十卷	清陳日斯纂修	清光緒五年刊本		4.00
7	"	豫旺縣志	六卷	民國朱恩昭著	民國十四年抄本		4.00
8	"	寧夏志	四卷	明萬曆年刊本			6.00
9	綏遠省	綏遠全志	十一卷	清高慶恩等纂修	清光緒三十四年刊本		8.00
10	"	歸綏縣志	三冊	民國鄭裕孚纂鄭植昌修	民國二十四年鉛印本		7.00

11	五原廳志	二冊	纂修人名氏不詳	明手抄本	4.00
12	臨河縣志	三卷	民國王文墀纂修	民國二十年鉛印本	5.00
13	集寧縣志	四卷	民國楊葆初纂修	民國十三年修抄本	5.00
14	清水河廳志	二十一卷	清阿克達春文秀盧夢蘭等纂修	清光緒九年刊抄本	8.00
15	和林格爾廳志	四卷	清托明纂修	清咸豐二年刊本	5.00
16	土默特志	兩冊	不著纂修人名氏	清光緒年間刊本	5.00
17	熱河省承德府志	八十六卷	清海忠修林從燭等纂	清光緒十三年廷杰重訂本	四冊 32.00
18	察哈爾省宣化府志	四十三卷	清王者輔等修吳廷華纂	清乾隆八年修二十二年訂補重刊本	10.00
19	宣府鎮志	四十二卷	明孫世芳等纂修	明嘉靖四十年刊本	10.00
20	宣化縣新志	十七卷	民國郭維城修王告士等纂	民國十一年鉛印本	8.00
21	宣化縣土志	三冊	清陳垣纂修	清康熙五十年刊抄本	3.00
22	赤城縣志	九卷	清孟思誼修張曾炳纂	清乾隆十三年刊二十四年補刊本	3.00
23	龍門縣志	十六卷	清章惇纂修	清康熙五十一年刊本	8.00
24	懷來縣志	十九卷	清朱乃恭修席之瓚纂	清光緒八年刊本	5.00
25	察哈爾省西寧縣新志	十一卷	清韓志超等修楊篤纂	清同治二年刊本	8.00
26	陽原縣志	十九卷	民國劉志鴻等修李泰榮纂	民國二十四年鉛印本	7.00
27	懷安縣志	十一卷附圖	民國景佐綱修張鏡淵纂	民國二十三年鉛印本	10.00
28	蔚縣志	三十一卷	清王育樞修李舜臣等纂	清乾隆四年刊本	5.00
29	蔚州志	二十一卷	清慶之金修楊篤纂	清光緒三年刊本	7.00
30	延慶州志	十四卷	清屠秉懿等修張惇德纂	清光緒六年刊本	6.00
31	重修居庸關志	六卷	明張紹魁修纂	明萬曆十四年刊抄本	5.00
32	延慶衛志略	不分卷	四冊 清周碩勳纂修	清乾隆十年刊抄本	4.00
33	保安州志	四卷	清張毓生纂尋鑾音修	光緒二年刊本	5.00
34	保安州鄉土志	二冊	民國纂修人名氏不詳	民國間抄本	3.00
35	張北縣志	九卷	民國陳繼淹修許聞詩纂	民國二十四年鉛印本	二冊 16.00
36	口北三廳志	十七卷	清金志節原本黃可潤增修	清乾隆二十三年刊本	6.00
37	蒙古蒙古記	三卷	清姚明輝編	清光緒三十三年鉛印本	10.00
38	蒙古律例	十二卷	不著纂修人名氏	年代不詳	6.00
39	烏里雅蘇台志略	一卷	不著纂修人名氏	抄本	3.00
40	西北墾務調查彙冊	六冊	清西北墾務調查局編	清宣統二年石印本	8.00
41	蒙古布特哈志略	不分卷	四冊 清西布特哈孟定恭鏡雙編	刊印年代不詳	5.00
42	科布多事宜	一冊	清富俊撰稿本	清嘉慶四年成道光二十年八十改修	7.00

### 西部地方

1	新疆省回疆志	四卷	不著纂修人名氏	清乾隆間抄本	5.00
2	西陲要略	四卷	清祁士韻輯	清道光十七年刊本	5.00
3	西陲紀事本末	四冊	清不著纂修人名氏	清乾隆間抄本	7.00
4	新疆輿圖風土考	五卷	清長白椿園氏著	清乾隆四十二年刊本	4.00
5	舊刊新疆輿圖	一冊	纂修人名氏不詳	清光緒三十二年鉛印本	3.00
6	新疆山脈圖志	六卷	清王樹枏纂	清宣統元年刊本	二冊 14.00
7	新疆國界圖志	八卷	清王樹枏纂	清宣統元年刊本	8.00

8	新疆地理志	一冊	民國張獻廷稿	民國三年石印本	6.00
9	新疆禮俗志	一卷	清王樹枏纂	民國七年鉛印本	4.00
10	新疆回部志	四卷	清蘇爾德等撰	抄本	3.00
11	三州輯略	九卷	清和寧撰	清嘉慶十年修舊抄本	7.00
12	新疆四道志	四卷	纂修人名氏不詳	清光緒十二年刊抄本	10.00
13	綏定縣鄉土志	三冊	清蕭然奎纂修	清光緒三十四年刊抄本	3.00
14	溫宿府鄉土志	兩冊	纂修人名氏不詳	清光緒間抄本	3.00
15	<del>塔爾巴哈台事宜</del>	<del>四卷</del>	<del>纂修人名氏不詳</del>	<del>一冊舊本</del>	7.00
16	新平縣鄉土志	兩冊	清周芳煦纂	清光緒十二年抄本	3.00
17	哈密志	五十一卷	清鍾方撰	民國二十六年鉛印本	3.00
18	新疆章谷屯志略	一冊	清吳德煦輯	同治十三年抄本	4.00
19	新疆字化誌略	二冊	清欽憲保達彙編	清咸豐七年抄本	4.00
20	新疆志稿	三卷	民國鍾廣生孫龔甫等著	民國十九年鉛印本	4.00
21	青海省 青海志	四卷	清康敷鎔纂修	手抄本	5.00
22	青海記	不分卷四冊	清康敷鎔撰	手抄本	5.00
23	青海地志略	三卷	清康敷鎔纂	手抄本	4.00
24	西寧府續志	十卷	民國張价卿纂馬步芳等增訂	民國二十六年鉛印本	7.00
25	循化廳志	八卷	清龔景瀚李本源等纂修	清道光二十四年抄本	5.00
26	玉樹縣志稿	十卷	不著纂修人名氏	民國間手抄本	7.00
27	西康省 西康建省記	不分卷 (一冊)	民國傅嵩林編	民國元年鉛印本無撰者名氏 北平圖書館方志目作傅嵩林編	4.00
28	雅州府志	十六卷	清曹掄彬修曹掄翰纂	清乾隆四年修嘉慶十六年補刊本	10.00
29	襄塘志	二冊	清陳登龍編	清嘉慶十五年刊本	4.00
30	清漢縣志	四卷	清劉傳經修劉一油纂	清嘉慶五年刊本	8.00
31	越雋廳志	十二卷	清馬忠良原纂孫鏞增修	清光緒三十二年鉛印本	二冊 16.00
32	西藏 西藏誌	四卷	清焦應旂著	清康熙刊本	6.00
33	衛藏攬要	六卷	民國邵欽權著	民國六年抄本	5.00
34	西藏紀述	一冊	清張海撰	清宣統刊本	3.00
35	新疆省 西域釋地	一冊	清祁士韻輯	清道光十七年刊本	3.00
36	西陲事略	三卷	清李雲麟著	清光緒間抄本	3.00
37	青海省 玉樹調查記	三卷	民國周希武著	民國間抄本	5.00
38	新疆省 新疆小正	一冊	清玉樹枏纂	民國七年鉛印本	3.00

## 宋朝史料

				美金
太平治蹟統類	三十卷	宋·彭百川撰	三册	10.00
宋本皇朝編年備要	三十卷	宋·陳均撰	二册	10.00
遼文粹		清·玉仁俊輯	全	2.00
遼文存		清·繆荃孫輯	全	2.50
遼文續拾		清·羅福頤輯	全	2.50
九金人集		清·吳重熹輯	冲皮精裝三册	25.00
金文雅		清·莊仲方輯	全	5.00
金文最		清·張金吾輯	全	7.50

## 明朝史料

皇明經世實用編	二十八卷	明·馮應京編纂 明·萬曆版本	五册	25.00
皇明詔令	二十一卷	明·傅鳳翔編纂 明·嘉靖版本	四册	20.00
皇明泳化類編續編		明·鄧球	全	6.00
經濟類編	一〇〇卷	明·馮琦	二〇册	100.00

## 清朝史料

欽定工部則例	一二〇卷	清·光緒版本	一册	11.00
欽定禮部則例	二〇二卷	清·道光版本	二册	19.00
欽定吏部則例	五十二卷	清·光緒版本	一册	10.00
清議報	一〇〇期	清·梁啓超編	十二巨册	60.00
清代外交史料	(嘉慶朝 道光朝)	清·故宮博物院輯	二册	12.00
海國圖志	六〇卷	歐羅巴人原拱 林則徐譯魏源重輯	七册	35.00
劉武慎公遺書		清劉長佑編輯 清·光緒十七年刊本	七册	45.00